

كل  
الطرق  
تؤدي  
إلى  
داهية

مصطفى شهب

كل الطرق تؤدي الي ٦٠ داهية

مصطفى شهيبي

الطبعة الأولى ٢٠١٦

غلاف وإخراج داخلي: وليد فكري

فوتوغرافيا الغلاف: أحمد الأبى

رسوم داخلية: مصطفى يوسف

مراجعة لغوية: حمدى فرج



المدير العام: هالة الشبيشي

مدير النشر: أحمد القرملاوي

مدير المبيعات: شريف الليثي

رقم الايداع ٢٠١٦/٣٤٥٣

ISBN: 978-977-6549-13-5

	<a href="mailto:dartoya2015@gmail.com">dartoya2015@gmail.com</a>
	Dar.toya النشر و التوزيع
	@Dar_Toya
	Dar.toya
	(+2) 01140899887 - (+2) 01000706014
	٣٣ شارع عبدالوهاب عبد اللطيف - كوبري قبة - القاهرة - مصر

إهداء

لكل الهزائم والانكسارات  
والمخزيات والمطبات  
والطرق الوعرة ..  
الحياة بكم أجمل

مصطفى ع


# سكة السلامة

- ٧ كوكب بلوتو
- ١٣ ما فعلته حواء
- ١٩ السعداء لا يأكلون الاندومي
- ٢٥ فكر قبل الحذف
- ٢٩ انقذني
- ٣٥ المصري بيتصرف
- ٣٩ عشر فروق
- ٤٣ الشحانة موهبة
- ٤٩ تانيه تالت
- ٥٩ المصريين اهمما
- ٦٥ العروسة دي
- ٧١ تين شوكي بالمارشيملو
- ٧٧ خوف افضى للموت
- ٨٣ ٣ بوسترات ع الحيطه









عزیزی رئیس کوکب بلوتو

تحية طيبة وبعد..

أكتب لك يا سيدى بصفتى جاسوساً لكوكبنا العظيم بلوتو، ومندساً  
بكوكب الأرض لأنقل لكم تقريراً مفصلاً عنه بعد وجود نية لدى سعادتكم  
أن تحتلوه..

نصيحتى المبدئية يا سيدى أن تتخلى تماماً عن تلك الفكرة، فهو كوكب  
بائس، أعيش به الآن قرابة الخمسة أعوام وأندمج بين البشر دون أن  
يلاحظ أحدهم أنى غريب عنهم بشكلى وحجمى ولونى الأزرق الداكن.

فالناس هنا ملهية، كل منهم متفوق داخل نفسه يفكر كيف سيمر عليه  
الغد قبل أن يخطط كيف سيمر عليه اليوم، وإذا قرروا أن يذبيوا الجليد  
بينهم ويندمجوا، ما إن يبدأ أحدهم فى طرح رأيه فى موضوع حتى يسمع  
رأى الآخرين فى والدته مباشرة ! .

كانت الناس هنا يا سيدى لفترة تسأل «لماذا خلق الله لنا أذنين وفماً



واحداً؟»، ولم يعرفوا الإجابة إلا عندما حاصرتهم برامج التوك شو وخرسوا خالصاً !.

الناس هنا يا سيدي تعيسة جداً، وقد بدأت مشكلة الإنسان منهم عندما اعتقد أن غيره أسعد منه، فحاول أن ينحشر بمشاكل الآخرين حتى تهون عليه بلوته، ولكنه رأى بالنهاية أن بلوته كبيرة برضه !

على هذا الكوكب يا سيدي لا يوجد أحد مرتاح، وإن ارتاح أحدهم خاف أن تزول تلك الراحة فيتعب ! .

على هذا الكوكب يسأل الناس عن بعضهم، ليتأكدوا أن هناك من هم أتعس منهم فيطمئنون !

والإنسان هنا يا سيدي بطبعه غريب أصلاً، خلقت له ذاكرة ضعيفة لينسى فصنع الكاميرا والصور وكروت الميموري، خلقت له الطبيعة وفضل أن يعيش بالمولات، خلق له لسان ليتكلم به مع الناس فتواصل معهم بأزرار الكمبيوتر، خلقت له مشاعر فحولها لأيقونات إيموشنز مستفزة، الناس هنا وحيدة جداً.. وحيدة لدرجة انهم بيتصوروا سيلفي !

الناس على هذا الكوكب يا سيدي لا يكفون عن الشكوى، الوحيد يشتكى الوحدة ويحسد المتزوج، والمتزوج يشتكى الزواج ويحسد الوحيد، والمتزوج العائل لأطفال يشتكى لله ويحسداهم جميعاً!

وعلاقات الناس ببعضها غريبة جداً يا سيدى، الناس هنا يحبون أشخاصاً لا يحبونهم، ومن يحبونهم يحبون أشخاصاً آخرين خالص لا يحبونهم برضه، والناس تهتم بمن يتجاهلهم، ومن يتجاهلهم مهتم بأشخاص يتجاهلونهم، فى وضع معقد ومتعب للأعصاب.

هنا فى حياة كل فرد ثلاثة أشخاص: شخص يحبه، وشخص أحبه، وشخص يتزوجه بالنهاية، ولا تحاول أن تفهم السبب !

هنا الحب ليس منحة إلهية يقتسم به المحبون متاعب الحياة، هنا الحب نفسه عبء على البشر، هنا يسألك الناس: بتحب .. طب معاك كام؟ .

على هذا الكوكب يتفاخر الناس بعدد من قتلوهم، وتصدر مانشيتات جرائدهم بصفقات السلاح المتبادلة، فى نفس الوقت الذي يقيمون فيه مؤتمرات للسلام قبل الأكل وبعده !

هذا الكوكب يا سيدى يحكمه مجموعة من المختلين عقلياً، يدعمهم مرضى نفسيون، ويديره تجار الأمل فى علاج أفضل وسعادة أوفر وتذاكر متوافرة للجنة والنار.

ف البوسة، وقت حدوث البوسة يعنى، الطرفين لما بيبتدوا يتأهبوا للحظة دى، كل واحد منهم بيتحرك وياخذ فعل عشان البوسة تكمل، يقال إن الولد بما إنه أجرأ شوية بيتحرك ناحية البنت بزواية ٧٠ درجة والبنت بتتحرك ناحيته بزواية ٣٠ درجة وتكمل عملية البوسة.

البوسة لازم تبقى ف مكان محايد، ف النص، أو أبعد من النص شوية، عمر البوسة ما تتحسب بوسة لو كانت من طرف واحد التحرك ناحية الطرف التانى كل المسافه دى.

وهى دى باختصار العلاقات الإنسانية، أنا قربت، ووقفت مكانى عشان اسبيلك مساحة انت كمان تقرب، أنا مبعدتش، أنا قربت على أد ماقدر، قربت ووصلت للحد الأقصى م القرب، وهى دى فرصتك ومساحتك.. إنت اللى لازم تقرب.. ماينفعش تفضل ف مكانك وانا ماينفعش اقرب أكثر من الحد المسموح ليا، لو قربت هتلاقينى موجود، ولو بعدت هزعل، يمكن مش هيبان عليّ، يمكن مش هتشوفنى متأثر زى ما انت متخيل.. إحساسى بالذنب قليل عشان ده قرارك انت.. إنت اللى اخترت متكملش البوسة.



## كوكتيل الرجل المتردد

بعد عشرة العمر دى مع عمرو دياب، اكتشفت انه عاش طول عمره ضحية التردد، «احبك اكرهك»، «انا عايش ومش عايش»، «انا رايح فين.. انا راجع تانى»، واضطر عمرو دياب انه يدفع تمن تردده بأنه يدخل ف حوارات وقصص وأغانى كانت ممكن تخلص فى كلمة واحدة.

يعنى «قالوا اختار بين جنة ونار».. لو كان قال نار كان خلاص الأغنية خلصت..

قمرين دول ولا عينين؟.. قمرين.. بس كده..

قالتى قول حبتها ولا محبتها؟ - محبتها.. وخلاص..

يدق الباب اقول هى.. أبص من العين السحرية.. اكتشف انه بتاع الدليفري أقعد آكل وانا ساكت.





ما فعلته حواء بآدم

منذ حبة كتير كده، كان هناك رجل وحيد، استيقظ من نومه فوجد امرأة تنام بجانبه، فرك عينيه مرة أخرى لعله مازال فى الحلم ظن أنها وهم.. ولكن المفاجأة أنها كانت لحم ودم مثله تماماً، لحظتها انبسط آدم وتشقلب من الفرحة بالضيقة الجديدة التى ستملا عليه الدنيا.. حرفياً!

صحيح لم يكن آدم قبلها حزينا أو مكتئباً، ولكنه أيضاً للحق لم يكن سعيداً، ميزة آدم أنه متأقلم دائماً مع الأوضاع والظروف، ولكن تلك المرة كان الفضول سيقتله لمعرفة ذلك الكائن الغامض الذى فرضه القدر عليه ليشاركه الحياة بالعافية.

كان آدم صادمًا.. اللى فى قلبه على لسانه، ف تعامل مع حواء بكل صراحة وقحة، فلم تكن هناك مجلدات «كيف تخبر المرأة فى ثلاثين خطوة ان طلعالها حباية دون أن تجرح مشاعرها؟»، وتعاملت هى معه بكل وضوح

حتى في أدق تفاصيلهما دون أن تلجأ لمهاتفة هبة قطب على التلفزيون وهو ييجيب زبادى وفينو من تحت.

كانت حواء طبيعية، مباشرة، آراؤها هي آراؤها، لم تكن لديها صديقة أنتم لتأخذ رأيها في لون الشريطة اللي هتغلف بيها الهدية اللي ناوية تجيها لآدم في عيد ميلاده كمان ٩ شهور، ولم تكن لديها صديقة تسألها كل اربع دقائق «تفتكرى فعلاً لو تقلت عليه هيترمى عليا ولا هينفضلى خالص؟!»، ولم يكن لديها منتدى فتكات تشتكى فيه وتفضفض عن حماتها اللي بتطب عليها فجأة وسلفتها اللي حاشرة مناخيرها في حياتها.

استمرت قصة جبهما دون أن تأخذ حواء سكرين شوت لرسائل آدم لتتاجر بها على مواقع التواصل الاجتماعى لتحصد اللايكات، ولم يكن معها موبايل تصطاد آدم كل ربع ساعة لتصرخ فيه «كنت ويتنج مع مين؟ وليه سيين على الواتس اب ومردتش»!

كانت حواء ذات عزة نفس، فلم تقتنع أن الجرى وراء الرجالة هو نوع من الرياضة، ولم تُرد أن تعزز نفسها أكثر وأخبرت آدم ان متقدملها ظابط ومحاسب فى السعودية.. بس هى النفس مش أكثر، ولا أرادت له أن يلحق العرض فأخبرته أن ابن عمته متكلم عليها ومش عارفه تعمل ايه!، أى نعم

كان مفيش غيرها آدم آدم وكانت واثقة انه هيلف يلف ويرجعلها.. بس  
يحسبلها ده برضه !

وعندما أعلننا ارتباطهما، لم يكن لدى حواء أصدقاء شباب على الفيسبوك  
ترزعههم البلوك على خوانة لأنها اتخطبت!، ولم تلتقط صورة وهي توجه  
بوكساً بقبضة يدها ويد آدم في وجه كل من تعرفهم رمزاً لانتصارها في  
معركة كسبتها أخيراً، ولم تلتقط صورة أخرى وهي تخرج لسانها لكل  
صديقاتها وهي تشير للدبلة لتغيظ كل أعدائها، ولم تضع كلمة «خطيبي»  
سبع مرات في جملة مالهاش أى تلاتين لزمة وهي تتحدث مع صديقتها  
السنجل، ولم تضع صورة خطيبها بروفيل بيكشر ليظهر لك اسمها  
الأثنوى الرقيق مع صورة شاب ضخم بشنب في مشهد يخيفك بقية  
حياتك، والأهم.. الأهم من ذلك كله انها لم تكتب يوماً «يا جماعة اللي  
مركز معايا يسييني في حالي» وهي مقتنعة ان خطيبها اللي شبه البروكلي  
مثار حسد جميع بنات الأرض !.

كانت حواء متصالحة مع نفسها، أحبت حواء شكلها ولم تتعامل مع وجهها  
كتورثة فواكه، وأحبت جسدها ولم تخجل أبداً عندما ترهل ولم تعمل ١٥  
نظام دايت في الأسبوع وتضعف بعد نص ساعة، وعندما قلت نضارة  
بشرتها تدريجياً بفعل الطبيعة والزمن لم تلجأ للبوتكس ووصفات أمينة



شلباية اللي هترجعها ١٥ سنة ورا (كانت رجعت هي)، كانت حواء عارية ومعترفة إنها عارية، ولم تقاوح إنها لابسة وهي تقريباً مش لابسة! ولم تكن تستهلك من وقتها أربع ساعات لتعرف هتلبس إيه وهي نازلة ولا ساعات أخرى لتندب حظها إن معندهاش حاجة تخرج بيها ودولابها يكفى لإقامة معرضين للملابس «رسالة» المستعملة.


ولكن كل تلك المثالية جعلت حياتها مملة، سخيفة، ليس بها أى سبب أو أكشن أو دراما، لذلك استيقظت حواء ذات صباح ومالت على أذن آدم وهمست له: بقولك إيه.. ماتيجي ناكل من الشجرة!

## لحظة الاعتراف

اللحظة اللي بتقرر فيها انك تقول لحد انه بقى جزء من حياتك، إن كل تفصيلة ف حياته بقت حاجة مهمة ليك، انه بإيده يخلى مزاجك حلواوى أو سييء جداً من غير ما يقصد، ان كل كلمه عابرة أو فعل تافه بيعمله ممكن يغير يومك كله، انك بقيت تشوف الحياة بعينه هو أكثر ما انت نفسك شايفها، انك اكتشفت انك بقيت تقول نفس اللزمات اللي بيقولها وسط الكلام وبقيت تقلد حركاته وطريقة كلامه تلقائياً من غير ما تقصد..

فى اللحظة دى قدامك حل من اتنين: أولهم انك تقول ده، تصارح، تحدف نفسك فى ملعبه وتستنى قراره، تستنى تقيمه لواحد جاي يستنجد بيه ويقوله انه محتاجه ف حياته، وما مدى غروره اللي هينقح عليه ساعتها.. ونظرتة اللي هتختلف ليك تماماً بعد ما حس ان هو موجود على سلمة أعلى من السلمة اللي انت واقف عليها بالنسبة له.. فكرة انه بقى أكثر من صديق وانت لسه زى ما انت ف مكانك ف حد ذاتها فرصة عظيمة لانتفاخ الأنا والغرور!، هو هيحتر.. لو عايزك هاتقل فى نظره ولورافضك هااستخسر.. وفي الحالتين مش هيقولك.. مقاومة اللذة والاستمتاع ان حد محتاجلك مش أى حد يقدر يقاومها.. فمبيقاش عايزك لنفسه ونفس الوقت مش عايزك لغيره، فلا يرفض مشاعرك ولا يقبلها، الحل الثانى تخرس خالص.. وتشيل السر جواك لحد ما تحس ان الطرف الثانى على نفس تراك المشاعر معاك.. ولو مبيقاش، اكنم السر للأبد ومتغيرش صورتك ف عينه، الاعتراف ورطة.. وروصاصة لما بتطلع وما بترجعش!





السعداء لا يأكلون الأندوهى

قالت لى صديقتى وهى تشفط آخر شفطة من عصير المانجو: «دى تالت كوابية مانجا بعد تشيز كيك بالتوت وحفلة لعمر خيرت وفيلم رومانسى فى السينما ولسه مش مبسوطة.. كل حاجة كانت بتبسطنى فقدت قدرتها على الإيساط.. تفتكر ليه؟».

فقلت لها: يا عزيزتى إن كل ما نفعله هى محاولات للسعادة الوقتية التى تنتهى بانتهاء الحدث أو بعده بقليل على أحسن تقدير. رفعت حاجبيها ثم نظرت لى بخبث ولم تبدأ النطق حتى قاطعتها: أعرف السؤال القادم.. ستسألينى: هل هناك سعادة فى هذه الدنيا؟ وأخبرك أنه لا يوجد أحد مرتاح بطبيعة الحال ولكن ثمة بشراً استطاعوا أن يخلقوا الحد الأدنى من السعادة لأنفسهم، وعاشوا سعداء!

السعداء هم الذين لا يشتكون من الدنيا وأحوالها كلما سألهم أحد عن أخبارهم، فهم يدركون أن «عامل إيه» و«ازيك» و«إيه الأخبار»، هي أسئلة للتحية فقط وليست أسئلة بجد تنتهي بعلامة استفهام وتنتظر إجابة طويلة عريضة عن القرف الذي يعانیه، لأنهم يدركون أن من يسألونهم يعانون من نفس القرف وربما أكثر!

السعداء هم الذين قبلوا بالحياة «باكج» واحدة على بعضها بكل ما فيها، فطالما نظروا دائماً للجانب الرائع بحياتهم، فلم يضخموا الخسائر دائماً على حساب الأرباح، فشعروا بالرضا ورضيت أنفسهم عنهم.

السعداء هم الذين استطاعوا أن ينجحوا بقوة في اختزال الكراهية لأقصى مساحة بقلوبهم، ووقفوا مع من يحتاجهم من قبل أن يطلب، وساعدوا من طلب دون أن يمضوه ويصموه على ورقة إنه هيثم فيه.

السعداء هم من أدركوا عيوب أصدقائهم وتعاشوا معها، كما تعايش أصدقاءهم مع عيوبهم، وهم الذين يصارحون الناس بكل ما يضايقهم أولاً بأول ولا يسمحون للزعل أن يتكوم، ولا لقلوبهم أن تتعباً بالتوفاه، الذين يمتلكون من الصفاء ما يسمح لك أن تعاتبهم دون حساسية، ويمتلكون من البساطة ما يكفي لعدم تبريرك لهم بأنك تهزر كل ما تيجي تهزر.

السعداء من أدركوا أن الأصب من انتظار حبيب يعود هو انتظار الدور في عيادات الدكاترة، وأن دهس من لا يستحقون لمشاعرهم أخف أماً من دهس أرجلهم للعبة أطفال بالخطأ، وأنه ليس هناك قرارات صحيحة وقرارات خاطئة.. بل هناك قرارات صحيحة وقرارات نتعلم منها..

السعداء ليست لديهم تلك الحساسية المفرطة تجاه صحتهم، فلا يأكلون الإندومي ليلاً في طبق حزين، السعداء من يتعشون طيبخ وسمك وبسبوسة بالقشطة دون الاكتراث بفويا الحموضة، السعداء هم الذين مازال لديهم القدرة لتأثروا بمصطفى حسنى ويكون لخال تامر حسنى وهو يودع حبيبته في أغانيه، ولا يقارنون جديد عمرو دياب الفنى بماضيه ولا يسألون دوماً: هو منير فين من اللى بيحصل فى البلد؟

السعداء السفر بالنسبة لهم مشوار، والرياضة رفاهية، وزيارة مطاعمهم المفضلة طقس دورى، والنوم يزورهم فى السوبر جيت والقطارات وسراير الأعراب..

السعداء لا يخلو كلامهم من إفيهات الأفلام، يشاهدون باستمرار «العيال كبرت» و«مدرسة المشاغبين» و«المتزوجون» و«سك على بناتك» و«ريا

وسكينة» و«الواد سيد الشغال».. ويضحكون بنفس شغف وحماس  
وصفاء الضحكة الأولى، يرقصون دون مقاومة على الأغاني الشعبية دون  
التسفيه منها، ويرتدون الملابس المريحة أكثر من كونها شيك، ويختارون  
منها ما يليق بهم وليس لكونه ماركة.


السعداء احتجوا عن الكلام فى السياسة، ولا يشاهدون برامج التوك  
شو، وقاطعوا الجرائد، واحتفظوا برأيهم فى القضايا المثيرة، اختاروا ألا  
يكون لديهم وجهة نظر.. وذلك فى حد ذاته وجهة نظر!

١٣

إحنا بندفع تمن كل حاجة، بندفع تمن الكلام الحلو اللى بنقوله، والكلام الحلو اللى بنسمعه، كل حاجة حلوة حصلت لنا دفعنا تمنها تعب، ودفعنا تمنها خوف انها متروحش من بعد ما جت، ودفعنا تعبنا تانى عشان تستمر، دفعنا تمن الصدف الحلوة بمفاجآت زى الزيت، ودفعنا تمن وجود ناس حلوة عبرت ف حياتنا مقدرنهاش بناس قدرناها و متمرش فيهم، دفعنا تمن كل حاجة ولسه هندفع، الحياة عادلة جدًا وميزانها مظبوط، فتمستكترش على نفسك أى حاجة حلوة تحصلك.







فكر قبل الحذف

عمرك سألت نفسك: هل الناس اللي بتحبهم، بتحبهم عشان هما حلوين للدرجة دى، ولا بتحبهم عشان ملقتش غيرهم فى طريقك؟

مفهمتيش.. يعنى هل هما اصحابك لمجرد ان الظروف جمعتك بيهم، ولا انت اخترتهم بكامل إرادتك وانت عارف ومتأكد إنك لو قابلتهم فى ظروف وأوقات مختلفة كنت هتصاحبهم برضه؟

طب هل انت زى ما انت عشان الظروف اللي انت عايش فيها، ولا لو الظروف اختلفت مش هتبقى انت خالص؟

يعنى انت إزاي حكمت على نفسك انك محترم، وانت حاطط حواليك كل القيود اللي تخليك محترم، انت محترم أول ما تتحط فى كل الأجواء المنحلة وتثبت انك فعلاً محترم، وانت صادق مش عشان بتقول الحقيقة.. انت صادق لما اخترت تقول الحقيقة وكانت فرصتك أحلى كثير فى الكذب!.

والصاحب إزاي حكمت عليه انه صاحب لمجرد انه بيروح معاك السينما أو بيشاركك القعدة فى الفود كورت.. أى حد ممكن يعمل كده، صاحب يبقى صاحب أول ما يكون هو أول رقم يبجي فى دماغك أول ما تقع فى مشكلة.. صاحب هو اللي هيقدر إنه يتورط معاك فى المصيبة لحد ما تخرجوا منها سَلام.. أو ما تخرجوش!


والوحدة مش هى اللي تحس بيها وانت فى كافيه بتقرا كتاب، أو فى مشيك الصبح وانت بتسمع مزيكا عالية فى ودنك، الوحدة مش قعدتك على البحر وانت بتتفرج على الناس، الوحدة مش إنك تبقى لوححك، الوحدة هى إنك تبقى لوححك وسط الناس، الوحدة انك تبقى ساكت فى دوشتهم، ومدووش ف عز ما همّا ساكتين، الوحدة انك تسحب نفسك ببساطة من عالمهم للعالم بتاعك انت، إحساسك انك فى مكان وهمّا فى مكان تانى خالص!

والغربة مش إنك تعيش وسط ناس متعرفهمش، الغربة مش إنك تروح حفلة متعرفش فيها حد، الغربة مش إنك تقابل ناس جديدة فتاخذ جنب، الغربة هى إنك تكتشف ان الناس اللي ضيعت سنينك بقربهم.. انت لسه معرفتهمش، الغربة هى كلامك مع ناس دلوقتى بطرايف كلام بعد ما كانت ساعات الرغى بينكو ما بتخلصش، الغربة انك متعرفش تداوى اللي انكسر بينك وبينهم فلا قدرتو تبقوا قريبين ولا عرفتو تبقوا بُعاد!

والخوف مش انك تخاف على أى حاجة تحصلك، الخوف انك تخاف من خوفك اللي خُفته على أى حاجة تحصلك. والشجاعة مش إنك تفكر فى قرار رغم مخاوفك، الشجاعة إنك تكون فى نص الطريق بتحارب مخاوفك. والندم عمره ما كان إنك تندم على حاجة انت عملتها.. الندم اتعمل عشان تندم على كل حاجة ما عملتهاش!

والافتقاد مش انك تفتقد حد ميت مش هتشوفه تاني، الافتقاد هو إنك تفتقد حد عايش لسه الفرص موجودة تشوفه وتقابله بس علاقاتكم هى اللي ماتت. والاحتياج مش إنك تبقى محتاج حاجة عشان تبقى كويس، الاحتياج ان يبقى معاك كل حاجة بس ناقصك الحاجة دى عشان تبقى كويس، والاستغناء عمره ما كان معناه انك تستغنى عن حاجة مش معاك، الاستغناء هو ترفعك وزهدك عن حاجة فى إيدك وملكك وانت اللي مش عايزها!

وسط توهانا احنا، ووسط توهان الحاجات، ووسط توهانا احنا وسط الحاجات، محتاجين نرجع نفصص كل حاجة، نشوف كل حاجة زى ما هى، ولأن الحاجات شبه بعض.. ومش هنعرف نفرق بين أكياس الشاى والنعناع والكر كديه.. فمحتاجين ندلق عليهم ميه مغلية، ساعتها.. يمكن.. يمكن نشوف لونها الحقيقى!



عندما أرسلت لي تلك الطفلة: انقذني

كان صباحاً هادئاً وأنا أتصفح رسائل الإن بوكس على موقع فيس بوك مع مج النسكافيه كعادتي اليومية، حتى وجدت رسالة قصيرة تنتظرني من طفلة عمرها ١٠ سنوات، تقول نصّاً: «مصطفى، أرجوك قولّي ازاى اقدر اتخلص من ذكرياتي اللي معكنة حياتي ومخلياني مش عارفه انام!». .

هنا عملت زيك بالظبط وتّحت، دخلت على بروفايلها الشخصى أتأكد من هويتها، هى فعلاً طفلة بالصف الرابع الابتدائى ولايسة المريلة اه، فكتبت أسألها بكل براءة: «ذكريات إيه يا حبيبتى اللي مش قادرة تنسيها.. تسلخات البامبرز؟». .

صدقنى لم أكن أقصد أبداً السخرية منها ومن مشاعرها، ولكن ماذا تكون ذكريات واحدة في السن دة

قتلنى الفضول فى الحقيقة لكى أعرف ذكرياتها ومأساتها قبل أن تغلق الطفلة حسابها وأغلب الظن أنها سافرت تستجم وتعيد ترتيب أوراقها

قبل أن تتخذ قرارات مصيرية تقلب حياتها رأساً على عقب .

عندما كنت فى سنها، كان قرارى المصيرى وقتها انى أطلع المضاف إليه من قطعة النحو، يوم أن حولت من مدرس عربى لمدرس آخر كان قرار عيلة، كانت حيرتى فى الربع جنبه المخروم اللى طلعلى فى كيس قلبظ همًا بالنسبة لى.. يا ترى أصرفه دلوقتى ولا أخليه مع مصروف بكرة، الفلسلفة فى حياتى انى أفكر يا ترى وانا باكل الشيبسى انا بس اللى سامع صوت القرمشة ولا اللى حواليا هما كمان سامعين!!

كانت الصياغة تتجلى فى أن ألبس الكاب بالشقلوب وألبس البلوفر بالعكس، وكانت الروشنة وقتها انك تروح لحد تقوله: قول شاكوش.. بس قول شاكوش.. شعرك منكوش..

الطفل قليل الأدب أيامنا السافل المنحط الوقح.. هو اللى كان يقول للتانى: هديك بوكس اخليك صابونة لوكس..

بالمناسبة أكتب هذا المقال وتجلس بجوارى فى الكافيه فتاة.. لا فتاة إيه حنة عيلة مفعوصة لم تكمل الـ ١٢ سنة بتشيش جنبى بشراهرة.. وأنا أتذكر أننى يوم ما صِعت فى سنها شربت زبادى خلاط ومضمضت بقى وأنا مروّح، فى أحد الأفراح دققت بوجه طفلة أعرفها وسألتها: إيه اللى انتى مهيباه فى وشك ده؟ شكلك حاجة واربعين سنة.. أبو شكلك، فردت

بكل الأطة: دى آى لاينز.. كنت أود فى لحظتها أن أخبرها عن مصير بنت فى اعدادى وضعت زبدة كاكاو من ورا أهلها ولم تر الشارع إلا فى الثانوى، ولكنها أكملت: عيبكو كده.. إنتو الرجالة يعنى.. بتحكموا ع البنت من شكلها.. ما فائدة عذرية الجسد إذا كان الفكر عاهراً؟ يا نهارك منيل.. عذرية الجسد؟.. ده انا قعدت لحد تالته اعدادى فاكر ان الناس بتخلف بعض بالبوس!!

يا الله! كيف تحولت الطفولة الجميلة بهمومها البرينة لهذا الكم من التشوه، وكيف تحول الأطفال فجأة لعيال كبار دون أن يعيشوا كل لحظات الهبل والسذاجة والبراءة التى لا يبقى من شقاء العمر سواها فترة مفرحة، يكفينا أننا لم نكن نحمل فى أنفسنا إحباط الأمس وهمّ اليوم وغموض بكرة، لو يعلم هؤلاء الأطفال أنهم يسرعون شريط حياتهم ليعيشوا مرحلة تعيسة ستأتى آجلاً، لندموا على استعجالهم وقضوا أوقاتهم بكل تفاهة ممكنة.

إن أجيالاً لم تلعب «الأولى» والسيجا والسبع طوبات وحبست خيالها فى الآى باد والبلايستيشن، وتحول رغيهم وشرهم لشات الفيسبوك والواتس اب، فكتبوا أكثر مما تكلموا، وصمتوا بدلا من أن يملأوا الدنيا ضجيجاً، ولم يعيشوا قصص حب النظرات من بعيد لبعيد، هى أجيال بائسة بلا شك!.

أمى العزيزة، تهتمينى أنا وجيلي، جيل العشرينات بأننا جيل جاحد ومش متربي، تحكين لى دوماً أنك كنت تخافين أمك من مجرد نظرتها لك وأنا



جيل مابختشيش، عندك حق.. انتو أسرة كانت تتجمع ثلاث مرات على السفره.. أجيال ما يسمى بالدفاء الأسري، ونحن أجيال لا ندفاً إلا بالوايرلس، كنتو أسرة كاملة لديكم تليفون واحد أما الآن فاصبحنا نحن الخمسة لدينا ١٢ خط تليفون.. هنكلم بعض إمتي؟

إنتو جيل العزومات واحنا جيل يعيش على سندوتشات يفتحها أكثر من مرة ليتأكد أن ما نأكله فراخ أو لحمة لأن كمية الصوصات أفسدت طعمه، إنتو جيل كانت أكبر مشاكلكم «ساكن في حى السيدة وحيبى ساكن فى الحسين» ونحن مشكلتنا.. خارج انا وحيبى، أجب فلوس المينم شارح منين؟، إنتو جيل الوسادة الخالية ونحن جيل عمر وسلمى، إنتو جيل الزرارين.. الأخضر يفتح والأحمر بيقل، واحنا جيل تتوقف راحة باله وأمنه واستقراره وسعادته على مدى شحن بطارية تليفونه، إنتو جيل الإحساس نعمة، واحنا جيل نعمة فيه مصاحبه اتنين فى نفس الوقت!

أمى.. إنتى محظوظة انتى وكل جيلك، فرغم كل ما تعانونه منا، فنحن بالنسبة للأجيال القادمة ملايكة بأجنحة بيضاء، أما نحن، فنحن البؤساء التعساء سيئو الحظ اللى هندبس فى تربيتهم، ولا أخفى عليك سرّاً.. مش متأكد.. مش متأكد خالص يعنى.. مين اللى هيربى الثانى فينا..؟

## مين زار بروفائيلك؟


كان عندك طول الوقت فضول تعرف مين اللي زار بروفائيلك على الفيس بوك من خلال تطبيقات أغلبها كان فيروس ومصيدة لفضولك، بس الغريب ان نفس فضولك ده مودكش لأبعد من كده، مفكرتش في تطبيق يكون حقيقي وواقعي أكثر من مين اللي زار بروفائيلك، تطبيق في حياتنا يخلينا نعرف مين حبك وساكت، ومين حبك واتكسف يقولك، مين مهتم بيك ونفسه يصارحك باهتمامه بس خايف من رد فعلك، ومين انت مزعله ونفسك تصالحه بس خايف يكسفك، ومين انت زعلان منه ونفسك يقولك بس انا آسف عشان تتلكك وترجع تكلمه، مين كان مفروض تقوله شكراً بس الدنيا خدتك؟ مين كان نفسك تقوله: «على فكرة عندك حق.. أنا كنت غلطان» بس كرامتك نقت عليك، مين كان في ضيقة وكان نفسه يسمع منك كلمة معلىش لأنها هتفرق معاه، ومين خاف يطلب منك حاجة ومطلبهاش لإنه خاف انك تتخذله!

إنت دلوقتي مدان لحاجتين، أول حاجة انك سكت، والحاجة الثانية انك فضلت طول الفترة دي ساكت.

اتعود في الحياة دي، إنك حتدفع تمن اللي انت مقلتوش أكثر من اللي انت قلت، وان الحياة أقصر مما تتخيل، وان فرصتك في إنك تقول للي بتجبه انك بتجبه، وتعتذر للي عايز تعتذر له متاحة دلوقتي قبل ما تختفي خالص.

صدقني فيه مشاعر كتير فايتاك، أول ما هتعرّفها هتكتشف ساعتها انها كانت أهم بكثير من فكرة مين اللي زار بروفائيلك.





المصري بيتصرف

لو كل واحد فينا دورٌ عنده في حياته ومالكاش حاجة يفتخر بيها، لازم على الأقل يفتخر إنه مصرى.. الأب الروحي لمبدأ «الحاجة أم الاختراع».

إعادة التدوير هو علم يقوم على تحويل المخلفات والحاجات اللي بتترمي، لمنتجات تانية ممكن يستفيد منها الإنسان، ولان المصرى بطبيعته مخترع، كان رائد في علم إعادة التدوير، يمكن محدش فرصته في المحافل الدولية، بس خدها في البيوت المصرية، لو بصيت بصة كده عندك في البيت، هتلاقينا اخترعنا من كل حاجة.. حاجة تانية خالص.

أزايز الحاجة الساقعة قلبناها أزايز ميه وحطيناها في التلاجة، علبة الشيكولاته لما خلصت حطينا فيها إبر وبكرات خياطة ومسامير ومفكات، والكراتين بنحط فيها الكراكيب..

علب السمنة عملناها قصارى للزرع، وعلب السجاير الفاضية بنعملها طفاية، وكبايات الجبنة بتختلف، الصغيرة بنعمل فيها شاي، والكبيرة بنشرب فيها ميه..

بطرمانات المربي والعسل، بنخلل فيها زيتون وخيار.. أو بنحط فيها السكر والشاي، وأزايذ الزيت بنحط فيها الجاز، وأكياس السوبر ماركت بنعملها أكياس زباله، حتى شنط الهدايا، بنحتفظ بيها عشان ندى فيها هدايا لناس تانيه بيحتفظوا بيها برضه عشان يدوها لناس تالته.

إحنا الشعب الوحيد اللي بيستخدم الجرايد فى كل حاجة إلا القرية، بيفرش عليها الأكل، بيلمع بيها الإزاز، بيلف بيها السندوتشات، بيجطى بيها الجثث، حتى الكرايس لما بتخلص ما بنرميهاش، بنطلع عليها بطاطس..

إحنا الشعب الوحيد اللي لما ازازة الشامبو بتخلص بيملاها ميه عشان ما تخلصش، وبيعض على البطارية بسنانه عشان يطول فى عمرها..


إحنا الشعب اللي مايرميش المنديل لما بيستخدمه، بيحطه فى جيبه تانى يمكن يحتاجه، ولو هيرميه.. يمسخ بيه الجزمة الأول!.

إحنا الشعب اللي ما بيرميش الفاكهة اللي قربت تبوظ ويعملها عصير، وما بيرميش غياراته الداخلية القديمة لانه بيثيل بيها الحاجات السنخة فى المطبخ (إنت متخيل القرف!!)، أما هدومه نفسها فيستخدمها لمهمة أرقى.. ييمسح بيها أرضية البيت، أو بيستعملها اكياس للمخدرات!.

إحنا الشعب اللي الشورت عنده كان أصله بنظنون اتهلك، وهدوم البيت كانت هدوم خروج بس قدمت، وأكل الققطط والفراخ بيبقى بواقى الغدا، ولب السهرة بيبقى لب البطيخ اللي بنحمصه ما بنرميهوش..

إحنا الشعب اللي لما ييفشكلى خطوبته بيحفظ بالهدايا يديها لخطيبته اللي بعد كده، وبيتجوز مراته الجديدة بنفس عفش مراته القديمة، وهدوم عياله بيورثوها من الكبير للصغير..

إحنا أكثر شعب عنده بياعين روبايكيا، مع إننا أكثر شعب معندوش حاجة تترمى!



١٠ فرق بينك وبينها

١- الولد لو بنت خانتة بيكره كل البنات، إنما البنت لو راجل خانها..  
فبتكره كل البنات برضه!

٢- الولد بيغلط في اسم حبيته كل مرة بإسم، والبنت بتغلط في أسامي  
الرجالة كلهم بإسم حبيها!

٣- الولد مصدر فخره في الحياة كام بنت ارتبط بيها، ومصدر فخر البنت  
في الحياة كام ولد فكستله.

٤- الولد والبنت لما يرتبطوا، هو بيحس انه لقي حد مناسب يشاركه  
أيامه، وهي بتحس انها انتصرت على كل بنات العالم.

٥- بعد الفراق، البنت بتتعب الأول وبعدين تنسى، أما الولد فينسى  
الأول وبعدين يتعب!



٦- البنت لو عرفت ان اخوها بيحب بتقف جنبه عشان تنجح قصة حبه،  
أما الولد لو عرف ان اخته بتحب فييطين عيشتها.

٧- الولد لما يكتب فى آخر الرسالة: أنا مش مستنى رد منك ببقى فعلا  
مش مستنى رد، إنما لو بنت كتبت: مش مستنية منك رد، فهى بتقولك: لو  
سمحت أرجوك أتوسل إليك رد!

٨- البنت عندها مية سبب تتمسك بالحب، والولد عنده مية سبب يخلع  
منه.

٩ - مفيش راجل مش خاين، فيه راجل لسة منكشفتش خيانتته، ومفيش  
بنت مابتعرفش خيانة راجل ليها، فيه بنت بتعمل عبيطة.


١٠- الراجل بيقول الحقيقة طول ماهو مش لاقى كدبة مقنعة، والبنت  
بتكذب طول ماهى عارفة ان الحقيقة مش مقنعة!

## التوصيلة

توصيلة البنت اللي بتحبها عمرها ما كانت تقضية واجب، آخر لحظة في اللقا زي آخر نفس ف السيجارة،

زي آخر حبة شوكلاته، زي آخر بق من فنجان قهوة، بتحاول تعصر اللحظة تطلع منها كل حاجة حلوة قبل ما تخلص، مسكة إيديها وانت بتعدى الشارع، مشيك ناحية العريبات وانتوع الطريق، رجلك اللي بتقدم خطوة وتتأخر اتين وانت بتحاول تتكى على الزمن يقف، آخر سلام، وآخر مشاورة بالإيد، آخر «خد بالك على نفسك» و«لما توصل كلمنى»، اللحظة اللي بتختفوا فيها تدريجيًا عن نظر بعض، وهى ذات اللحظة اللي بتكتشف ان الأوقات الحلوة ما بتكتشفش انها كانت حلوة الا لما تخلص!





الشحابة موهبة مش حرف مناديل

بفرنسا استوقف شاب أنيق صديقى وزوجته فى أحد الشوارع، وقال له بمنتهى الأدب: اعذرني عن وقاحتى فى هذا السؤال.. ولكن هل تجبها؟ هل تحب رفيقتك؟ ارتبك صديقى فجأة وقبل ان يسيء الظن بهذا الشاب ويلكمه مسبباً له عاهة مستديمة بغشومية المصريين المعهودة، قطع عليه الشاب تفكيره وأكمل: هل تسمح لى أن أرسم لك لوحة تهديها لها لتذكرا معاً تلك الليلة الرائعة وتدفع لى أى مقابل بشرط أن تعجبك الرسمة؟!

الصدمة جعلت صديقى يوافق ويخوض التجربة حتى يرى نهايتها، وكانت نهايتها رائعة بالفعل، إذ حصل في بضعة دقائق على لوحة فنية لا تقل جمالاً عن لوحات أمهر رسامى العالم لدرجة أنه يحتفظ بها فى صالة بيته إلى الآن.

إن طلب المساعدة واكتساب الرزق لم يكن أبداً شيئاً مهيئاً للنفس مادام يقابله شيء يسعدك حتى لو كان بسيطاً ورمزياً، عند برج إيفل يصطف

راقصو الباليه بكل أناقة يقدمون لك الرقصات والاستعراضات وعلى بعد أمتار منهم ستجد من يرقصون رقصات ليدى جاجا ومادونا، وتكتظ شوارع أمريكا بالمشردين الذين يقيمون حفلات الخدع والسحر للمارة سواء كانوا بمفردهم أو يشاركونهم في تلك العروض بعض الحيوانات المدربة مثل الكلاب والقطط والعصافير وغيرها، وفي إسبانيا سيوقفك أحدهم بمنتصف الشارع لترقص معه على نغمات الصالسا، وفي اسطنبول ستجد بعض الشباب ارتدى ملابس تنكرية لشخصيات عامة وتاريخية يحب الناس أن يلتقطوا الصور معهم، حتى المتسولون العاديون الذين لم يملكوا أى قدرات فنية للتسول قرروا طلب المساعدة بخفة دم، رأيت صورة لأحد المشردين وقف بلافتة كتب عليها «النينجا قتلوا أولادى.. أريد أموالاً من أجل أن أتعلم الكونغ فو» ورأيت عجوزاً لطيفاً كتب على لافتة يحملها: «لست من هنا.. أنا كائن فضائى وسفينتى تحطمت أريد أموالاً من أجل قطع الغيار لأعادر كوكبكم الملعون». وأضحكتنى كثيراً تلك السيدة التى كتبت لافتة تتندر على حالها وتسخر من وضعها «لا أطلب منك مساعدة.. أنا أسعى لتكبير ثديى هذا ما فى الأمر»، كل ذلك ولا يطلب منك أحدهم أى مقابل، ولا يستعطفك، بل يجبرك أن تقدم له مساعدة بنفس طيبة، إن استمتعت بما يقدمه فهو سعيد لذلك، أما إذا قررت أن تساعد فهو لا يمد يده لك ولن يمدها ليستدر عطفك أو يظهر منكسراً لينال شفقتك.. هو يضع علبة صغيرة يستقبل فيها مساعدتك دون أى إهانة!

هنا - فى مصر يعنى - ثلاث سنوات وأنا أمر على محل بيتزا هت بالتحريير وأجد صيباً أطول منى يجلس متكناً على زجاج المطعم ماداً يده للمارة، ناظراً ببؤس للعالم مصطنعاً البكاء الشديد كأنه الناجى الوحيد من أسرة يهودية أحرقتها هتلر أمام عينيه وتركه حيّاً فقط لكى يتذكرهم ويتعذب.. ثلاث سنوات يا مؤمن تزوجت فيها ناس وخلفت وربما ماتت وهو مازال ييكى على مصيبة كونية حلت به وحده دون البشر.. منافساً الفنان مرهف الحس مصطفى كامل فى عدد سنين الحزن، الفرق بس ان الأستاذ مصطفى أصلاً مولود حزين كدهه لوحده!

وسنوات أخرى من عمرى والأطفال النازحون من ربوع مصر؛ مازالوا على أطراف محطات المترو ونواصى الشوارع يفترشون علب المناديل مصطنعين الجدية التامة غير عابئين بنظراتك لأنهم مشغولون بعمل الواجب المدرسى الذى لا ينتهى ليلاً ونهاراً ولا حتى فى وقت المدرسة اللى مايروحهاش.. مش مهم نروح المدرسة المهم نعمل الواجب، أما فى الشارع ف يوقفك أحدهم بمنتهى اللطف وأول ما ما يقولك: «لو سمحت..» فتكمل له انت الأسطوانة.. إنت مش من هنا وعائز فلوس عشان تروّح صح؟.. لا؛ خليك هنا منورنا احنا زى أهلك برضه، وسنوات وسنوات وأنا أقابل تلك السيدة المنقبة بعربات المترو على جميع الخطوط وهى حاملة لأشعة طبية غير واضحة المعالم وتصرخ: «والله يا اخوانى أنا ما بكذب عليكو.. جوزى

بقاله ١٤ سنة في العناية المركزة» لدرجة أنني أخبرتها مرة انها تلم فلوس على تكفينه أسهل بما إنها لمت تمن مستشفى ولسه مخفّش!


الناس بتحب تريّج دماغها، ذلك هو قانون الدنيا الثاني بعد قانون الجاذبية، يرمى عليك المتوسل علبة مناديل أو لبان أو أذكار دينية من غير نفس وانت تردّهاله برضه من غير نفس، ويدعو لك المحتاج الذى يفترش مداخل الشوارع والمطاعم والمولات بنفس دعواته من سنين دون تغيير، وانت تطنشه من سنين أيضاً دون تغيير برضه، فالغباء أن تفعل الشيء مرتين وتنتظر نتيجة مختلفة.. معروفة يعنى ومهروسة على الفيسبوك، مفيش ابتكار.. هل تتخيل أن يقطع طريقك محتاج صارخاً: يا رب تخبط فى صافيناز وانت ماشي، أو: يارب يا أنسة تروّحى تلاقى حسن الرداد عندكو فى البيت، يا رب تروح تصيف تلاقى سارة سلامة فى البلاج اللى جنبك، يا رب وانت بتحاسب على كتاب فى المكتبة تلاقى أحمد مراد واقف جنبك ويقولك: والله لانت محلي، كلها دعوات خيالية ولن تتحقق كما لم تتحقق أى دعوات منهم سابقاً.. ولكنها محاولة لتبديل الموقف.. خذ انت الفلوس وشحتنى الأمل!

كنت بتمنى الموت كثير، لحد ما مات أعز اصحابي فجأة باللوكيميا ف الدم، رحلته من الحياة للموت كانت أربع أيام مقامش منهم من على السرير، مكنتش متخيل أبدا ان صاحبي اللي كنت بتمشى معاه وبضحك، انا ماشى معاه دلوقتي وشايله فى قماشة بيضا رايح ادفنه.

لما فقت من الانهيار العصبى، ارتجفت، سألت نفسى: طب لو انا مت دلوقتي.. إيه اللي انا عملته فى حياتى عشان اتكافئ عليه فى النهاية؟ اكتشفت انه ولا حاجة.. اكتشفت انى كنت مستعجل الموت وانا معنديش أى استعداد ليه.. ساعتها دعيت ربنا يطول فى عمرى عشان اعمل حاجة.. يدىنى فرصة تانية بس اصلىح بيها اللي فات.. تسألنى: ها وعملت حاجة؟ اقولك: لا.. بس بطلت اتنى الموت.







# البيت الذي ف تانية تالت

أنا واحد من الجيل الذى حضر الحب بالنظرات، كان غرامى بها لا يوصف، تلك الفتاة الفاتنة الكائنة بفصل تانية تالت والتي كنت بسببها أحقد على كل أصدقائى الأوغاد الذين واعدهم الحظ وكانوا زملاءها بنفس الفصل بينما أنا محدوف زى الكلب فى تانية خامس!

أخرج كل يوم من بيتى فى كامل أناقتى، الجزمة متلمعة، القميص مكوى، شعرى على جنب متسرح شعراية شعراية.. فأنا سأقابلها فى طابور الصباح، يظل قلبى قبل عينى معلقاً عليها بين كتبية فصلها المصطفة تمارس تمارين الصباح اليومية السخيفة ومن بعدها الإذاعة المدرسية.. أحاول أن أثبت لها أنها فتاة محظوظة تحب شخصاً مميزاً فأخرج من الطابور لكى أحيى العلم والعيون كلها تلاحقنى كنجم سينما يوم افتتاح فيلمه، فأصرخ «تحيا جمهورية مصر العربية» محاولاً تمييز صوتها من بين كل المئات الذين يرددون ورائى وأعود لها فى الطابور كبطل يمتطى جواده بعد غزوة حصد فيها رءوساً بما يكفى، والعكس.. كان اليوم الذى لا المحها فيه فى طابور

المدرسة أفهم تلقائياً أنها غابت وبالتالي يصبح اليوم كئيباً وكأن الشمس اعتذرت عن عدم الشروق ذلك اليوم وقررت «تأجز» هي الأخرى!

ما بين الطابور والفسحة، كنت أشعر أن الأربع حصص أربع سنوات تمرّ على سجين في سجن انفرادى بمعتقل جوانتنامو، كنت حرفياً أزق الوقت لكي أراها، وإن كان ذلك لا يمنع أن أحاول أن أسرق لحظات من السعادة وأشاهدها بين الحصص، يضرب جرس كل حصة فأخرج أنا وتخرج هي لتقابل في طرقة الدور، أكاد بالعافية ألمحها من بعيد قبل أن يدهمنا حضرة الصول.. أفصد مدرس الحصة المقبلة ويستأنف الحيس، ولكن كان الله يعلم وهي تعلم بالشوق الذي يدغدغ مشاعري، ينفحني الله ببركته فيلهم بعض الأساتذة أن يرسلوني لأى مشوار فأتلحك وأمرّ من جانب فصلها وأحاول أن ألمحها من الشباك أو باب الفصل المفتوح كمريض يتعلق بنفس اكسجين لكي يتنفس.

فى الفسحة تقف هى مع صديقتها الأنتيم، والتى أصبحت شريكة فى علاقتنا فجأة، تبهها لوجودى دائماً.. بتبسم لى هى الأخرى ابتسامه أخوية وينشأ بيننا ود وقد أصبحت كاتمة أسرارنا، أنا أيضاً أتحرّك بصديقى وقد فهم أن صديقه وقع على عينه وتورط بقصة حب ليس له يد فيها، فأظل أنا وهو نراقبها، هى وصديقتها تستمتعان بتلك المراقبة باتفاق سرى غير

معلن بيننا نحن وهما، نظل نحوم حولهما على بعد مسافة ليست كبيرة وليست صغيرة، مسافة بالكاد تسمح لى أن تظل تحت عيني.. فلم نكن بالقرب الذى يفضحنا ولا نحن بالبعد الذى يقهرنا، كان شعوراً غريباً ممتعاً وأنت تسرق الفرحة بين كل هؤلاء الناس دون أن يضبطك أحد، تنظر لى الفتاة وأنا أكلم صديقى فيزغدننى فجأة قائلاً: «الحق بتبص عليك» فأنظر لها فوراً، فتهرب بنظراتها لصديقتها حتى أعود لصديقى فتنظر لى مرة أخرى فى خبث، من بين كل تلك النظرات الخاطفة كانت هناك النظرة التى تتواجه فيها أعيننا فى نفس اللحظة، تلك اللحظة المربكة التى تشعر وقتها أن شخصاً أمسكك وأخذ يحركك بكل الاتجاهات بكل عنف حتى وقع قلبك فأمسكه وضغط عليه بكل قوته، ذلك العذاب الممتع المحير، لتأتى بعدها ضحكة كبيرة، وتسبيلة، وغمزة خاطفة ونظرة منها تسألنى «هو انا حلوة النهارده؟»..

ظللت سنة دراسية كاملة أراقبها وتراقبنى، أطاردها وتطاردننى، قررت أن أتجراً وأخبرها أننى أحبها، الحقيقة لم أكن أعرف هل هذا فعلاً هو الحب أم لا، كنت من جيل برىء، الحب بالنسبة له هو انكحة البطل والبطله ع البحر وبوستهم آخر الفيلم..

لم أكن أتخيل يوماً أننى سأكتب جواب عاطفى، ولم أتخيل أيضاً كيف

سيكون رد فعلها ولكنى شعرت أنى لا بد أن أتخذ القرار، قررت أن أتبع كل حبوب الشجاعة وأكلمها فى التليفون أخبرها هكذا مباشرة «بقولك ايه يا سارة أنا بحبك»، عن طريق صديق لى يعمل والده بسنترال استطعت أن أحصل على رقمها بأعجوبة من بين دفاتر كل ساكنى المنطقة، خفت أن أكلمها من تليفون منزلنا خوفاً من أى مشاكل قد تحدث.. فماذا لو كان لديهم تليفون متطور من ذلك النوع الذى يظهر رقم الطالب.. حتماً ستقع قصة حبنا فى كارثة، لو أهلها عرفوا ستدب مشادة بينهم وبين أهلى ربما تتطور لمشاجرة، ربما لمجزرة بين العائلتين فتقع الضحايا وتتناثر الجثث ويكتب لنا القدر الهروب أنا وهى والتخفى لسنوات بعيدة صامدين محافظين على قصة حبنا تلك.. هكذا رأيت فى الأفلام، طب وعلى إيه ده كله، ظللت حارماً نفسى من متعة صرف المصروف فى الفسحة لمدة أسبوعين حتى اشترت كارت ميناتل فئة الخمسة جنيهات، ووقفت أمام الكابينة ملتقطاً السماعه السلوكية وأنا أجرى بروفات للمكالمة «الو.. سارة.. ايوه يا سارة أنا مصطفى.. انا بحبك يا سارة».. وقتها ستتهار المسكينه وتصرخ فى العالم كله «وانا كمان بعشقتك».. كان قلبى يقفز بصدري ككرة بنج بونج طائشة، أحاول أن أتمالك نفسى وأضرب الرقم، كانت يدى ترتعش وهى تضغط على آخر رقم، وجاء صوت الجرس يدغدغ أعماقى حتى اختفى فجأة وسمعت «ألو» انتظرت صامتاً دون رد حتى أكمل الطرف الآخر «ألو..» لم يكن صوتها بل صوت أمها وفجأة

اختفت هرمونات البطولة.. ارتبكت وأغلقت الخط فوراً في صدمة لم تكن أبداً محسوبة، وقفت ألتفت يميناً ويساراً أشعر أن كل الناس تراقبني وتعرف الجريمة التي ارتكبتها فلم يكن رد فعلي إلا أنني ظلمت أجرى لبيتنا واختبأت بغرفتي، محضراً بذاكرتي كل السيناريوهات التي ستثبت براءتي حينما يواجهونى بتلك الفعلة السوداء الخسيسة.

بعدها اعترفت لنفسى أنني لست شجاعاً بما يكفي لكي أواجهها بنفسى، فقررت أن أكتب لها جواباً على صفحة بيضاء عطرتها جيداً:

«حبيبتى سارة»،

تقريباً ده جواب زى الجوابات اللي الناس لما بتحب بعض بيعتوه لبعض.. أنا أول مرة أعمل كده ومعرفش بيكتبوا فيه ايه.. ومعرفش فى اللحظة اللي أنا فيها دى اقول.. بصراحة يا سارة أنا متلخبط جداً.. حاسس انى عايز اقولك حاجات كتير أوى بس مش عارف اقول منهم حاجة.. عارفة لما بتبقى مذاكرة أوى وقدامك ورقة الامتحان ومش فاكرة حاجة.. اهو أنا حاسس بكده، أنا كتبت كلام كتير وشطبتة، وجوابات قبل ده وقطعتها.. لأنى كتبت فيها كلام مش برضه اللي أنا اقصده.. أنا بكره المدرسة أوى يا سارة.. بكره كل حاجة فيها.. بس كل ما افتكر انى لما

اروحها هشوفك بحبها.. أنا بفكر فيكي ف البيت.. وبقى سرحان فيكي  
وانا ف الدروس.. وبكتب اسمك في كل الكتب والكشاكيل طول منا  
بحل الواجب.. ده لو حليته ومفضلتس سرحان فيكي.. وانا آسف اني  
بشطب عليه بعد كده عشان بنخاف حد يشوفه فيعرف اني بحبك..  
وبشطب كمان على رسمتك.. ما انا ساعات بقعد ارسمك.. آه والله..  
مع اني مبعرفش ارسم.. كل مرة ارسمك بحس انك احلى كتير من اللي  
انا برسمه.. ساعات بقول لنفسى لو معايا صورة ليكي هبقى مش عايز  
حاجة تانية من الدنيا.. أصل انا رغم اني بشوفك كل يوم بحس كل مرة  
ان شكلك بيتغير.. بتحلوى كده.. لدرجة ان انا مبيقاش مصدق انك  
بتحبينى انا..

صحيح يا سارة هو انتى بتحبينى؟.. يعنى انتى بتعملى زىي.. أصل أنا كل  
ما اسمع أغنية رومانسية بحسها عليكى.. حتى لو كانت حزينة بتخيل اني  
سيبتك وسبتينى ومش عارف ليه اشمعنى انتى بالذات.. تفتكرى يا سارة  
هو ده الحب؟

ملحوظة: يا ريت متكلميش مع ولاد فى الدرس عشان شفت ولد بعد  
درس الدراسات واقف معاكى بياخد منك حاجة وفضلت طول اليوم  
مضايق.

..))

هكذا مضيت بأول حرف من اسمي وواثق انها أكيد هتتعرفني، ماهي أكيد حاسة بيًا ومفيش غيرى بيقعد يصلها كده، وانا أكيد مش هكتب اسمي عشان لو الجواب اتقفش مروحش ف داهية، أو لو هي اتجننت وقالت اني بعتلها جواب فساعتها اقول لأ مش انا، فانتبهت من الجواب وتقمصت دور رأفت الهجان وحاولت توصيل الجواب دون أن يظهر انه جواب، فوضعت بين صفحات كشكول وقررت أن أصارحها بذلك السر الذى يكتم على أنفاسي، ولكن دخلت فى دوامة أخرى، هل من الذوق أن أرسل لها الجواب كده؟ ساده يعنى كده.. البنت تقول عليا ايه؟! أليس من الرومانسية أن أرسل لها هدية تعبر عنى وعن ذوقى وعن حبي لها؟ ذهبت لأقرب محل هدايا وطلبت منه أن يسجل لى شريط كاسيت كوكيتل.. ويسموه ولاد الطبقة الارستقراطية شريط كولكشن وهو شريط فاضى اشتريته ووضعت به قائمة لأغاني رومانسية سهرت طول الليل احضر فيها واعيد وازيد فى ترتيبها وكأني اهدى لها كلمات كل تلك الاغاني وانا كلى خوف وقلق.. هل ستعجبها تلك الاغاني ام لا.. ماذا سيكون انطباعها عن ذوقى؟ هل سيعجبها أم أنها تحب مطربين آخرين غير هؤلاء الذين أحبهم فترفض ذوقى وترفضنى للأبد!

حاولت من قبل أن ألتحق بمجموعات دروسها ولكن لم يكن لى مكان، فحفظت مواعيد دروسها، وظللت أراقبها فى الدخول والخروج وفى يدي



الكشكول، ولكن كل مرة كانت تخذلني الشجاعة فأنسحب، حتى يوم قررت أن أضع الكشكشول في الديدسك في مكانها في الفصل، تسحبت للمدرسة مبكراً بما إنى من الشرطة المدرسية، وتركت لها الكشكول بمكانها حتى تأتى وتتفاجأ به ولكنى تراجعته أيضاً خوفاً من أن يلتقطه أحد غيرها فأسبب لها مزيداً من المشاكل.

كان آخر يوم بالامتحانات يوماً شاقاً جداً على نفسى.. كنت متعمداً ألا تغيب لحظة عن عيني.. فلا أعلم هشوفها تانى ازاي، أما فى الأجازة نفسها فقد كان الشوق قد بلغ ذروته، فقررت أن أتمشى تحت بيتهم أنا وصديقى الذى لا يفهم لماذا نمر بهذا الشارع للمرة الثامنة والسبعين خلال ساعة.. كان الشارع حيويًا وضاجًا بصوت البشر إلا عند منزلها تستطيع تحديداً أن تتعلم المعنى الحرفى لصمت القبور.. عرفت بعدها عن طريق الصدفة أنها هاجرت مع أهلها للسعودية.. فانتتهت الحدوتة للأبد..

تذكرت تلك التفاصيل وأنا أراها صدفة فى هايير ماركت من أيام، رأيته ولم ترنى.. كالعادة يعنى، كانت تقف فى طابور طويل عند ثلاثة الجبن.. اختلفت ملاحظتها كثيراً بعد الحجاب وبعدها طالتها الكثير من السمنة ولكنها ظلت كما هى زى القمر،.. شعرت بنفس النغزة فى قلبى اللى كانت تصيبنى كلما رأيته.. أدركت وقتها انى لسه عيل.. وان لسه قلبى

صاحي، قررت في تلك اللحظة وبكل همجية ودون أى حسابات أن أختلق صدفة وأن أخبرها بأنها أجمل وأنقى قصة حب عشتها وسأعيشها على الإطلاق.. ستتذكرني بالتأكيد.. وحتى لو لم تتذكرني.. مش مهم، المهم أنني أصبحت شجاعاً هذه المرة عن كل المرات الفائتة.. صحيح ان الوقت متأخر.. بل متأخر جداً.. ولكن أن تأتي متأخراً أفضل من ألا تأتي أبداً.. اتجهت خطوتين باتجاهها.. ولكنها فجأة انحنت على عجلة أطفال بجانبها وحملت طفلاً تلاعبه، فغيرت مسار خطواتي.. اتجه لطريق آخر.. وأنا مبتسم.. أمسك موبايلى وأتخيل للحظة لو كان بيننا الواتساب ساعتها فاختصر كل تلك المسافات ولم أبذل كل ذلك التعب في إخبارها بـ «بحبك» التي لم أفلها أصلاً!، ولو كان وقتها فيس بوك فأرى صورتها عندما توحشني ولا أشعر بالذل الذي عشته وأنا أراقبها في المدرسة والدروس وتحت بيتها لكي أكتشف تفاصيل جديدة في جمالها لم أكتشفها المرة السابقة..، فجأة انتعشت بكل روائح الذكريات والأماكن والأغاني التي هبت عليّ فجأة.. شعرت أنني أعود في لحظة لذلك الطفل البريء.. ذلك الطفل الذي لم يدرك أن ما في الحياة أصعب بكثير من حب البنت اللي في تانية تالت.



المصريين أهما

شاءت الظروف أن أشارك بمنتهى شبابى يضم ممثلين عن العديد من بلاد العالم، كان هدف المنتدى أن يثبت أن العالم فعلاً قرية صغيرة وأنه آن الأوان للشعوب من الشرق للغرب أن تتعارف أكثر، ليس من خلال شاشات السينما والأغاني ووسائل الاتصال الاجتماعي فقط بل أن تتواجه وجهاً لوجه، وبدون مقدمات.. طلب مدير المنتدى قبل فعاليات المؤتمر – بكل لطف – أن يقوم كل شاب ليتحدث في غضون ٣ دقائق عن بلده وشعبه وثقافته.

للوهلة الأولى شعرت بالورطة، كيف سألخص حياتي في ٣ دقائق فقط، ولكنى سريعاً ما استدركت الموقف وتذكرت أن هذا الموقف مر عليّ كثيراً بمواضيع التعبير السخيفة من تالفة ابتدائي لتالفة ثانوي.. بسيطة يعنى.. المصرى هو ابن الحضارة الفرعونية.. حضارة السبع تلاف سنة.. حارس النيل.. مشيد الأهرامات.. حامى الثقافة والتراث.. الأصيل العريق، كان الموضوع سهلاً ولكنى خشيت أن أرتبك وقت الجد، فأخرجت ورقة صغيرة أدون فيها بعض التفاصيل.

وفجأة خاننى القلم، ووجدت هرمون الصراحة الحقيير ينقح عليّ، وقلت بما أن هدف المؤتمر أن نتعرف فعلاً فلماذا لا أكون صريحاً مع هؤلاء، فهم لا يعرفوننى ولا أنا أعرفهم ومن المستحيل أن نلتقى مرة أخرى.. لماذا أكذب؟.. نحن أولاً وأخيراً فى منتدى شبابى لطيف وليس فى اجتماع للأمم المتحدة.. لماذا لا أتكلم بصراحة عننا فعلاً بدون أى تحوير أو تذكير ولو مرة واحدة؟.. وبدأت أكتب..

المصرى.. المصرى كائن رياضى بالفطرة، يمارس الجرى يومياً وهو يطارِد كلاب الشوارع بالطوب، وينط الحواجز من خلال ماكينات المترو وهو مزوغ، اتعلم الرماية وهو يرمى الزبالة من المواصلات، والمصرى مثقف بطبعه.. اتعلم الإبداع اللغوى وهو يبحاول يخترع جملة جديدة يعاكس بيها بنت، واتعلم الحساب أول ما بدأ يضرب عدد العيال ف الدرس واللى بيدفعوه عشان يعرف دخل المدرس كام ف الشهر، وهو اللى عاش طفولته كلها يفكر الأكل اللى بيتعمل فى برامج الطبخ بيروح فىن لما الحلقة تخلص؟

المصرى هو اللى بيعيش كل الأفلام ف حياته، بيعيش الرعب فى كل قطة تخضه وهى بتقابله على السلم، وبيعيش الأكشن وهو بيولع كبريت جنب جلدة الأنبوية بعد ما ركبها.. فلو ما فرقعتش ف وشه وانفجرت

تبقى الجلدة سليمة الحمد لله، ويعيش السسبنس لما بيدخل يكتب على الفيسوك «البقاء الله» والناس كلها تعزیه وتسأله مين اللي مات؟ وهو ميردش، ويعيش الرومانسية مع كل واحدة قابلته ف الأسانسير وقائلته: «مساء الخير».. ويفضل يحلم بيها يومين.. لحد ما يقابل واحدة تانية ف نفس الأسانسير تدغدغ مشاعره أكثر وتحطم قلبه وهى بتسأله: «حضرتك نازل ولا طالع؟».

المصرى هو اللي بيسقى الأسفلت عشان الطراوة ويلاعب كورة ع الزرع، وهو اللي مؤمن ان العمل عبادة بس ما بيشتغلش عشان الأعمال بالنيات، المصرى هو اللي اقتنع بان مفيش فايدة زى ما قال سعد زغلول وعمره ما صدق ان لا يأس مع الحياة زى ما قال مصطفى كامل، اللي بيؤمن وهو معاه فلوس ان «اصرف ما فى الجيب يأتيك ما فى الغيب» وأول ما يفلس يؤمن بان القرش الابيض بينفع فى اليوم الاسود، هو اللي مقتنع ان المصايب لما تحصله يبقى عشان «المؤمن مصاب» بس لما تحصل لغيره بتبقى «من أعمالكم سلط عليكم»!، هو اللي بتشتكيه فيزايد عليك ف الشكوى، ولو قتلته ماغتث من يومين هيقولك ماغتث من أسوع، ولو قتلته انا زعلان هيقولك انا مكتئب، فتخرس خالص فيلومك انك ما بتحكيش!

المصرى هو اللي بيقول على السواق باشمهندس وبيقول للصيدلى يا شبح، وهو اللي عايز يتحوز واحدة ثقيلة بس هادية، متفتحة بس متدينة، عمرها

ما عرفت ولاد مع إنها بتكلمه، هو اللي بيحب شعر صاحبه وحجاب اخته، اللي نفسه يتجوز عن قصة حب بس يجوز اخته صالونات.

المصرى هو اللي بيشكك ف شرف ممثلة عشان بتتباس، بس لو شافها يجرى يتصور معاها، وهو اللي بيشتكى من ان كيلو اللحمة بـ ١٠٠ جنيه بس بياكل سندوتش حواوشى بجنيه ومصداق انه لحمة، هو اللي بيخاف من كلمة عيب أكثر من حرام، عشان بيخاف من الدنيا أكثر من الآخرة.. المصرى هو اللي..

كانت نغزة زميلي تقاطعنى وتبهنى بأنه حان دورى، رفعت رأسى فوجدت مدير المنتدى يشاورلى بأن أتجه للمنصة لإلقاء كلمتى.. فتحررت وعيون كل الحاضرين تترقبى وتترقب ما سأقوله.. اعتليت المنصة أخيراً ووجهت الورقة أمامى ثم نظرت لها ثانيتين وطبقته لا إرادياً بقبضة يدى ثم وجهت فمى مباشرة للميكروفون وقلت: «المصرى.. المصرى هو ابن الحضارة الفرعونية.. حضارة السبع تلاف سنة.. حارس النيل.. مشيد الأهرامات.. حامى الثقافة والتراث.. الأصيل العريق».

## العروسة دي عاملة كام؟!



١٥  
١٤  
١٣

المرات اللي ضاع فيها موبائلي كانت أكذب أوقات في حياتي، مش عشان قننه، بحسب غيره وأغلى وأحسن، بس هو إحساسك أنك فقدت صديق مهم مش أكثر، كل موبائل جديد بحسبه معناه بالاحتياجات، فبمشطهاش مجرد حاجات، واحدة بجمها وأخبارات جواز صالونات وعماجين وقت ناخذ فيه على بعض!

رنا يكرك هناك مرمض نفسي معروفش حوازين تعلقنا بالاحتياجات، لاشطهاش مجرد حاجات، لاش كائنات بتتلسس وتتحرك وتعيش معانا، احكيكي عن تعلقك بالبحر بتعاك اللي بتحس ان طعم صياحك العبير لو شربت السمكاليه في حج تالي، واحساسك لما باغ اللاب توب بتعاك اللي كان شايك كل أسرايك ومشاعرك وبضات صورايك، فبشيك اللي ما بتسألوش من غيره، هدومك اللي مفضش بتلبسها ولا في نفس الوقت قادر ترسها، فزعة الأسنان البهريه اللي لسه بتحسها، جزمتك اللي صلاحها أكثر من مرة عشان ماتر ميهاش، الاحتاجات، بتعاشرنا زى ما مابعاشرها، بتفضي معاهها وقت أكثر ما بتفضيه مع السى آدمين، بتعلق فيها كونهنا بشاركتنا ذكرياتنا في أوقات وظروف معينة لفشان كده بتقاوم انها تسيبنا بكل الطرق.

عشان ما بتسيبناش لو حادها، بتسوق حتى من عمورنا وزوجنا قبل ما نمشي.





بالتاكة والفشخرة الكدابة، كان يضع رجلاً على رجل وهو يقول مصطنعاً  
الوقار والحكمة: «أنا مقدر جداً الخطوة التي انت عملتها.. وانت دخلت  
البيت من بابي يا ابني»..

ثم أكملت الأم وكأنها استلمت المفتاح: «آه.. أهم حاجة عندنا إنك  
شاربها وتحبها وتهتمونها وتهنئونها في عينك».. كانت عضلات ذلك  
الشاب في تلك اللحظة تذوب استعداداً للابتسام حتى قاطعه الأب:  
«أخبار الشقة إيه.. عندك شقة تملك ولا إيجار.. ولو إيجار ناوى يبقى  
فين؟»، كاد الشاب ينطق فأكملت أمها: «والشبكة ناوى تحببها بكام؟  
صفاء بنت خالتها شبكتها جاية بـ ١٥ ألف.. وهي مش أقل من صفاء»،  
الأب دخل فجأة في الحوار: «الشبكة مش مهمة عندنا على أد العفش..  
ناوى تصنعه ولا تشتريه؟ أنا شايف تشتريه أوفر وأحسن زى إيمان بنت  
عمها».. أما الأم فشعرت ببعض الحرج عندما تحول الحديث لشكل مادي  
بحث فقالت: «علينا نتكلم في الفرح.. دى البكرية ونفسي أفرح بيها..  
دى الفرحة الكبيرة.. أصل انت مشفتش أفراح قرايبها.. إزاي ناسين  
الفرح.. انت عايز البت تحس إنها أقل منهم وتشيل في نفسها وتعتقد ولا  
إيه؟!..»

بحسبة بسيطة وجد الشاب نفسه أمام طريقتين: إما أن يجد كنزاً مدفوناً  
أسفل قاعدة تواليت بيتهم، وإما أن يسافر للخليج سع سنين لتكون

أمامك قصتان حقيقتان لصديقين فُزَّت بينهما المسافات وجمعتهما  
الفكرة..

أما عن الأول فـ «كركبة بطنه» وأعصابه المشدودة والرعدة الخفيفة التي  
تلازمه الآن كانت أعراض توتر وخوف لم يشعر بها منذ امتحان الفيزياء  
بالثانوية العامة، طرقت الباب في هدوء وفي يده علبة شيكولاتة متواضعة  
آنست وحدته في الصالون حتى يجهز ذلك الرجل وزوجته اللذان تعهدا  
أن يمارسا طقساً شهيراً بأن يتأخرا على أى عريس لانيتهما حتى لا يدخل  
قلبه ذرة إحساس إنهم «مدلوقين» عليه لا سمح الله ولا حاجة!

كانت كل خيرة الشاب في تلك المواقف هي الأفلام العربي، التي تنتهي  
غالبًا بـ «خلاص كتب الكتاب الحميس الجاي» مع زغاريط وقبيلات في  
الخلفية..

جلسة الأب في الصالون كانت تشبه الحكام العرب في مؤتمراتهم.. متخمة

البت تزوجت من شخص مقصوبة عليه.. وتعدى السنين ويتكلموا تالى  
ويلتصموا مرة أخرى في علاقة وتخون زوجها معا في مشاهد لأفلام  
أخرى يعرفها جيداً أيضاً!

أما عن الثاني، فكان زميله وصديق عمره الهارب لنيويورك، أعجب بفتاة  
تدرس معه بالدراسات العليا، تواعدا أكثر من مرة، وفي آخر مرة صارحها  
برغبته في الزواج منها، بعدها كان ضيف العشاء لدى أسرتها لتعرف  
عليه، ووافقوا عليه بعدما لمسوا بأنفسهم مشاعرهم المقرطة واطمأنوا أن  
سعادة ابنتهم تكمن في قلب هذا الشاب، بعدها بأسابيع كانت الفتاة  
ترتدي فستان الفرح وحولها اجميلات من صديقاتها وهو بدلته الأنيقة  
يقبضون مراسم زواجهما في كنيسة وبعدها جلسوا جميعاً بحديقة يلتقطون  
الصور التذكارية ويأكلون الحلوى، بعدها عادا لئيلهما الذى هو أوضة  
وصالة وعفشهما الذى كان في الأصل غرفهم القديمة في بيوتهم السابقة  
مع أجهزة كهربائية مستعملة إلى أن تتحسن الأوضاع.

في المقارنة بين القصتين لا توجد هناك أصلاً مقارنة، هما قصتان منفصلتان  
تماماً وإن ظهرتنا عكس ذلك، مجتمع يتزوج فيه الناس لأنهم أرادوا أن  
يعيشوا معاً، ومجتمع يتزوج أفراداه فقط من أجل الفسخرة!

في اليابان خرج شاب يابانى مطحون أعجزته تكاليف الزواج ودفع إيجار  
عالم للشقق بطوكيو بفكرة تطورها الآن مراكز أبحاث أمريكية لتفعلها،

الفكرة تنص على بناء جيل ثان من البيوت الصغيرة أو الميكرو هوم، وهى  
عبارة عن شقق صغيرة بعمارات ضخمة يتم فيها صب السرير والدولاب  
والسفرة والأنتبهه بالأسمت ومواد أخرى لتكون جزءاً من بناء الشقة  
بحد ذاتها، ولا ينقص الشقة بعد ذلك سوى بعض الأجهزة الكهربائية  
البسيطة.


هكذا فكر شاب ومجتمع بطريقة عملية للزواج، شاب ربما سيمر بنفس  
ظروف الشاب المصرى وربما أسوأ ولكن تذكر أنه يريد إتمام الجواز وليس  
إتمام الفسخرة..

المشكلة لم تكن أبداً في الماديات، المشكلة في العقول، في الثقافة، في  
مجتمع آخر من يتكلم في أمر الزواج فيه هما العريس والعروسة أنفسهم،  
مجتمع يمكن يعطل جوازاً بسبب «النيش».. فيه أسر ماتت وعاشت ولست  
مستخدمتش النيش لحد دلوقى!، كيف يفكر مجتمع بطريقة عملية وهو  
المجتمع الوحيد الذى يزف العفش قبل أن يزف عرسانه.. لا تندعش أبداً  
إذا رأيت سيارات النص نقل تزف العفش بساعات الصوت الضخمة  
وكانهم ينادون الناس: «تعالوا شوفوا جاييلها إيه.. مش تعالوا شوفوا  
هايسعدنا زاي!»، مجتمع يفكر في الناس قبل أن يفكر في نفسه، مجتمع  
يجهز البنت من وهى عندها عشر سنين.. مجتمع فيه ناس نسيت تربي  
عيالها بس ما نسبوش يجيبوا الصنى!

مجتمع يدعى إنه متدين بالفطرة، يحشر الآيات القرآنية والأحاديث بين جملة حتى يظهر نفاذه، ولكنه ينسى أن الرسول نفسه قال: «إذا جاءكم من ترضون دينه وخلقه فزوجوه»، وينسى الرسول نفسه الذي ارتضى أن يكون مهر إحداهن قرآناً، وارتضى آخر أن يكون مهرها درعاً كان يحارب به ولا يملك من الدنيا غيره، مجتمع متدين آه.. ولكنه ساعة الجند مالتناش دعوة بالدين خيلنا في ثقافتنا وعاداتنا وطبائعنا وغياءنا المزرى!.

سيتغير المجتمع إذا آمن بمرضه، وأن المشكلة ليست في الزواج بل في تفكيره هو ناحية الزواج، وعندما يقتنع أن هناك بيوتاً كلفت أصحابها مئات الآلاف ولم يجدوا فيها الراحة، وأن أقراط الذهب تصنع السعادة لساعات وليس بضمان طول العمر، وأن أفخم الأفراح يخرج منها الناس متقدين بمرضه، ويسوعب أخيراً أننا بنتجوز عشان نتجوز مش عشان نوزى الناس إننا بنتجوز!

طبق اليوم  
قول بيبيز  
- قول -  
بالبابونيز



تین سوکی بالمارشیمالو

لأجلها، وبغض النظر عن أسعارها التي أصبحت الضعيف، كانت الصدمة لي أن الاهتمام بشكل المطعم كان على حساب الطعام الذي جئت خصيصاً لأجله، فكان طعم الكبدية بالغ السوء، أما الكبدية نفسها فموضوعة بعيش فرنساوى وليس العيش الفينو الصغير المعجن الذى أحبه!

أعرف ما تفكر فيه وأنا أحكى لك ما حدث، ستقول لي إن هذه هي سنة الحياة، وأن من حقه التوسع في مجاله، ولكن اسمح لي أن أكون وقحاً وأعبرك أن نجاح هذا المشروع أصلاً أنا أحببناه كدو... أحببناه عربة حقيرة عشوائية، كان أمامنا من البداية المطاعم الفاخرة الشيك واحترانه هو، كانت بساطته وعشوائيته وسندويتشات المسجمة هي السر في حد ذاته. وللأسف صاحب العربة نجح في صناعته ولكنه لم يعرف ما هو سر نجاحه وذلك سبب كفيل خسارته!

هل سألت نفسك يوماً: لماذا ظل شعبان عبد الرحيم نجماً لأكثر من خمسة عشر عاماً، فإذا لمحته الآن برنامج صدفه ستحب أن تشاهده، رغم أن الكل توقع من أول سطوعه أنه ظاهرة في طريقها للاختفاء، أدرك شعبان أن حب الناس له كان لشخصيته البسيطة بكل ما فيها، أدرك أن حب الناس له كان على جبهه وثقافته في الردود، أدرك شعبان أن من فات قديمه ناه، فاحتفظ بنفس محل الستائر والتنجيد الذى يشتري منه ملبسه رغم أنه يستطيع الآن أن يشتري من أفخم أتيليه بباريس، أدرك أنه ببذلة

دون أى ترتيب، وجدت نفسى ناحية منزلى القديم، وفي لحظة من لحظات الحنين والذكريات شعرت أنني لا إرادياً أريد المرور بعربة كبدية كنت دائم التردد عليها وقد اشتهيت طعم سندويتشاتها فجأة.

ذهبت فوراً دون تفكير ورائحة الكبدية تدغدغ حواسي، وكانت الصدمة أنني لم أجد العربة، العربة تحولت لمطعم وصاحب العربة الذى كان صناعي عليها يصنع السندويتشات بنفسه وجدته مرتدياً بذلة صيفي متممصاً شخصية مدير الفرع حيوى من فروع التوحيد والنور، كان يشرف على الصبية اللذين ارتدوا فانلة صفراء مستفزة كـ «يونيفورم»، ويوزع «الميو» الجديده التى لم تعد تقتصر على الكبدية والسجق بل تضمنت سندويتشات الزنجير والكروسي والفاهيتا وغيرها من الأسماء الأجنبية الغربية، وأصبحت قائمة تناسب اسم المطعم الجديد «مكسيكانو» بدلا من عربة عم رضا. تفاضيت عن كل ذلك وركزت في طلي، سندويتشات الكبدية التى جئت

سموكن وتسريحة شعر عصرية شيشيه كل الموجودين ولن يتقبله أحد، فأصر أن يظل للأبد الساذج الذى يروج أن جورج بوش وأوباما يعادونه ومات مايكل جاكسون وهو حاطه فى دماغه.

الموضوع أصبح مرهقاً للنفس، من فترة صدمت أمام فرع جديد لسويا الرحمانى مجهز بالرخام والإضاءات الفخمة والثلاجات، ظنت فى البداية أنه تشابه أسماء لفرع الرحمانى الشهير بالسيدة زينب ولكنه كان للأسف نفس المطعم، ومن يعرف الرحمانى الأصيلى كانت حللته أصلاً أنه يضع لك كبشة سويا بكوب بلاستيك متواضع من ثلاثة عتيقة، الآن يبيع السويا بالبولات ويرفع شعار آيس سويا.. تخيل يا مؤمن آيس سويا!

لم يتعلم الكثيرون من تجربة هريسة أحمد حسنين، الذى كان المصيف فى الإسكندرية لا يكون مصيفاً إلا إذا رجعت القاهرة وتحمل علبه أو التين من تلك الكراتين الصفراء التى تحمل اسمه، الآن ومع كثرة الفروع ومع صناعه لأنواع حلوى أخرى على حساب شهرة الهريسة تاه طعم الهريسة الأصيلى وأصبح ماسخاً وانفض الناس عنه.

هل سألت نفسك عن سر حيك لشيكلاته مندولين أو جيسى مع أنك تذوقت الأَطعم منها بمراحل، لماذا تداوم كل فترة على شراء الشمعدان أو ستكون سعيداً إذا وجدت توفى «م م» فجأة؟!، لماذا تحب أغاني هشام عباس ومصطفى قمر وإيهاب توفيق وعمرو دياب القديمة وتحفظها

وتردها بمجرد سماعك لها صدفة، ولا تتذكر شيئاً من أغانيهم الجديدة!

إن حبنا للأشياء ليس مرتبطاً بالأشياء نفسها بل بكل الظروف التى كانت محاطة بها وقتها، ولنفس السبب نكره الأشياء، ليس لكونها أيضاً بل للظروف المحاطة بها.

كيف تستمتع بعصر القصب إلا اذا كان فى كوب زجاجى مشرٍ تشعر أنه يطلع كل جزء منك وقت الحر، وليس كوب بلاستيك بشاليموه!، كيف تستمتع بالبطاطا إلا إذا كانت مشوية ومقدمة على ورق كراريس يلسوع إيدك من سخونيتها، بطاطا إيه دى اللى بتباع دلوقتى فى أطباق فوم! وغزل البنات كيف تذهب له بقدميك وتقف أمام ماكينة سخيفة تخرجه لك بالوان أسخف، غزل البنات لا يوكل إلا عندما تسمع صفارة بالعه وتجرى عليه لكى تلحقه وتختار الكيس باختيار صورة الممثل الذى تحبه مرفقاً مع الكيس.

الآن نحن فى أيام الكب كيك والوافل والكريب وعصائر البوريو والكتافة بالمانجا والكحلح بالريد فيلفت والتين شوكى بالمارشيملو، تراه إبداعاً أم عكاً، أوْمن أن لكل شخص حق الاختيار.. بس انتو سيولنا فرصة الاختيار!

## والسبب.. خوف أفضى إلى الموت



السلامة

على عكس القناع، غير ما المسافات كانت سبب لبدء الناس.. المسافات بطرب الناس أكثر، مشاعرك

للشخص اليهيا مقتضيات الزعل والتداب والعشم ده كنده، اتصالك بالشخص اليهيا


مهيا كان صعب وقليل متكثف، انه كان أقوى بكثير أول ما بقى جيبك، الأغبة اللي

بسمها على طول غير ما ما هيجي ف بالث، والقيام لو ركوت في تقاضيه غيرك

ما هتجده زى الأول، الأكلة لو كتبتها مرتين ولا بعض نفسك هتصبح منها مهيا كنت

بتجها، المسافات ما بتخليش الأرواح تتعلق ولا لشاعر تشرك ولا العيوب تبان، إحنا

زى القذائف، لو بعدنا نعوو ولو قربنا أوى غرت.



ريهام سعيد، ولكن ما حدث كان المفاجأة، في ثوان كانت تلك السيدة المتراهلة تقفز قفزتين في الهواء بخفة ورشاقة لاعبة جمباز محترفة تتألق في نهائيات الأولمبياد وتصل للبر الأخر برشاقة وليونة في مشهد لم يصدقه أحد وأظن لم تصدقه تلك السيدة نفسها !

كانت حياة السيدة طبيعية، مستقرة وهادئة، حتى شعرت بالخطر ففعلت أموراً على غير طبيعتها وهكذا نحن، نحن نماذج مصغرة من تلك السيدة وإن لم نمارس نفس التصرف ورد الفعل.

أنا وأنت يا عزيزي وهينا حياتنا لمشاعر الحوف ولم نخط خطوة إلا تحت الشعور بالخطر، فلم نذاكر لأننا أحببنا المواد الدراسية وشعرنا بالمتعة ونحن نفضص معلوماتها، احنا ذاكرا عشان منسقطش.. فعشنا كل تلك السنوات من الدراسة في الكند والرعب مكتسبين مزيداً من الغباء فصل دراسي، ولم نفكر في الالتحاق بكلية نحب الدراسة فيها وحب مجالها الذي نريده بقدر خفنا من مستقبلنا بعد الكلية التي سندخلها ومصيرنا.. ليكون كل منا مكان الآخر، تحملنا كل سخافات عائلتنا ونقلنا نصائحهم السخيفة مع أننا أبداً لم نؤمن بها ولكن خوفاً من زعلهم «احنا عارفين مصلحتك اكثر منك.. هو انت فاكرا انا عايزين منك حاجة!!!» وخطر جملة «ما انت مش تتعرف قيمتنا غير لما نموت».. مع انهم كسلوا يعرفونا قيمتهم وهم عايشين.

كان المشهد عجباً، سيدة خمسينية بدينة تستعد لعبور الطريق حاملة على كتفها طفلاً تسند يدها اليمنى ويدها الأخرى مشغولة بكيس ضخم تتمسك بفتحاته بكل قوة، تلتفت ناحية السيارات في نفس اللحظة التي تبدأ فيها قدمها لتسبحان نحو الرصيف بخطوات كسولة بطيئة فتقف لها السيارات احتراماً لحالتها الصعبة على النفس.

ما كادت قدمها تصلان أعيراً للرصيف حتى حدثت المفاجأة، سيارة طائشة قادمة بكل سرعة ناحيتها، اطمانت السيدة للحظات أن السيارة ستقف لها كما وقف غيرها فأصرت أن تكمل خطواتها بنفس الإيقاع الممل بكل ثقة، ولكن يبدو أن السائق لم يكثر بتهديدها وعاند هو الآخر وأكمل السير بنفس سرعته، كل تفاصيل المشهد كانت تؤهله ليكون مادة خام لحادث مروع مثالي نقرأ عنه بالصحف وتابعه في برنامج الأستاذة

في وظيفتك، أنت معاط طوال الوقت بالخطر، خطر أن يستغيثوا عنك، أن يخصصوا منك، خطر أن يعاقبك لمجرد أنك قررت أن تخرج من الصندوق وحاولت أن تبدع أو أن تتفكر شيئاً جديداً أو تفكر بطريقة غريبة.. فتراجع وتعمل ما يطلب منك بالخوف، رغم إيمانك بأن الإبداع أصلاً هو لحظة اضطراب عقلي ولكنك مجبر أن تكون عاقلاً وعاقلاً جيداً!

معظم ما اشتريناه ليس له لازمة، فقط اشتريناه لأن صاحب المحل هددنا بأنه «لفترة محدودة» أو «حتى نفاذ الكمية» أو أنه «عرض خاص» فأسرعنا بالشراء دون أن نفكر في جدوى استفادتنا أو حتى معرفة مدة تلك الفترة المحدودة أو حتى حجم الكمية!

دخلنا بعلاقات دون أن نفكر هل نحب هذا الشخص الحب الكافي لتبقى معاً طوال عمرنا.. أم لأننا مهددون بأنه شخص لطيف وهيتخطف لو سبناه.. فخسارة!، لم نعط فرصة لنفسنا حتى أن نفكر، نسال: هل بالضرورة إذا كان مناسباً لغيرنا أن يكون مناسباً لنا؟.. إن شعورك بالخطر من فقدان الشخص وأن غيرك يريد به يجعلك تعرض عليه الزواج فوراً لمجرد الخوف من ألا تجد مثل هذا الشخص مع أنك ممكن جداً أن تجد أفضل منه مثلاً يعني!

نفكر في قرار الزواج أكثر من تفكيرنا فيمن سنزوجه نفسه لنفادى خطر أن يفوتك قطر الزواج ولنورط بقية العمر في اختيار غير صائب، ولنحجب

سريعاً ونصبح مسئولين عن أطفال ونحن أصلاً غير مؤهلين أن نكون مسئولين عن أنفسنا ولكن لمجرد أن خطر عدم احتمالية الإنجاب بعد ذلك يحوم حولنا، ثم علينا أن نعيش بقية عمرنا نستحسر فينا أن نبتسط، أن نستريح، أن نلتقط أنفاسنا، لا نحاول أن نفهم الحياة أو نحبه بل نفحتنا ونفحت أنفسنا لنسرق منها أى فلوس تضمن مستقبل أطفالنا لحمايتهم من خطر أى ظروف مستقبلية مجهولة، لنكتشف في نهاية الرحلة أننا قضينا عمرنا كله نحاول أن نحارب إحساسنا بالخطر، وأن الخطر الحقيقي الوحيد الذى لم نتبه له هي حياتك التى ضاعت وانتهت وانت تفكر في الخطر. لو أن هناك شيئاً يستحق الخوف.. فهو صحتك وشبابك وقوتك وجراثمك ومشاعرك واندفاعك ومغامرتك ومخاطرتك التى قتلتها جميعاً وأنت تحارب إحساساً وهمياً صنعه فقط برأسك! ها.. لسه خايف؟



### ٣ بوسترات ع الحيطه



الهدية هي الحاجة التي يتجها للشخص ف مناسبة ما معرفة هو مستنيها ومستي هديتك فيها، أما الهدية  
المفاجأة حالاً وثلاً انها بعيدة التوقع والتخمين.

أحلى حاجة ف الهدية المفاجأة انها يتجى كده من غير انتظار، الا انتظار سفاح الهدية التي يقبل طعم الحاجة  
عقبال ما تكون جت. . الخربة لما جت فرح لقت مطرح، بس الفكرة انها عقبال ما لقت  
كاتب نسبت يعني ايه أصلاً فرح !

العود وانت مروح تشترى حاجة حلوة للى ف البيت، وانت يتجيب هدوم بس كده  
ع القسم الطرعى يمكن تلاقي حاجة حلوة لقتع لإحسك، وانت بناكل هات وحدة زيادة  
وانت مروح البيت أكيد فيه حد جعان، إملا جيبورك بالبرونى وانت خارج ووزع على  
كل الناس اللي ضحكك ف وشك من غير أى مناسبة وكافيم، والأهم من ده كله انك  
كافى نفسك، اعزم نفسك ف العدا ف مطعم كان نفسك تروح، حد قرار لجة لسفر  
جدة مروحهاش. . كلم ناس بقالك كثير ماشفهمش وأابلهم فوراً. . هنتلجى صدقنى !



بطولة الشخص الذى يحقق السعادة للناس دون أن ينتظر أى مقابل،  
يجرى ويقفز ويتشقلب من أجل نشر الخير، يواجه المشقات والصعوبات  
والأزمات ويتخطاها جميعاً بفرحة دون أن يلعن الظروف التى كتبت عليه  
لعب هذا الدور المرقق.

أما ثالث بوستر فكان صورة مجمعة للنينجا توتلز، كم أنا معجب بتلك الشلة  
التي لا تتخلى أبداً عن صديق لهم فى ورطة، يتجمعون فى ثوان، كل منهم  
بسلاحه وحركاته القتالية الماهرة.. يد واحدة وقلب واحد وكيان واحد  
لا يتفرق، دائماً ما تجمعهم بالنهاية صوائى البيزا الساخنة وهم يحتفلون  
بأنهم مازالوا جميعاً معاً ولم يصب أحد منهم بأذى.

كانت تلك البوسترات هى حياتى، أعتبرهم أصدقائى، وأبطائى، وعالمى  
الأخر، حتى ليلة ما خاصمتى النوم، كان الأرق ضيقاً قليلاً لدرجة أننى  
تمتيت لو التف حولى هؤلاء الأبطال فقتلوا على وحدتى وأنا صديقهم  
المخلص العارق بحبهم.. فاستغرقت النظر للبوسترات مدققاً فى تفاصيلهم  
كأننى أشاهدهم لأول مرة.. لتأتى تلك اللحظة التى أكتشف فيها أنهم  
بمجرد شخصيات وهمية.. أبطال كده وكده.. ولحظتها أدركت أننى جدياً  
فى حاجة لوجود أبطال حقيقيين فى حياتى وقررت البحث عنهم..

فى أولى مراحل البحث قررت أن أكتشف من هم حوى، كانت أولهم  
أمى، تلك السيدة التى لم يعرف النوم طريقه إليها لشهور قضتها من الخدمة

أخيراً قد انتهيت من وضعها؛ ثلاثة بوسترات عملاقة بعرض حائط يليق  
الآن بغرفة شاب مراهق أكمل توه عامه ال ١٤.

أول بوستر كان أفيش فيلم «تيتانك»، تقف روز مائة ذراعها كعصفورة  
تستعد للطيران، بينما يقف جاك خلفها يحضنها فى مشهد بدغدغ  
مشاعرك ويعيدك فى لحظتها لأحداث الفيلم. كانت روز بالنسبة لى هى  
رمز التضحية فى الكون، أفئتنى أن ثمة تضحية أعظم من أن تترك فتاة  
خطيبها الثرى جدياً لتتعلق بشاب فقير ومشرذ وتتحدى العالم من أجل  
حبها، فتخوض حرباً شرسة ضد خطيبها الثرى وعائلتها الأرستقراطية،  
وترفض أن يتم إنقاذ حياتها على متن مراكب إنقاذ وتختار الموت بعينها فى  
مغامرة طويلة وصعبة لإنقاذ جاك من العرق.. فلك من فكرة إن جاك أنقذ  
حياتها بالنهاية، هذه ليست تضحية، هو فى النهاية كان يريد الجميل.

ثانى بوستر كانت صورة ضخمة لسبايدر مان، كنت دائماً أرى فيه البطولة.

الليلية في عذاب الحمل والولادة وقرف سنوات الطفولة التي لا تطيق روز  
أن تتحمل ربعها حتى، سهرها بجاني أثناء مرضى بدور إنفلونزا مع أن  
أمراض سنها أصلاً تنهكها، وقوفها ٦ ساعات في عز الحر بمطبخ ضيق  
لتسلي رغبتى الطفلة في اشتهاء طعام معين دون شكوى أو تذمر، غسيلها  
هدومي وكوبها وترتب غرفتي وتنظيفها ورا الحلو الذي تربيته في  
البيت، زعلها منى الذي لا يمنعها من أن تقوم في منتصف الليل لتأكد من  
إني مغطى كويس في أواخر ديسمبر، دعاؤها لي في كل ركعة وصلاة،  
ناسية أن تدعو لنفسها أصلاً.

أما البطل فلم أغلب في البحث عنه، كان يسكن في العرفة المجاورة، ذلك  
الرجل الذي لا أراه إلا ليلاً، وقد رسم التعب والشقاء تجاعيد جديدة على  
ملامحه، لا أراه إلا مبتسماً حاملاً طلبات البيت، وهو لا يراني إلا طعاماً  
فضولياً يخطف الشنط ويفتشها وينهم ما بها دون أى شكر، أبى الذي لم  
يفكر لحظة في أن «يشوف نفسه شوية».. يفكر في أولاً وثانياً وثالثاً..  
فيأتي بكل ما أطلبه حتى لا أشعر أن أحداً احسن منى «اشمعتنى تامر عنده  
بلاستيشن.. وكريم صيف السنة دى وانا لأ»، أبى الذي فرش الأرض  
تحت قدمي.. فلوس مدارس ودروس ف كل المواد.. ودروس ثانية في  
نفس المواد وملازم وكتب خارجية.. مقابل «بس انت تتجح.. ولونجحت  
هيجلك اللي انت عايزها»، أبى الذي وهب حياته وصحته ووقته من أجل


سعادة شخص آخر دون أدنى مقابل سوى أن يراه أحسن منه.

وفي دائرة حياتي كان هناك هؤلاء الأوغاد، أصدقائي الذين أستيقظ من  
النوم لأجدهم فوق دماغي يشاركوني السرير وقد دخلوا لغرفتي يوقظوني  
بكل غلاسة، يمد أحدهم يده ليفتح التلاجة ويعزم على بقية الأصدقاء من  
خيرها كأنه ف بيت اللي خلفوه، أصدقائي اللي بيعملوا أراجوزات وقت  
أن يملكنى الاكثاب عشان يضحكوني، ويتحولوا جميعاً لنسخ من  
أسامة منير في حل مشكلاتي العاطفية، أصدقائي اللي بيعملوا معايا مصيبة  
وعارفين انهم رايحين ف داهية عشان مايسيبونيش لوحدي أروحها،  
أصدقائي اللي ينخرج سوا من غير ما نعد معانا كام لأن جيبنا واحد، مش  
تقوتى سلاحف عايشين في بلاعة وياكلوا بيترا.. هو فيه سلاحف بتاكل  
بيترا أصلاً!!! لا والكابتن بتاعهم فار.. إيه القرف ده!!.

على حائط غرفتي الآن ثلاثة بوسترات جديدة.. أمي وابويا وأصحابي.

إنت على حيطتك بوسترات مين؟

## يوم الثلاثاء




يحصل بين اثنين، واحد ماشى صح والثاني ماشى غلط. من في النتيجة الاثنين يساوي الاثنين  
ببساطة لولا اني وقع الحادثة. محمش يعرف من الغلطان وبين التي كان ماشى صح. بالذات ان الاثنين  
كانا مكلين الانهما الاثنين كانوا ماشين صح. ويضيع الحق في الامر.

العلاقة القادحة كده، طرفين، واحد كويس، كل هيه العلاقة تكمل، وواحد تاني مايعملش حاجه غير انه  
بميشي غلط. الحادثة لا تحصل بينهم، الثاني هيزرق وهسحقني عشان ينداري علي غلط. وهحاول

بعت انه صح بالثورة. حشج ليك بربك. أو ممكن يعيط عشان يصب عليك.  
مهسلكك انك الغلطان عدو ما بتندي لعدو بتسلك في نفسك.

الفكر ساعته ان ماش معنى انك طرف في الحادثة انك الغلطان، كل التي عليك ترجع  
تسوق تاني وانت واثق في نفسك. انت في طريق عام. احتفال قمسي في طريق  
حلو واحتمال تعمل حادثة تاني. بس المؤكد انك تقدر تاخذ حلولا. فتجنب اي  
حد يبيجي جنك لسه يعلم السؤال. ايت ماش عمل عذاب، مانعك حد لسه  
خارج من حادثة ومدغدغ بقرق ملك. هو محتاج ترفع من روحه لحد عشان يرجع  
يسوق تاني. بس اول اول ما يهض هسحق رجله في البزيرن وقمسي آه وقرب من  
التي يسوق حلو. من التي يندابك مساحتك وانت سابق. التي يسوق جنك من  
لداملك. والتي تضمن انك لو عطلت ماش هسببك ويكمل لوحده.



فكرة تغيير اسمه خميس ١، سيجعل الناس تستهبل وتأتخ فيه وتاخده  
أجازة مع الخميس الأصلي، لم يكن أمامي سوى التأقلم مع يوم التلات  
ومحاولة إعطائه فرصة جديدة.. هي جت عليه يعنى!!

١- حاول فى كل تلات ألا تبدأ يومك تماماً بأى أغاني لإليسا، إليسا  
تستطيع بأغنية واحدة من أغانيها أن تدمر كل حاجة حلوة فى حياتك، فى  
يا عزيزى تجزم «نفسى اشوف مبسوطه فى حياتها» لأنها ببساطة لو شافتها  
هتتكند عليها، هي التي تستحلف حبيبا «يا نعيش مع بعض حبيبي يا نغوت  
احنا الاتنين».. فى كويليه فى غاية التضحية (انت فاكرنى هسيك تعيش  
تتهنى بيك واحدة تانية)، إليسا هي المطربة الوحيدة التي فشلت أن تخلق  
ذكريات جديدة ومازالت يحتفل بالشتا اللي قبل اللي فات، إليسا اللي  
عملت ألبوم اسمه أسعد واحدة بس عمرها ما ضحكت فى بوستر ألبوم،  
إليسا اللي يوم ما كانت سعيدة غنت «أهي عيشه والسلام».. باختصار  
قادرة أن تجعل كل يوم من عمرك يوم تلات!

٢- أنت لا تستطيع فقط التأقلم مع الأمر الواقع، بل من الممكن  
أن تجعله رائعاً، يوم التلات هو يوم عظيم لتدخل فيه السينما، عن تجربة

مشكلتنا انا ويوم التلات، أننا لم نتفق أبداً، فهو يوم لم يحدد موقفه، وارضى  
أن يكون أبو الفتوح فى قرارة نفسه فلا هو أول الأسبوع ولا هو آخره،  
كان يوم التلات هو اليوم الوحيد فى كل أعوام الدراسة الذى لا يوجد به  
حصه فاضية، كان درس الإحصاء الثانوية يوم التلات، كان التعرف على  
أسخف ناس قابلتهم فى حياتى فى يوم التلات.. هو يوم أثبت فشله على  
كل المستويات.. عمرك شفت فيلم عدل فى التليفزيون يوم تلات! عمرك  
شفت حد بيخطب أو بيتجوز يوم تلات!؟

ولأنتى وجدت نفسى لست الوحيد المضطهد من يوم التلات، بل  
يشاركنى الآلاف ممن يشعرون أن يوم التلات مستقصدهم وحاططهم فى  
دماغه، ولأن الحل الوحيد لإلغاء يوم التلات وتوزيع ساعاته على بقية أيام  
الأسبوع هيلخبطنا تالى فى تغيير الساعة واحنا ماصدقنا خالصنا، ولأن

شخصية أمارسها ستستمع جدًا بسينما يوم الثلاثاء، فالسينما.. خميس وجمعة وسبت هي ملاذ المراهقين والأسر، والثلاث فرصة عظيمة لتستمع بفيلمك بعيدًا عن فرشة الفشار والشيبسي وإلهيات السخفاء وأحاديث المزعجين الأجنبية وبكاء الرضع ودوشة العيال الصغيرة، لن نجد عشرين فردًا على بعضهم في السينما، ولكن في عرضك اختر فيلمًا جيدًا.. مش وقت تجارب .


٣- يوم الثلاثاء حاول أن تخصصه لمقابلة شخص تحبه، قلب في قائمة الأسماء على الموبايل ستجد شخصًا ما واحشك وانت مقصر في حقه، أو انتو مقصرين في حق صدافتكو نفسها، خذ قرار كلمه على طول وقابله، هتفضل تأجل لحد امتي؟! حاول أن تجعل من ذلك اليوم ذكريات للفرح والانبساط، وحاول أن تفصل تمامًا عن الناس المكتئبة وأصحاب المشاكل والشكاكين.. ولا ترد على أرقام غريبة ربما تحمل أخبارًا سيئة.. ليكن ثلاث الصحاب.

٤- «أن تتجرع اليأس كله مرة واحدة أفضل من أن تهش روحك بسكاكين اليأس الباردة».. أبوس إيدك اوعى تبدأ يومك بعبارة زي دي، مش هتستفيد حاجه لما تصحى تشير عبارات زي: «ليس ثمة موتى غير أولئك الذين نواربهم في مقبرة الذاكرة»، و«الوفاء مرض عضال.. لم

يعد يصيب على أماننا إلا الكلاب».. أو تحط كافر بيكتشر بنت الكحل ساح من على وشها ومكتوب تحتها «ثمة حزن يصح معه البكاء مبتدلاً، حتى لكأنه إهانة لمن نكبه» أو راجل ماشى فى الصحرا مكتوب فوق «لا تحزن.. خلقت الأحلام كي لا تتحقق»، حاول تبقى لطيف عشان يومك يبقى لطيف، اصحى اقرا لكاتب ساخر يتحبه وملكش دعوة بالعمق اليوم ده، هتبتدى يومك بأحلام مستغامى والأسود يليق بك ف حيليق بيك فعلاً وهيسمك فيك.. العمق ده اللي وداك ف داهية .

٥- يوم الثلاثاء يوم مناسب جدًا لأن تذهب لمطعمك المفضل وتأكل أكلة ألح عليك حضورها طوال الأسبوع، فلن تنتظر ساعة حتى يتم تحضيرها لأن المطعم زحمة، ولن تكون الأكلة متكررة لإن الضغط كثير، الأكل هو الحاجة الوحيدة الحلال اللي ممكن تطلع غلك فيها، يوم الثلاثاء كل اللي انت عايزه ولو عامل دايت خليه اليوم الفرى.. ما تصدقهمش احنا بنعيش عشان ناكل مش بناكل عشان نعيش .

## دليلك للفرح المصري



أنت المشكلة

لوفكرت شوية، هنلاقي ان العيب عموره ما كان في الناس.. العيب ليك انت!

مشكلة الناس الوحشة مش النهم رحسين، مشكلتهم النهم كانوا حلين في دماغك انت

ويس!

عيبك اناك رسمت لهم سبنايو في دماغك حدوت فيه جهنمفورا ازاى وهياحدوا موقف من ازماتك ازاى، وهجكورد فدلهم ع التي بيحصلك ايه، بس التي حصل النهم خرجوا برا السباق، تعدوا حدود السبنايو التي انت رسمته، هما ملهش دعوة بالي في دماغك، التي في دماغك ده لا يتعدى حدود دماغك، هما اتصرفوا على طبيعتهم..

انت التي فرضت عليهم جوالد افعال معينة هما مش مجبورين يتفادوها، الناس مش ذنبيهم صورتهم التي في دماغك.. ولا ذنبيك النهم شوية ريم!



حياتك الجديدة مع مريض جديد بالذبحة الصدرية..

- في مصر محدش بيعرف سلو، بس آدى العرسان يمثلوا انهم بيقصوا  
وآدى المعازم يمثلوا انهم مهورين، لدرجة ان الموبايلات كلها بتطلع  
تصور اللحظة التاريخية دى، بالمناسبة كل النظريات العلمية فشلت فى  
معرفة الكلام اللى بيتوشوش بيه العريس للعروسة ويخليها تضحك، خد  
ما اكتشفوا انه مابقولهاش حاجة لأنها عمرها ماهتمسه ف الدوشة دى  
أصلاً.. مش هنستهيل يعنى..

- صحاب العريس نصين، نص بينفض، ونص أول ما يمسح نداء اللى  
جى مان يحس إحساس الجندى اللى مايفرطش ف سلاحه وضميره ينقح  
عليه يوجب مع صاحبه ويفضل يرقص العريس ويهشكه خد ما العريس  
يعمى عليه من الفرعدة وهنا ضميره يستريح.

- البنات بيتقوا متجمعين ف دايرة بيتمايلوا كده وبيقصوا بكتافهم وبيزقوا  
ف واحدة مكسوفة جداً عشان تدخل الدايرة عمالة تقاوم وتحلفلهم انها  
بتتكسف ومش هينقع خد ما تدخل وهى حافية وتتحول فجأة لصابناز..  
وغالباً ماتمتها بتقى واقفة على أول الدايرة عشان أى استفسارات..  
خطوبة.. حجز.. حاجات كده.

الفرح المصرى مش مجرد التين بيتوفق راسهم فى الحلال ومبروك وعقبالك  
وتعاع.. لأ، الفرح المصرى محتاج كتالوج عشان تقدر تحضره:

- العروسة دائماً بتتاخر فى الكوافير، مش عشان بتجهز، عشان العريس  
قدامه مهمة انه يطلع عروسته من بين ٨٧ واحدة شبه بعض خد ما يلاقيها  
ويوس إيديها وهو يقولها: «ياااه أخيرا حتنجوز يا حياتى!». وغالباً دى  
بتبقى آخر كلمة حلوة العروسة بتسمعتها خد ماتقوت .

- الزفة دى توريطة، لاهما تخليينك تطلع القاعة ولا تخليينك واقف مكانك،  
لا عارف تحافظ على وقارك ولا عارف ترقص كويس، ما بينجدكش منها  
غير لما يقعدوك تبخر حبيبك بدخان قدر ودى فرصة عظيمة انك تبتدى



- قرايب المواسم، هو لقب يتقال على قرايبك المجهولين اللي ما بتكشفتهمش غير في المناسبات، اللي هو حالة ولاد عم امك من أب تاني، هيسلموا عليك بالفعال اوى، هيجاولوا يستظفروا، هيفعصوا ف حدودك، عموماً ماتردش عليهم خليك انت الكبير.

- فى الفرح المصرى العريس والعروسة ما ينفعش بيانوا أبداً انهم بنى آدمين طبيعيين زينا، ما ينفعش بيان على ملاحظهم الإرهاق، التعب، الجوع، لازم يفضلوا خمس ساعات متواصلة بنفس الضحكة الصفرا كأنهم تمثال شمع.. وده غالباً سر ان حياتهم كلهم بتبقى نكد بعد كده.

- لحظة تلبس الدبل، اللي بيسبقها شربهم كاسين دوا كحة عامل نفسه شربات، بتفضل الجماهير عيونها متعلقة على البطل وهو يلبس العروسة الدبلة خد ما تستقر فى آخر صوباعها، واللى بيبقى أشبه بالمشهد الشهير بتاع الفنان نبيل الحلفاوى فى فيلم الطريق إى إبلاط وهو بيوسع خرم العلية. قصدى القبلة.

- وانت قاعد على ترابيزتك فى أمان الله، هتلاقى مرة واحدة كشاف ضرب فى عينك عماك، ماتخالش، ده مصور فيديو أليف مش جاي

بتذيك، أنا عارف انها لحظة مربكة، الإنسان بطبيعته بيغير من تصرفاته أول ما يحس انه متراقب، عشان كده حاول تبقى طبيعى، اتكلم مع اللي جنبك فى حميمية شديدة.. اتأمل السقف بعمق كأنك سرحان فى نقطة مش موجودة، صقف وانت على ملاحظك سعادة مقرطة غير مبررة.. أياً كان اللي حتعمله أحب اطمنك انك أوفر أوى على فكرة!

- تمنى لأطفالكم يوماً هادئاً»

دى المفروض جملة بتكتب على كروت الأفراح عشان يمنعوا بالدوق حضور الأطفال، بس التمنى لوحده مش كفاية، لأن الأطفال بيجوا الفرح يجروا بين الكراسى ويلغوصوا ف الأكل ويدلقوا عليك الميه والعصاير.. والأشقا دول أرحم بكثير من الأطفال الهادية الرخمة اللي بتبقى لازقة فى دبل العروسة وقاعدين على الكوشة وطالعين فى كل الصور غضب واقتدار.

- لازم تتصور وانت حاضن العريس بصورة درامية كأنه مهاجر الكويت بعد نص ساعة، أو تتصور وانت واقف بين العريس والعروسة وعلى وشك ابتسامه ساذجة.. ودى ملهاش علاقة بالدكريات.. دى إمضتك

ف كشف الحضور وانك تذله انك عملت الواجب ..

- والأسطورة بتقول انك ماتكلش من أول اليوم عشان عندك فرح بالليل،  
ودى أول قوانين الأوبن بوفيه، تانى قانون بيقولك اهجم على اللحوم  
الأول فإذا فشلت عليك فى المكروونات فإذا فشلت عليك فى الطواجن  
والمحاشى فإذا فشلت فعليك بالخلويات بقى وأمرك الله، ثالث قانون  
بيقولك املى الطبق على آخره من جميع الأصناف، حتى لو مش حتاكل  
غير ربه، رابع قانون بيقولك الجوع كافر.. فمتعدهش تدقق فى تصرفات  
الناس على الأوبن بوفيه عشان هتلاقيك معدود ف ناس كثير.. تعرف  
فلان؟ آه.. شفته على الأوبن بوفيه؟ لأ.. يبقى لسه متعرفوش!



زيزو

يتكلم في تليفونه أعلق المكالمة، الكل يحتاجه الفضول.. يكاد الشغف بحقيقة هذا الشخص غريب الأطوار يقتل الناس، بينما في نفس اللحظة بدأت أيدى الرجل تتسحب حول حقيقته التي يحملها على كفه.

«اند ناو ويد ذا سربرايز.. والآن مع المفاجأة»

كان المترو يتحرك بأقصى سرعته في الوقت الذى ينتاب الركاب فيه القلق والريبة حول ما يخفيه الرجل المخيف بحقيقته السوداء، رأيت أحدهم يضع يده على قلبه تحسباً لو فجر الرجل نفسه، وإحداهن هرعت لآخر العربة تحسباً لخروج ثعبان أو شيء ما مخيف، بينما ينتظر بقيتهم يتحد غريب كأنهم يتحدون خوفاً منهم، كان الرجل الغامض يراقب المشهد بخيثة ويستمتع بخوف الناس ويستلذ برعبهم بطريقة سادية وغريبة لدرجة أنه كان يعتمد أن يتباطأ ويتماطل في إخراج ما في حقيقته لإضافة المزيد من الإثارة والسينس، وفي عز التوتر والأدرينالين الذى ينساب بلا حساب من عربة المترو، أخرج الرجل عسلية صغيرة من حقيقته صارخاً: المفاجأة اهيه.. عسلية برقع جنيه!

وهنا أصيب الركاب بحالة غير طبيعية من الضحك والتسقيف وأخرج كل منهم لا إرادياً ما تيسر من فكة لشراء العسلية الغامضة من صاحبها الأكثر غموضاً الذى ظهرت على وجهه ابتسامة منتصرة عريضة جراء ذلك القلب اللطيف.

كان الجو رتيباً كعادته، عربة المترو متكدسة للغاية، أنفاس الناس تكاد تخنق آثار الأكسجين المتبقية، حتى اقتحم رجل أربعيني العربة وبدون أى مقدمات صرخ «أوف ذا نيم اوف الله.. بسم الله الرحمن الرحيم.. هيلو إفري بادى.. أهلاً بيكو جميعاً ماى نيم اذ زيزو.. أنا اسمى زيزو»..

بدأت الأنظار تتعلق حول هذا المختل الذى يترطم الإنجليزية مترجماً كلماته كأنه ينقل كلمه للرئيس الأمريكى على الهواء، بأناقته وملابسه المهندمة وعطره الذى يفوح منه وساعة يده الأنيقة كان أرقى بكثير أصلاً من ركاب المترو أنفسهم لهذا كل التوقعات بأن يكون هذا الرجل متسولاً قد قتلت نفسها تلقائياً!

«اليدز اند جنتل من.. السيدات والسادة.. باى جادز ويل.. بمشيئة الله.. آى هاف ايبوتفل سربرايز هير وذ مي.. انا معايا هدية جميلة اوى ليكو»..

بدأ انتباه الناس يزداد بدليل صمتهم الذى طغى على المكان، فمن كان يقرأ جريدة طبقها بيده، ومن كان يسمع موسيقى خلع سماعته، ومن كان

بعدها حصد الرجل غنيمته من الجنيهات المعدنية التي أمطرت عليه من حيث لا يدري، جلس بجوارى يسرق حظات من الراحة، مستمراً في رد التحيات الموجهة إليه كفنان انتهى لتوه من الفصل الثالث المسرحية استعراضية مرهقة، لا أتذكر من فينا بدأ بالحدث، لكنه بدأ على أى حال، اسمه زيزو عسلي، واسمه الحقيقي عبد العزيز قطب.. «على فكرة أنا مهندس» هكذا قذفها بوجهي دون مقدمات، ثم ابتسم وهو يحكى من البداية ويخفف آثار الصدمة: «أنا خلصت ثانوية عامة ودخلت بعدها معهد فنى صناعى وبعدها دخلت كلية هندسة حلوان بس حصل لى مشاكل كثير فى الدراسة وسبتها وانا فى سنة تانية».

كانت التفاصيل التى حكاها بقدر أهميتها، بقدر ما زادت من تعقيد الصورة أكثر.. حتى أكمل «وانا فى الكلية كنت بتدرب فى شركة سيما بتاعة الحلويات.. أكيد توعدى عليها».. لم ينتظر منى رداً وأكمل: «مشونى من الشغل كمان فصعبت على مهندس زميلى هناك كان يبحنى لله ف الله كده.. إداتى شوية عسلية وحلويات من الشركة وقآنى اعملك فرشة عند موقف الاتوبيسات لقط رزلك هناك.. وحصل، عملت فرشة حلويات بسيطة كده فى موقف العباسية بس المشكلة انى ما بعش ولا حتى بربع جنيه، ولما لقيت الناس ماجوليش قررت اروحلهم انا، وفكرت فى دخلة

جديدة ادخلهم بيها.. وقررت استخدم الإنجليزي بتاعى واعمل الشواللى انت شفته ده.. وربنا كرمنى من وسع.. عدت السنين واتجوزت وبتنى الكبيرة دلوقتى مهندسة كمبيوتر والثانية فى كلية آداب وابنى الصغير فى ثانوية أزهرية».

هل ستدهش مثلى عندما تعلم أن زيزو يمارس نفس ذلك المشهد منذ أكثر من خمسة وعشرين عاماً بلا توقف لدرجة أن أصبح له صفحات على الفيس بوك وفيديوها على اليوتيوب ومعجبون يودون التقاط الصور معه ليصبح أشهر بائع متجول فى مصر!

لا أعرف كيف ستنظر لقصة هذا الرجل، لكنى لا أراها إلا أن هذا الرجل البسيط فهم قواعد لعبة الحياة جيداً، وأدرك أن تفكيره خارج الصندوق سيجعله بائعاً خارج الصندوق، وان شوية تعب صغىطين زيادة فوق تعبته الأصلي، سيصنع له نجاحاً كبيراً فوق نجاحه الأصلي.

كنت أسأل نفسى بعد أن غادر زيزو عربة المترو وقد ترك فيها من المرح ما

تركه، كيف أخرج كل هؤلاء الركاب ما في جيوبهم تحية لهذا الرجل وأنا أولهم» وهم الذين طالما تجاهلوا الباعة الجائلين بضاعتهم؟! والإجابة أنهم قدروا ما فعله هذا الرجل من مجهود في ابتكار طريقة جديدة ومختلفة لتسويق منتج قديم ومستهلك، فلم تكن حصيلة الرجل من كل تلك الأموال سوى اعتراف منهم بأنه برافو عليك انت شاطر وفكرت وتعبت واحنا كافأناك، فلم يشتروا العسلية بقدر ما اشتروا مجهوده في بيع العسلية.

زيزو يقدم لك درساً في الحياة هذه المرة، يخبرك أن الحياة عموماً لا تحتاج منك مزيداً من المنتجات والكتب والأغاني والأشعار والهوى مهما كنت جامد... الحياة تحتاج كريثفتي لتوصيل بضاعتك حتى لو كانت رديئة مثل تلك العسلية التي اتدبست فيها.. تاخذ حنة؟



ماحدث في باص الرحاب  
السابعة صباحاً

الباص.. وبت تجلس أمامي بصفين، وأخرى تجلس بعدي بأربعة صفوف  
بمقدمة الباص..

كان مديع الراديو يمارس وظيفته في محاولة إيقاظ الناس وفرفشتهم  
بأغان عالية الإيقاع ولكنها لم تنجح أبداً في إخماد حالة البلهاء والكسل  
والنعاس التي تملكني.

في محاولات الهروب من الملل تسللت منى نظرة عشوائية للفتاة التي  
تجلس في آخر الباص، دقت النظر لعلها هلاوس النوم، ولكن المشهد  
كان حقيقياً، كانت الفتاة تبكي بحرقه، تنساب دموعها كمطر بأواخر  
ديسمبر لتغرق وجهها وملابسها، كانت منهارة بنهضة مكتومة ضاع  
صوتها وسط ضوضاء الشارع والسيارات، أطلت النظر محاولاً استيعاب  
المشهد وفوجئت بالفتاة الأخرى التي تتوسط الوضع بيني وبين تلك الفتاة  
تفتحم اللحظة بنظرة صامتة تسألني فيها «إيه العمل دلوقتي؟».

كنت وقحاً جداً عندما نظرت لها بلا أى مبالاة وأنا عاجز عن التصرف  
في ذلك الموقف ولا أملك أية حيلة لوقف هذا التزييف الداخلي الذي لا  
يتوقف.. فقد ساءت حالة الفتاة أكثر وظننت من بكائها أننا ربما نغرق  
جميعاً بدموعها التي ستملأ الباص، أصعب ما في المشهد، أن الحياة تضعك  
أحياناً رغباً عنك في مشهد لم تكن أبداً طرفاً فيه وتجبرك أن تتصرف.. بل  
وتحملك نتيجة عدم تصرفك، أحاول أن أنسى ما يحدث.. أن أتغاضي

أخيراً استقر رأي الأغلبية على تقضية السهرة بمنزل أحد أصدقائنا بمدينة  
الرحاب، وامتدت بيننا الحكايات والنميمة على خلق الله حتى الثالثة  
فجراً.. وكان ذلك توقيتاً غيبياً، مدينة الرحاب مدينة محدوفة وآخر باص  
يرحل من الرحاب ناقلاً الزوار إلى عمار العاصمة يكون في تمام الحادية  
عشرة مساءً، أما الآن فقد نزم أهل الرحاب بيوتهم، وغادر الغرباء حياتهم،  
إلا أنا ظللت عالماً كقطعة بسكوت سقطت بكوب شاي بلبن، لا منها  
غرقت ولا منها طفت، وكان الحل الوحيد أن أنتظر حتى الساعة صباحاً  
وأتحرك مع أول باص يفر من الرحاب هو الآخر.

تحرك الباص في موعده، كان الجو مشمساً بلسعة برودة، الشوارع ما زالت  
خالية من الناس، حتى في الباص الذي أركبه عدد الركاب لا يزيد على  
عشرة، وظل ينقص عددهم حتى وصلنا لثلاثة أشخاص، أنا أجلس بأخر

عنه ولكن أجدني رغماً عنى أسرق النظرات القصيرة لتلك الفتاة المنهارة  
وفي كل مرة لا أزداد إلا وجعاً من حزنها الذى بدأت أشعر أنه يخصنى أنا  
أيضاً.. بقصد أو دون قصد شاركتنى الفتاة حزنها وأصبحت متورطاً مثلها  
تماماً، بل ربما أكثر لأنى مثل بخيبة العجز تجاه ما يحدث كله!

عند محطة الوصول، كان الباص يستعد للوقوف وإذ بالفتاة التى أمامى  
مباشرة تتوجه للفتاة الأخرى فى أول الباص وتسلمها ورقة فى يدها دون  
أن تتكلم وتتسحب بعده من الباص ومن المشهد كله، علامات التوتر  
اختلفت مكاناً جديداً لها وسط الحزن الذى يسيطر على وجهها وهى  
تستلم تلك الورقة الغامضة حتى فتحتها وظلت تقرأ فيها لغوان لتنهار أكثر  
وبشكل مفاجئ وتغادر الباص وهى مسرعة جداً.

كان الفضول يقتلنى، يا ترى ما سر تلك الورقة؟ وما سر تلك الفتاة  
الأخرى؟، هل هما على علاقة ببعضهما؟، هل هما صديقتان؟، إذا كانتا  
كذلك لماذا تخصمتا.. لماذا تجلسان بعيداً؟ هل بينهما خلافات؟، ربما  
تكون بينهما قرابة؟.. لكى أرتاح قمت بنفسى أبحث عن أى أثر لتلك  
الورقة بين الكراسى حتى وجدتها، كانت مكتوبة باللغة الإنجليزية وهذا  
نص ترجمتها:

«صديقتى.. أنا لا أعرفك ولا أنت تعرفينى، ولكنى أراقبك منذ أن تحرك  
الباص وأراقب دموعك المنهمرة على خديك.. لا أعلم لماذا تبكين.. ولكن  
ما أعلمه أن لا شيء فى الدنيا يستحق دموعاً واحدة من عيونك الجميلة  
الرائعة.. لا حبيب ولا أسرة ولا عمل، صديقتى.. إن من جعلك تبكين  
بهذه الطريقة لا يستحق أصلاً أن يكون فى حسابك بعد اليوم مهما كان..  
أعلم أن هناك أموراً أصعب كثيراً من أن نغلقها بسهولة أو نتغاضى عنها أو  
حتى نخفف وقعها علينا بهذه الكلمات الساذجة التى أكتبها لك.. ولكن  
تأكدى أنك أقوى من أى ظرف.. فكل الظروف والمصائب والأحزان  
ترحل وببقى نحن.. نحن وحدنا!


صديقتى.. كانت لديّ رغبة ملحه فى أن أعانقك ولكن شجاعى  
خذلتى.. فلن أتحمّل أن تنهارى أكثر وأنا أحاول أن أعمل العكس..  
خفت أن أتجاهلك فأوجعك بصمتى وخفت أن أعانقك فأوجعك أكثر..  
لن أكتب لك من أنا ولا رقم تليفونى مع أنى أتمنى صداقتك.. ولكن أنا  
متأكدة تماماً أننا سنلتقى مرة أخرى وستكونين منهاراً فى البكاء أيضاً  
ولكن من الفرحة هذه المرة.. أحبك».

قرأت تلك الرسالة مرات ومرات، وكل مرة أتأكد أن هناك حقيقتين، أن  
الحسارة جزء من الرحلة، والحقيقة الأخرى أنه ليس هناك خسارة كاملة،

لفى نفس اللحظة التي داس فيها أحدهم مشاعر تلك الفتاة، كان في نفس اللحظة شخص آخر يمد يده من الناحية الأخرى ليعانقها.

ولكن تظل مشكلة البني آدم، أنه دائماً ما كان أعمى، وجاهلاً، وغيبياً، لا ينظر إلا تحت قدميه، لا ينظر للأمور إلا بزواية واحدة ونظرة واحدة وحقيقية واحدة يؤمن بها ويستتر من أجلها كل شيء من أجل أن يثبت صحتها.

وجد البني آدم أن الأسهل له أن يندب حظه، أن يستسلم لإحباطه، أن يفوص في بحور كآبته، بدلاً من أن يتعب نفسه ويحاول أن يستوعب الصورة الكاملة، ليستنتج أنه في سبيل كل خسارة هناك مكسب، ومقابل كل مقلب درس، ومقابل كل صديق نذل صديق أجدع من الجذعنة نفسها، ومقابل كل شخص علم علينا ورحل هناك من يتمنى لنا الرضا نرضى، ومقابل كل باب يفلق أمامنا باب آخر يفتح تلقائياً.. بس هشوفه ازاي من غير ما نبتل عياط؟



انت ايه الى واصلك لكدة



أن يعزمها يوماً في مطاعم مختلفة وإرسال الوجبات الجاهزة لبيتها كل ليلة وتوصية الطهارة بالمطاعم باختراع أطباق خصيصاً لها من كل المكونات التي يتحبها من اللحوم والمكرونات والقطاير والحلويات، حتى أصبحت الفتاة الجميلة الرشيقة صاحبة وزن الـ ٤٥ كيلو تصل لوزن ٩٠ كيلو خلال سنتين، وبهذا تحولت لفتاة قبيحة بدينة متهللة بطينة الخطوة ثقيلة الحركة، فابتعد عنها الشباب ولم تجد سوى ذلك الشاب يعترف لها بحبه في ماكدونالدز، ويفاتحها في موضوع الخطوبة وهي تضرب آخر قطعة من ثورته الشموكليت كيك، منتظراً ردها بعد ان تنكح لـ تريسي المشيرة.. ليركع أمامها على ركبتيه ويقدم لها خاتم الزواج مع باقة متنوعة من أفخم أنواع الشوكولاتات بمنصف الشارع المزدهم بالمطاعم على اعتبار أنه الشارع الذي شهد على قصة جبهما!

سألت نفسي: إزاي شخص يقبل على نفسه تلك الإهانة، إزاي هايحط عينه ف عينها بعد كده! طب لو هي قررت تخس هيعمل ايه.. يعني لما ترجع حلوة تاتي هتفضل معاه ولا هتحس أنها تستاهل حد أحسن؟ طب وانت إزاي أصلاً تقبل على نفسك توقف حياتك على شخص انت بالنسبة له «ممكن»!

السؤال هو: إزاي الإنسان قادر يرخس من نفسه كده، إزاي مرعط إنسانيته للدرجة دي، إن لما تنقل من قيمتك مستنى مين يعلى سعرك؟

في الصين وصل شاب لأدنى درجة من إهانة الإنسانية، قالت مواقع وكالات الأنباء التي تداولت قصته إن الشاب العشريني لجأ خيلة غريبة ليفوز بحب جارتة الجميلة القاتنة التي يعتبرها شباب منطقتهم فتاة أحلامهم ويطمحون منها فقط لموعده أو ضحكة أو حتى نظرة رضا.

عندما شعر ذلك الشاب أنه فاشل في كسب ودها كبقية زملائه.. بدأ في تنفيذ خطته، خشن ما هي تلك الخططة؟ هل توقع مثلاً أن يحيطها بالورد أينما تجل حتى تشعر أنه شخص رومانسي، هل فاجأها ذات منتصف ليلة وأحضر لها مطرباً رومانسياً وعازف كمان تحت بلكونتها ليخبرها بحبه الشديد لها على طريقتهما، هل أرسل لها بالبريد دعوة حضور فيلم مميز بالسنيما، هل يمكن أن يكون غشياً ويصل به التهور خطفها وإجبارها على حبه مثلاً.. بل هناك الأسوأ من كل ذلك!

قام الشاب «بتسمين» حبيبته، أبوه انت قريت صح، لم يجد الشاب سوى

إزاي تقبل على نفسك . تحب واسمة ما بتحبكش؟، إزاي تتصل بعد أكثر مرتين وهو مش عايز يبرد عليك، إزاي تقابل حد وهو مش عايز يقابلك بنفس الشغف والحماس اللي جواز تقابله.. إزاي تقبل على نفسك تفكر حد بجمعاد بينكو؟

إزاي ممكن تكمل كلامك عادى مع حد المفروض انه قريب منك وهو محدش باله من حالات أه رق تحت نيتك أو حزن نبرة صوتك أو كلمة ضحككك؟، إزاي لسه قهادر تهتم بشخص محدش باله إنك غيرت ريحة برفانك أو جبت هدوم جديدة أو لابس لون غريب عن الألوان اللي متعود عليها؟، إزاي ممكن تدعى علاقتك القوية بشخص مش فاكتر أصلاً تاريخ ميلادك.. إزاي ممكن تفتكره تانى فى أى مناسبة؟

إزاي لسه قادر تحكى حد بيستخسر فيك «معلش» أو «برافو» أو مجاملة كدابة انت محتاجها فى اللحظة دي.. إزاي تقبل على نفسك تبقى مفرط فى مشاعرك مع شخص هو يخيل فيها؟

إزاي مقضى مكان لحد ملا مكانك بعد تانى؟.. إزاي لسه رابط حياتك باحتمال.. إزاي لسه بتحاول ترجع له.. إزاي لسه بتحاول تقنعه إنك كويس مش زى ما هو شايفك.. إزاي تغليه يشوفك كده أصلاً؟


إزاي ممكن تفرط فى الحاجات اللي ل إيديك مقابل حاجات لسه ع

الشجرة.. إزاي تسبب سعادتك مع حاجة مقابل حاجة تانية احتمال تكون سعادتك فيها أكبر.. طب هتعمل ايه لو خسرت كل حاجة..؟

إزاي ممكن تتجاوز واحدة اختارتك لمجرد انك اخترتها.. إزاي تبقى عارف انها موافقة عليك لمجرد انك عريس مناسب وميسوط؟.. إزاي تقبل على نفسك تجيب منها عيال هتحيهم أكثر منك، إزاي ممكن تفضل معاها وهي بتقولك مش عيزاك.. إزاي تمسك فى حد مش عايزك أصلاً.. إزاي تدخل بينكو ناس يقنعوها ترضى بالعيشة معاك.. إزاي تقبل على نفسك تقعدنا معاك فى البيت بحكم محكمة؟

ايه اللي وصلك لكده؟، ايه اللي يستاهل ان البنى آدم يتنازل؟، القلوس زى ما عملناها قادرين تعمل غيرها، الأفكار مهما كانت حلوة هنجيب احلى منها، الناس الحلوة عمرها ما بتخلص، بس انت الحاجة الوحيدة اللي ماينفعش تفرط فيها، كل خسارة سهلة ماعدا خسارتك لنفسك.. دى الخسارة اللي مايتعوضش!

## رسالة لن تقرأها أمي



أكثر عقاب على مدادك، وجودنا في حياتهم مثل أننا نكفرهم، لأنهم أكثر ويخلص في حتمهم..  
ونفر شلهم الدنيا تحت رجليهم، عشان لما نسيهم عمومهم ما ينسوننا، إملا مكاتك على الآخر عشان كل ما حد  
بيجي بعدك ما يعرفش برنا، أرنه القراء ده، ف كل ما يعرفوا حد بعدك هيجموا أكثر، هيقارنوا ويشبهوا ويخبروا  
زرزوحك منتفضل نغوم طول الوقت

أعظم كانت في منتهى البشر لا تحت:

«نفسى احبك حب تاني.. حب فيه كل المعاني..»


حب يهبطي غرورك بسلام.. ويخليك يا حبيبي آتاني

عشانان يوم ما تفكر بعد أو تنساني..

ماتلاقيش اللي انت لاقيه.. ترجع تاني..»

أسجل احتلافي بس في آخر سطر، هما صحح جهوروا قينسك، بس ده هيكورن لي  
الوقت الغلط.. الوقت اللي هتكون زهدت منهم، لا انت قادر ترجعهم ولا طابق همد  
برجورك.. بس انت ميسوط.

عظم



لا أخفى عليك أنني كثيرًا ما كرهت طفولتي، كرهت أن أكون مسلوب الإرادة، ولا أخفى عليك أيضًا أنني أفتقدها وبشدة.. أفتقد طفولتي فعلاً.. كنت بالأمس طفلًا مدللًا، مستسلمًا لاختيارك أكلتي وملابسي وأصدقائي، وعلى الآن أن أختارهم أنا.. فلا أحسن الاختيار، فصحتي متدهورة وملابسي أكرهها بعد أول لبستين وأصدقائي كلهم اختاروا ألا يكملوا معي الرحلة وتركوني وحيدًا.. وحيدًا جدًّا يا أمي!

كنت بالأمس أستعين بك من أجل أن «تتقلمي» وأنا خارج، أن تختار لي تسريحة شعر مناسبة، أما الآن يا أمي فأنا مطالب أن أختار القرارات المصيرية في حياتي، أختار كلية تضمن مستقبلتي، وعملاً دخله جيد وفي نفس الوقت مريح، وأن أحاوط نفسي بمجموعة من الناس الطيبين، وأن أختار إنسانة حنونة تكمل معي ما تبقى لي من أيام، أما الآن يا أمي.. فأنا أتحمل نتيجة اختياري وحدي، أدركت الآن نعمة أن تختار لي الأحسن في كل شيء بدلًا من إرهابي واستنزاف عمري الذي يضيع بين الاختيارات الفاشلة، أوقات كثيرة يا أمي أنظر لبيعات قرارتي الفاشلة وأكتشف كم كنت قاسيًا على نفسي.. قديمًا كنت ألومك على كل ما يحدث لي لأنه اختياري وقرارك، أما الآن فلا ألوم إلا نفسي وما أقسى ذلك على النفس يا أمي!

تسأليني يا أمي دائمًا لماذا لم نصبح أصدقاء؟، نقعد كده ساعة مغربية

أمي العزيزة.. إزيك، عاملة إيه؟

اكتب لك هذا الخطاب لأخبرك بكلام طالما أردت أن أقوله لك وماعرفتش، كسوف بقي، إحراج، رهبة، ماتفهيمش، المهم إنه حاجز كده مش فاهمه.. عموماً يا أمي لقد اخترع الإنسان طرقًا كالكتابة ليوافقها أشخاصاً يعجز أن يحدد بأعينهم وهو يواجههم لأن كلامًا كثيرًا يتغير وقتها..

لدي مشكلة عميقة يا أمي، اكتشفت أن كل المشاكل التي واجهتني كان لها حل عبقري، ولكني لا أكتشفه إلا بعد أن تكون المشكلة قد انتهت وقد تعاملت معها بأسوأ حل، وهكذا أصبحت حياتي مرتعًا للفشل والتخبط، وهو نفس حالي بعدما فارقتك، أنت صحيح تملئين الدنيا بأنفاسك ولكني فعليًا فارقت حضنك، فارقت ذلك السياج الحديدي الضخم الذي كان يحميني من بطش الناس، وأصبحت ناضجًا بما يكفي لأن أتحمّل مسؤولية نفسي.

نفضض ونرغى، والإجابة ببساطة يا أمي أن صديقي يسمعي دون أن يدلي بعد ذلك أنى استأمنته على سر، صديقي أخبرته يوماً فى نزوة المراهقة أنى أحب فتاة واستوعب مشاعرى بل وساعدنى أن أتقرب لها، صديقى لا يدوشنى ليل نهار بالمطلوب أن أفعله بل تجرب معاً كل الأشياء السيئة.. على الأقل حتى لا نعود لها مرة أخرى، صديقى بعد كل كارثة تحدث لنا يظل يضحك بهستيريا ولا يشعرنى أنى المذنب الوحيد بالعالم، أدرك يا أمي خوفك الزائد ولكن عليك أنت أن تدركى أن النصائح لا تغير ما نتعرض له.. هي فقط تشعرنا بالندم بعد ذلك!

أمي العزيزة، بما أنها لحظة مصارحة فاسمحي لى أن أستغلها وأخبرك بالمرة بما أخفيته كثيراً عنك، أعتزف لك الآن بكل استسلام ودون أى مقاومة أن كل ما توقعته حدوثه لى قد حدث بالفعل، صديقى المخلص الذى حذرتنى منه انضح لى فعلاً أنه قليل الأصل، وصديقى الصابغ الذى لم تعلمتنى له كان فعلاً يبدح من ورايا، وعلاقى بتلك الفتاة الجميلة التى أخبرتنى أنها ستقتضى سريعاً وأخبرتك أنه مستحيل.. قد انقضت بالفعل ولكن بعد أن قضت عليّ أنا شخصياً!


تذكرين يا أمي يوم أن نهرتنى لأغلق الباب جيداً لكي لا يدخل فتران ونجهاهلك.. بالفعل دخل فأر وبهدلنى ولكنى أخفيت عليك، تذكرين يوم أن حذرتنى من الاستحمام والخروج للشارع مباشرة وكبرت دماغى..

أصبت بعدها بدور برد شديد وعملت نفسى كويس حتى لا تؤنبنى، تذكرين يوم أن حذرتنى من أن «الفلوس كده هتقع من جيبتك» قد وقعت بالفعل واستلقت بقية الشهر من أصدقائى دون اللجوء إليك حتى لا تؤبخينى وتظلى ترددنين كل خمس دقائق «مش قلتلك!»، لا أدرى يا أمي لماذا كنت أقمرد على كل تحذيراتك بل وأخذهاها حتى تحدثت فعلاً وبعدها أحاول أن أتظاهر أمامك بالحكمة.. ولكنى أعتزف لك الآن أنى دوماً ما خسرت الرهان!

وأخيراً يا أمي، أنا جبان، جبان جداً، جبان لدرجة أنك لى تقرينى هذا الكلام ولن يصلك..

كتبته هنا لأننى لا أستطيع أن أواجهك به، ولو واجهتنى أنت به ربما سأنكر أن هذا الكلام كلامى وأن هذا الكتاب يخصنى أصلاً، آه، قبل ما انسى.. أنت يا أمي آخر شيء حقيقى.. أنت الحقيقة الوحيدة التى أنا مؤمن بها، أنت الوحيدة التى تحبينى دون مصلحة أو هدف، إنتى اللى كنتى بتشرىبى الدوا قبلى عشان تطميننى انه طعمه حلو.. واستمرت حياتك على كده.

## مجتمع شريف جدا



الأسطورة الإغريقية تعرف الحب بقصة حياوية غريبة.. إن زمان الإنسان البدائي كان راجل وست في جسم واحد صلبهم جدا، عنده أربع يدين وأربع أرجلين ورأس واحدة بوشين في اتجاهين مختلفين..

ولما كان الإنسان ده بالحجم ده، فكان قوي جدا لدرجة انه اعتدى على الآلهة، فالآلهة قررت تعاقبه وتحرمه من

قوته.. وفضلت جسمه بالنص تخزّن مساورين.. بالطيط زي الشاحنة، حده ما بقى راجل وست منفصلين، وتفكرت الناس كلها ومن ساعيتها كل واحد بيدور على نصه اللي راح منه.

عشان كده.. والت بتدور على النص الضائع متلك لازم تبقى قناب، ذكي، مش مستعد لتضيق وقت ومشاعر مع أول نص يقابلك، أو عى تخصص النص اللي عايز تعيش معاه..

اختار النص اللي متقدرش تعيش من غيره!



عازب، والبت اسمها عانس، الولد حياته خروجات وفسح وسهر وتقلات من وظيفة لأخرى إلى أن يستقر والبت بعد الأيام فى محاولة السيطرة على العار الذى سيلصق بعائلتها إذا فاتها قطر الجواز.. حتى لو هيدوسها.. المهم تلحقه، العشرينيات هى مرحلة الحصار بـ «ها مفيش أخبار حلوة؟» وليست الأخبار الحلوة تعنى وظيفة جديدة مثلاً لا سمح الله.. فالمجتمع لا يرى التعليم مؤهلاً لأن تعمل المرأة.. بل التعليم وظيفته أن تكون ست بيت متعلمة، فهو يراها غير جديرة بالمسئولية.. مع أن البنت بتصحى الصبح تحضر الفطار وتنزل وتتمشى فى شوارع وتركب مواصلات وتمشى فى شوارع تعرض فيها لأفطع الماكسات والتحرشات والإهانات وتوصل الشغل وتشتغل، وهى مروحة تحيب الحضار وطلبات البيت وتطبخ وتغسل المواعين وتغسل الهدوم وتشرها وتكس وتمسح وتذاكر لآخوها الصغير وتعمل العشا للبيت وتنام عشان تروح الشغل.. ولكن كل ذلك لا يغير صورة البنت فى مجتمعا التى رأيناها فى أول صفحة بكتاب اللغة العربية فى أولى ابتدائى وهى ترتدى مريلة المطبخ واقفة بجوار زوجها الذى يرتدى عفرينة الشغل.

المجتمع مصدر فكرتين، للراجل: خلى كل همك مستقبلك.. وفكر ازاى تقدر تثبت نفسك، وللبنت: إنتى لسة متجوزتيش! إنتى عانس! إنتى معيبة! إنتى فيكى حاجة غلط!

العنصرية: هى التمييز بين الناس فى التعامل بسبب لونهم أو جنسهم أو دينهم أو مستواهم المادى والاجتماعى، هكذا تعرف الدساتير العنصرية وتجرمها، ولكن لا تجرم القوانين نفسها عنصرية المفاهيم والمنطق والعواطف وإن كانت أخطر وأضل سيلاً!

فى مجتمعا يظل الرجل العازب الذى وصل للثلاثينيات والأربعينيات دون الارتباط، رجل بونس، فضل عمله على أمرته وكرس وقته يسعى لتحقيق طموحه وذاته وإثبات نفسه بمجتمع يقدر ذلك بنظرات الكفاح، أما كفاح البنت فمرتبط بالكتالوج الذى رسمه المجتمع لها وقد حدد فيه سناً محددة للزواج لا يصح أن تتعدها وليس من حقها التفوه بأى حماقات من نوع «أنا حرة.. ومش عابزة انهجوز دلوقتى!».

العشرينيات بالنسبة للشباب - رغم الشقا - تظل أحلى مراحل عمره، وبالتوازى هى أقدر فترة فى حياة البنت، الولد فى تلك المرحلة اسمه

في الخطوبة، الولد يبقى اسمه خد خطوة، إنما البنت الخطوبة بالنسبة لها شبه تدبسة، المجتمع لا يحاسب الولد كون الخطوبة تجربة يمكن أن تفشل ويمكن لا، إنما الخطوبة للبنت هي تجربة محسوبة بالذات لو انفشكت!، الولد لو خطب ٣ مرات أول انطباع يصدره المجتمع انه أكيد مرتحش، بينما ما هو أول انطباع ستأخذه عن بنت اتخطبت ٣ مرات؟ انها أكيد مش كويسة.. وأن المشكلة أكيد مش الخطوبات أكيد المشكلة فيها.. آمال اتخطبت ثلاث مرات وفشكت ليه.. ها.. أكيد معيوبة وكزّهت الرجالة فيها؟

وتتسع تلك النظرة العنصرية بزواية منفرجة في الانفصال الأكبر.. الطلاق.. الطلاق في مجتمعنا هو شهادة وفاة بالنسبة للبنت، خد دلوقتي من عمر البشرية ثقافتنا المصرية مش قادرة تغير نظرتها ناحية الطلاق..


الطلاق في أي مجتمع هو انفصال شخصين كل منهما شخص جيد ولكن مشكلتهما اتهمتا فاشلا أن يكونا جديدين سوياً، العيب ليس فيهما بقدر ما هو في العلاقة نفسها بدليل انهم ف أغلب الحالات ينفصلوا وكل شخص يكمل بقية حياته مع شخص آخر لايق عليه أكثر، اما الطلاق في مجتمعنا المتدين الذي يستشهد بين كل جملة وأخرى بأية كريمة أو حديث شريف ف عند الطلاق ينسى تماماً انه هو شرع ربنا الذي أحله لينهى المشاكل اللي لن تنتهي إلا بهذا الحل.

ف مجتمعنا، الرجل المطلق هو شخص سعى الحظ في الزواج، إنما الست المطلقة أكيد اتطلقت عشان وراها حاجة.. الرجل المطلق في مجتمعنا رجل يبحث عن فرصة جديدة للحياة.. أما الست المطلقة فهي واحدة رخيصة وسهلة قابلة لإقامة أى علاقة جنسية مع أى عابر في الطريق لمجرد انها اتطلقت! اتطلقت رسمياً بمعنى ان المشاكل لم تعد تحتمل أن تظل مكتومة داخل البيت لدرجة انهم اعترفوا بها رسمياً واعلنوا عنها، وبين المر والأمر منه، اختارت الكثيرات تحمل الجحيم والتألم معه بصحبة رجل لا تطيقه لانها تعيش بمجتمع لن يرحمها وهي مطلقة رسمياً لكنه يعززها وهي مطلقة إكلينيكاً.. طلاق نفسى لا ظاهر ولا معلن!

المرأة يعيها في المجتمع أن تكون بدينة، أن تكون سمراء، أن تكون قصيرة بشكل لافت أو طويلة أكثر مما ينبغي، أن تكون بنت عم جوز عمتها مشيها بطل، أن يكون لها زمائل في الجامعة أو الشغل، أن تكون دخلت بعلاقة عاطفية من قبل، ولكن «الراجل مايعيشو غير جيبه» يعنى يكون كداب وحاين وحرامى ونصاب وبتاع ستات ومبيعرش ربنا، بس عشان معاه فلوس يبقى مفيهوش عيوب!

الرجل الشريف في مجتمعنا هو اللي بيشتغل شغلانة حلال، والست الشريفة هي الست اللي مالهاش علاقات عاطفية أو علاقات برجالة!  
هكذا عرف المجتمع العنصرى الشرف.. بكل قلة شرف!





## مصر التي في الكليات

هيا يا مصر

أهني أحسن، أختار واحدة مختارني عشان لاجح . ولا عشان تحقق معايا النجاج ده! أختار واحدة مستباني بعد ما جيت من الرحلة ولا واحدة تبقى أصلاً جزء من الرحلة دي!

شركة الحياة غير شركة النجاج، شركة النجاج عايزة عربية حلوة، شركة الحياة دي اللي تترك معاك ميكرو رصاص وتاكسي لما احالة تروح . وبعدين عربية تعاللة كل شوية تقف وتنزل توفيا معاك لحد ما تجيبوا العربية الخلوة، شركة النجاج عايزة تعيش ف نفس مستوى عيشتها . وشركة الحياة عارفة ان أهلها يقالهم عشرين سنة بيكافحوا عشان بوصولوا للعيشة دي وعايزة تعيلهم معاك تاني، شركة النجاج عايزة كل اللي عملته، شركة الحياة عايزة كل الت.



لا أشكك أبداً في نوايا المبدعين الذين يذلون مجهوداً جباراً في صناعة الكليبات الوطنية، ولكن لا أرى ما يقدمونه سوى كليبات مستغزة لدرجة أنني أشك في كل لقطة أن مصر التي يتكلمون عنها هي ذاتها مصر التي واخذ منها سلك الت الذي يقطع كل لقطة برضه، مصر التي أشعر أنهم صوروا بها الكليب سرقة قبل أن يستيقظ سكانها الأصليون!

المشكلة لم تكن في الكليبات نفسها، المشكلة أن صناعتها يحاولون تصدير صورة وهمية لمصر متهمين من يعارضهم في نقل تلك الصورة المصطنعة بأنه يسيء لسمة مصر ولا يدركون أنهم فعلاً الذين يستون لسمة مصر عندما يأتي السائح ويرى أن مصر التي في الكليبات هي فنكوش ليس أكثر!

لماذا كرهننا مصر التي في الكليبات وعشقناها في فيلم غسل اسود مثلاً؟، فقط لأننا أخيراً رأينا صورة أشبه لمصر التي نعرفها ونحفظها ونعشها، مصر

هما قالولك فين، وحضن عليا يا أستاذ وتعالى عجلتين ورا، مصر سائق التاكسي الشكاي اللي دائماً ممعوش فكة، مصر ماكينات المترو العطلانة العرقانة وسط أكوام التذاكر الملقاة عليها وتحتها، مصر يعني الرجالة نسبتهم أكثر من الستات ف عربية السيدات ف المترو، مصر هي السينمات المترافية بالكاميرات الضوئية ليس لمنع سرقة الأفلام بل لمنع البوس، مصر هي الشحاتة التي لا تقوم على الاستعفاف بل الرخامة، وبائعو الورد والترمس الذين يهجمون عليك كتين جائع وجد فريسته لو الظروف منها لله شاءت أن تكون شاباً واقفاً مع بنت أو ماشى معاها أو قاعد في مكان عام، مصر عمال النضافة المتسولين تحت الرداء الأخضر، مصر ليست الفسائين القصيرة.. مصر البنت اللي بتتعلم تمشى زى العسكري عشان محدش يضايقها، مصر شط البنات اللي مافيهاش مكياج على أد ما فيها أسلحة تحارب بيها كتيبة جيش، مصر هي إنك أول ما تركب تاكسي تفكر في كل سيناريوهات الهروب لو اتخطفت.. وتسبب للسواق إكرامية انه كان ممكن يخطفك وماغملهاش، مصر هي محطة الشهداء اللي اسمها على مسمى، مصر اللي سفر الشباب منها لأي بلد تانيه يبقى اسمه إعارة عشان مفيش دولة أقل منا، مصر اللي نص عمرك بيضيع فيها ف الزحمة والنص التاني بيضيع ويتستريح من الزحمة، مصر هي كل سنة وانت طيب اللي بتسمعها ف كل وقت وف كل يوم ولا عمرك كنت طيب، مصر.. الشاي والإكرامية والواجب.. وخلى عنك خالص والله، مصر اللي بتضيع

فيها أول ثلاثين سنة من عمرك تكوّن نفسك.. عشان تعيش بقية عمرك  
 تكوّن نفسك برضه، مصر هي انك تاخذ دروس عند المدرس عشان ما  
 يستقصدكش وتتجنب دكتور الجامعة عشان ما يضطهدكش وتصاحب  
 مديرك عشان ميرقدكش، مصر هي البلد اللي غنتها شيرين «ما شربتش  
 من نيلها» وراحت تولد في أمريكا، وغنى لها تامر حسنى «لو كنا بنحبها»  
 وطلع هربان من الجيش، وغنى لها هيثم شاكر «ارمى حمولك عليا» وخذ  
 ثلاث سنين سجن، مصر اللي الأغاني الرسمية بتاعتها «لو سألتك انت  
 مصرى» و«بشرة خير».. لواحدة لبنانية وتانى إماراتى!

أعلم تماماً أن الفرق بين الإعلان وبين الحقيقة كالفرق بين عمرو ودياب  
 وعمرو حاسا، وان شربى للميرندا لن يسقطنى ف شلالات اليرتقال، ولا  
 إدمانى للريد بول سيجعلنى بأجنحة ولا قطعة الجالكسى ستقلنى للجنة،  
 وأدرك أن كل الكليبات هي مجرد إعلانات دعائية ليست حقيقة ولكن لا  
 أستطيع أن أسأل نفسى كل مرة أرى فيها تلك الكليبات: يا ترى مصر  
 الحلوة دى فين؟!.. نفسى اروحها!



بس احنا مش علب زبادى

انت في وفاق واضح ولا في خصام واضح، قدم على السطح وقدم أخرى تنهارى، ليس هناك ما هو صريح، لا انت ولا قرارك ولا هدفك، علاقتنا.. علاقات البشر بعضهم أعقد بكثير من أن تحكى، من أن توصف، من أن يجاوب عليها بكلمة «سييه» أو «خليك معاها»، علاقات متشابكة لدرجة استحالة الحكم باستمراريتها أو انتهائها بكلمة، فلسنا غلب زبىدى يتم بسترتها جميعاً بدرجة حرارة معينة فى نفس الوقت.. ولكن لينا فعلاً غلب زبىدى.

أصعب ما يمر به شخص مثلى أن يستيقظ صباحاً فيجد شخصاً متعشماً فيه يسأله: أنا بحب حد وحصل كذا وكذا.. أعمل إيه؟

غلب الزبىدى صريحة، لديها تاريخ إنتاج وتاريخ انتهاء، عكس علاقات البشر، تاريخ إنتاجها واضح ولكن تاريخ انتهائها غير معلوم، ليس - لا سمح الله - لأنها للأبد، ولكن لكون النهايات دائماً مفاجئة وغير متوقعة، فمن يعاشر شغف بدايات علاقات البشر لا يتوقع أبداً كيف انتهت كل تلك العلاقات بنهايات مأساوية، والغريب فى البشر أنه بعد كل تاريخ انتهاء علاقة تبدأ بنفس الوقت علاقة جديدة بشغف جديد بنفس تفاصيل السيناريو بانتظار تاريخ صلاحية صالح للأبد.. ولكنها مسألة وقت على كل حال!

أظن أن بإمكانى إيجاد حلول للقضية العربية أهون بكثير من الوقوع فى ذلك «المرئى» وإجبارية الرد على مشكلة كتلك، فطالما رأيت أن معالجة المشاكل العاطفية على التلفزيون والراديو وصفحات الجرائد، لا تقدم إلا حلولاً زائفة وغير منطقية، يحاول صاحب المشكلة أن يجتهد بقدر ما يستطيع فى وصف مشكلته ولكن كثيراً من التفاصيل والأحاسيس لا تزال محتبئة بداخل راويها، وصراع يدور بداخله لا يعرف مداه إلا هو!

«بحبه بس مش عايزاه، هكمل معاها بس مبيحهاش، مش ليا بس مش قادرة أبعد عنه، مبيحهاش بس مش قادر أسببها، لا قادرين نبقى صحاب ولا عارفين نبقى حباب»، هكذا يكون الصراع.. كل حاجة وعكسها، لا


البشر في علاقتهم ببعضهم، يمر الشخص بتجربة سيئة من أحدهم فيخون  
الباقي، يظلمهم، يحكم عليهم بتصرفات غيرهم، يراهم شورية كسابقيهم  
دون الاعتبار أنهم علب زبادة طيبة ليس لها ذنب سوى أنك تذوقت  
الشورية قبلهم !

أظن أن علينا تخفيف علاقتنا ببعض نحن البشر، وتقوية علاقتنا بالزبادة..  
فهى على الأقل تستاهل الفرصة !

دون أن تعرف حقيقتهم، أنت تعيش وسط بشر كلهم مظلومون، كلهم  
مجنى عليهم، كلهم ضحايا القدر والظروف والناس الأشرار، لا أحد أبدًا  
ينطق بالحقيقة، الكل يفشى الحقيقة من وجهة نظره، الحقيقة حيث يراها..  
الحقيقة التي لا تدنيه، يخبرك كل شخص بمأساته مختصرًا الكثير من أخطائه  
بها، ينطق برد الفعل وهو مصدوم متجنبًا تمامًا الفعل نفسه الذى ترتب على  
كل ذلك !

الزبادة مفيد جدًا للتخلص من الدهون وزيادة الوزن، أما البشر  
فمستفزون جدًا، استفزازهم لا يجعلك تعمل شيئًا سوى أن تطلع غلك  
فى الأكل، فتأكل بشراهة فى جميع حالاتك على الأقل حتى لا تأكل فى  
نفسك، الزبادة مفيد للبشرة، يلمعها ويزيل عنها الشوائب، أما البشر  
فماهرون جدًا أن يزيلوا أى نور من وجهك، يخذلونك حتى يجعلوك  
مطفئًا بلا ملامح وبلا روح، الزبادة يزيل عنك الحموضة وعسر الهضم  
عكس بعض الناس الذين ما إن فقط تسرب أخيارهم إليك ويذكر اسمهم  
يصيبك بكل أنواع التليكات المعوية الزمنة الصعبة، فالثقل الذى يمتلونه  
على قلبك وأعصابك أكثر بكثير من أكلك لطبيخ دسم ملحق بنص تورتة  
بالشكولاتة فجرًا !

الزبادة كان دائمًا الضحية، فمن نفخ فى الشورية واتلسع لسانه بحرارة  
الشورية الحارقة نفخ فى الزبادة الذى بلا حرارة وبلا ذنب، هكذا يتعامل



## عن الفرحة التي لا تأتي

يتساقط من تحتها

كل حاجة بتعملها الدنيا لفرصة، لو زحمت مكان معجكش روحه ثاني عشان تتأكد انه بيكره وما تخطهوش ناسي.

لو كتلت أكلة معجكش كلها ثاني عشان عسوك ما تيجي ناحيتها ثاني، الناس الواطية استترف معاهم كل الفرص اللي ممكن يظرو ليها كويسين ضد ما يخشوا فذلك قديلاً.

وظيفة الفرصة الثانية انها بتقتض على أي شوية صاعطف أو حنين أو شك انك رعا تكرون غلط في المرة الأولى، الفرصة الثانية بتعملك واحد قرا وقاتل أي باب موازب من ناحية أي موجهوع للأبد وتعرف تكوره كل حاجة والت حسيو ك مستريح جداً، جداً.



أم أضحك على شكلي الآن؟ أتذكر تفاصيل تلك الصورة كأنها التقطت بالأمس، كان المصور في الاستديو «بلمصني» على كرسي خشبي قصير بلا مسند، يضبط زوايا وجهي ونظري وانفعالاتي، يحاول جاهداً أن يقنعني ألا أبتسم ولكن في نفس الوقت ماكثرش.. لتخرج صورة رسمية كصور الرؤساء بالجراند، هكذا خرجت الصورة بملامحي الجامدة أبدو كقطعة بلاستيك لتليق فعلاً باستمارة طالب يقدم أوراقه للمدرسة ثانوية حكومية.

«تعب التلات سنين الجايين دول عشان ترتاح بعدين».. قالتها لي أمي بعد عدد لا بأس به من ال «ما شاء الله» في سرها، وهي تستلم الصور، وكنت قد خرجت طازة من فحة الإعدادية داخلاً بصدرى لمجزرة الثانوية، فوهبت نفسي وصحتي ووقتي للمذاكرة والملازم والدروس والمراجعات.

«تعب الاربع سنين دول عشان ترتاح بعدين».. قالتها لي أستاذتي الجامعية وهي تضع لي درجات حضور المحاضرات كاملة في مادتها، متحملاً ملل وسخافة أكثر مما أعانيه وأنا أشاهد فيلماً يشارك به إدوارد، في سبيل أن أتجح بتقدير شفيع لي عند التخرج، ولم أرشح بل غرقت بين المحاضرات والسكاشن والكتب والتدريبات والعملية.

«تعب الكام سنة دول عشان لما تكبر تستريح».. قالتها لي أبي وهو يمسك شهادة التخرج فخوراً بي، ثم ألحقها بمحاضرة طويلة عن كيف كان في شبابه يواصل الليل بالنهار بالعمل.

كان التراب يكاد يقتلني مخنوقاً وأنا الذي أعاني من حساسية أنف مفرطة، هذا الكومودينو العتيق لم أفتحه منذ سنوات طويلة، ولا أعرف لماذا داعيني الفضول الآن، وفي هذه اللحظة تحديداً، أن أكتشف ما بداخل تلك المغارة المهجورة، ولا أملك إجابة سوى أن ثمة أشياء غامضة تفعلها ليس لكونها مهمة بقدر ما هي استجابة للنداهة التي بداخلك!

فصلت درج الكومودينو وأفرغت ما فيه وافترتت الأرض كحاجٍ يقدم ما عنده، وجدت كتباً مدرسية، عملات معدنية، تذاكر سينما قديمة، ومن تحت الأنقاض كانت هناك صورة لي منذ أكثر من عشر سنوات.. أنظر للصورة كأنني أرى شخصاً غريباً بملامح غريبة ليس هو أنا أبداً.. أضع الصورة بكف يدي ولا أعرف تحديداً لماذا يسيطر علي إحساس الاندهاش ثم الضحك بهستيريا كشخص سكير.. هل أضحك على شكلي وقتها..

«مين ده؟».. أعود لأنظر لصورتي مرة أخرى.. أنظر لصورتي وأتأمل ملائحي الطيبة.. براءتي التي وثقت في كلام أمي من عشر سنوات وأكثر، وابتسامتي الآن حين أدركت كم كنت مغفلاً عندما صدقت ذلك الوعد!

أتمت السبعة وعشرين عاماً، منتقلاً من شركة لأخرى ومن وظيفة لأخرى على أمل أن أستريح في الثلاثينيات، ولكني وجدت أن من الثلاثينيات ينتظر بلهفة الأربعينيات حتى يعيش حاله، ومن في الأربعينيات يضع أمله كله على الخمسينيات..

كما في بيوت أسرنا نؤجل الفرحه حتى نستقل عنهم، وعندما استقلنا عنهم أجلنا الفرحه للزواج، أما المتزوجون أنفسهم فأجلوا الفرحه حتى ينجبوا، والذين أنجبوا انتظروا الفرحه حتى يتخلصوا من هموم أولادهم..

حتى يزورنا الموت الذي تركنا كل تلك الفترة على أمل أن نكون البسطا بما فيه الكفاية.. أما نحن فنكرهه ونرفضه حتى في عز الشيخوخة.. نتمسك بكل قوتنا في تلايب الحياة لأن لسة أملنا كان نرحح بكرة..

اكتشفت وأنا أحسب السنوات من عمر الصورة لعمرى الآن، أن كل وقت كنت أحاول أن أعديه هو اللي كان يبعدينني، وان كل يوم كنت احاول إنى أتخلص منه هو الذي كان يتخلص منى..

وأن العمر يجري الأيام لا تنتظر أحدا أن يرتاح أو يفرح، وأن كل الذين


قرروا أن يؤجلوا السعادة ظلوا يأجلونها لحد ما خدوا على كده.. فعاشوا وماتوا.. منتظرين!

اكتشفت أخيراً لماذا أكره عيد ميلادي كل تلك السنوات، ليس لأنه يوم ولدت فيه ولكنه اليوم الذي يذكرك أنك تكبر والزمن لا ينتظرك.. يذكرك عيد ميلادك أن ما تعيشه هو حياة واحدة وليست بروفة حياة أخرى تنتظرك تعوض بها أخطاء الماضي.. عيد ميلادك باختصار هو مقياس الزمن السنوي الذي يمر عليك ليحاسبك عملت إيه من السنة اللي فاتت.. اتبسطت؟ طب أد إيه؟ احكي لي التبسط في قد إيه حياتك.. أخرك كم عمرك؟

اسأل كل من انتظر الفرحه أن تزوره عن البيمة اللي أخذها، الفرحه ليست ببعاد ولا كتالوج، الفرحه تنتظرك أن تخوض تفاصيلها بنفسك وتختبرها في حياتك بالقهر والغضب في كل مرحلة من حياتك مهما كانت صعبة، الفرحه مدسوسة في التفاصيل رغم كل التعب والمعاناة، عليك أن تسأل من هو في سنك على الجانب الآخر من النهر، كم بلداً زار وكم فيلماً يشاهده في السينما وكم مسرحية يحضرها في الأسبوع، رغم أنه مر بكل مراحل تعليمك؟!!

عليك فقط أن تدرك في تلك اللحظة التي تقرأ فيها تلك الكلمات - التي من حقل وضعها بأقرب سلة قمامة - أن الحياة ليست سباقاً، الحياة ليست





## قواعد الطرز السبعة

رهاناً بين من يعيشونها من هيجم فلوس أكثر.. أو من هيجب درجات أكثر، من وضع قوانينها بشر - والله - ملكنا.. ربما كانوا عاقرة وربما كانوا في منتهى الحمافة، عليك أنت أن تضع رهاناً وتحديداً جديداً شعاره «مين هينسط أكثر؟».. في النهاية هي حياتك أنت.. كل من ألزم بقوانينها لن يسلفك يوماً من عمره، حياتك ملكك وأنت فقط من تحتاج كل فترة لتفيط الكوتشينه من جديد لتكتشف وحدك أنه لا يجب عليك أن تعيش نصف عمرك تضع فيه صحتك من أجل أن تجمع فلوس، وتعيش النصف الآخر تضع تلك الفلوس من أجل استرداد صحتك، وأن تعيش نصف عمرك بتنفخ من أجل أن تصبح سعيداً وتعيش النصف الآخر تسأل: هو أنا مكتئب ليه؟، وأن تعيش نص عمرك بتعب عشان تتراح وتكتشف بالنهاية إنك لازم تتراح عشان ماتتبعش!

عزيزي، باختصار.. إنت محتاج مسخرة أكثر من كده في حياتك!

## ٢ - المواقف بتنسى والكلام لأ.

القوى مش عكسه الضعيف، عكسه المذب، اللي ميفكرش في الكلام قبل ما يقوله، لو حد جاب سكينه تلمة وفضل يقطع في جنتك وانت ساعتها برطمت بأى كلام اهيل، الناس هيسيوه هو ويمسكوا فيك وفي اليرطمة ويركبوك انت الغلط، حاول دائماً تنتصر.. ارمى اجوان الغلط دائماً في ملعبه مش ملعبك، ف متعلش صوتك مهما كان الثاني مستفز، مترميش زفت من بقك.. الفكر ان بكرة الموقف يعدى ويفضل الكلام.. ويفضل كل طرف صعبان عليه الكلام اللي اتقال في حق الثاني.. الموقف هيعدى وتتصالحوا بس هتفضلوا فاكرين لبعض الكلام، كمان مالوش لازمة تربط كل الحناقات اللي قبل كده واتقفلت بالموقف ده، وياريت متفكروش بكل الحاجات الحلوة اللي عملتها له من ساعة ما عرفته إلا لو الموقف يستحق ده أو هو أكر.. ماتدلوش انك كنت كويس معاه وانك أحسن منه.. كفاية ان انت عارف.

## ٣ - ماتبررش للى باعوك.

بعد التفراق يتيجي للإنسان لحظة يوجه فيها طاقة عتاه لنفسه بدل ما يوجهها للشخص اللي فارقه، إحساس سخيف يجلد الذات ان هو كمان

طر، كلمة عبقرية أنعم الله بها علينا لنختزل تعبيرنا عن مشاعر كثيرة بحرفين فقط، وعلى بساطتها فهي تحتاج لشخص شجاع يستطيع أن يطبقها فعلاً.. أن يتفدها بداخله قبل أن ينطقها، فإذا كنت من مدمني الطز، المؤمنين بها إيماناً كاملاً كمبدأ متلازم للخسارة، فعليك الالتزام بقواعد الطز السبعة:

## ١ - مفيش حاجة بتتكسر وتتصلح.

إحنا مش كراسي، حتى الكراسي لما بتتكسر وتمسمر نسبة كسرهما تالي بتبقى أعلى بكثير من قبل كده، بين الخصام والرجوع فيه جرح بيتفتح، مهما رجعت العلاقة بعد كده ما بيلمش، الجرح ده مالوش علاقة بالزعل وسببه ومين غلطان ومين له الحق، هو له علاقة ب «ازاي انا هنت عليك تعمل فيا كده؟»، وده أصعب من الزعل نفسه.

غلطان مش الطرف الثاني بس، ويتبدى شوية بشوية يشيل الغلط الكامل من على الشخص ده ويوجهه لنفسه، وحتى لو افكر الشخص ده هو اللي باعه وأهانه وأصر على خسارته، يحس ان هو اللي قصر وأنه السبب اللي خلى الثاني يعمل كده، وتتحول الصورة من ابيض واسود، فيها كل الأمور واضحة وبينة زى الشمس، لصورة رمادية مش واضح مين فيها الظالم والمظلوم، حد ما يحن للبنى آدم ده ويفتكر أيامه الحلوة.. اللي عمرها ما كانت حلوة!

٤- ماصعبتش عليهم.. مايصعبوش عليك.

المصاحب لفكرة الفراق دائماً، فكرة ازاى الشخص ده هيقدر يعيش حياته من غيري؟ لا متخافش هو هيقدر.. اقدر انت بس مالكنش دعوة!

اشغل بالك بنفسك شوية ولو مرة، مشكلتنا اتنا حتى واحنا متبيلين على عينا يرضه مش قادرين نبطل انشغال بالناس الثانية، هم هيقدروا يعيشوا حياتهم بنفس متعتهم ونزوتهم وشغفهم بالدنيا، لو كانوا حسوا ثانية ان حياتهم هتتأثر بعدم وجودك مكانوش خسروك أصلاً، حد القرار وفارق.. أو استسلم لقرار فراقهم، والذى وجودهم خالص من دفتر حضور حياتك من غير تأنيب ضمير أو زعل أو تفكير، وكل ما تحس انك باقى عليهم.. افكر انهم مابقوش عليك!

٥ - مفيش حاجة اسمها اعمل الخير وارميه البحر.

انت بتعمل خير فى بنى آدم خم ودم مش فى بحر، ومزاجك أو غضب عنك هتفضل مستتى منه برد الخير ده مهما قعدت تردد جواك النغمة الخائبة بتاعة «أنا بعمل الخير من غير ما استنى مقابل»، انت مش مجبر تتعامل مع الناس الأنانية اللي قادرة ترد لك الخير بس هي اتعودت تاخذ ومتديش.. أو بمعنى أصح تاخذ وتستحسر تدي.. طول ما فيه مغفل زيك مفهمهم انه قاعد على بنك مشاعر وبنك وقت، هيفضلوا يفضفضولك، وبشكرك، ويقرفوك، ويحجزوا الاتساق والفرحة لناس ثانية!

إنت بنى آدم زيههم مش عسكري شطرنج، يتقع وعحتاج تقوم، وهتحتاج حد يشد إيدك زى ما بتشد ف إيد الناس، والناس مطلبتش منك تقف جنبهم أو تديهم فمتر جعش تلومهم ولا تتعشم انهم يردوا حاجة، متفرطش فى العطاء عشان متفرطش فى الندم بعد كده!


٦- الناس الجديدة.. ذكريات جديدة.

ما تحاولش أبدأ، نيفر، تماماً، إنك تملأ مكان ناس قديمة راحوا بناس جديدة لمجرد انك متحسش بخسارة الفقدان، أغنيا كثير جربوا قبلك الحركة دى واكتشفوا انها فكرتهم بالناس القدماء أكثر وان كل ذكرى حاولوا

ينسوا بيها الناس القدام بالناس الجداد عششت فى قلوبهم اكثر، خلى  
الذكريات تاخذ دورتها، خليها تستفرك، ماتحاولش تهرب منها عشان  
هتلف وترجعلك وبشكل أغشى، استسلملها تماماً، خليها تاخذ اللي عايزاه  
منك، وبالباقي اعمل ذكريات جديدة مع الناس الجديدة دى اللي تجبلهم  
أماكن جديدة أحسن من اللي فاتت.

٧- اهدى على نفسك.

خسارة الناس مش سهلة، خسارة قطة أو مع اتكسر عندك مش سهلة فما  
بالك بنى آدم، عيش وملح وذكريات وحاجات كثير كده، فطبعي يبقى  
مودك زفت، وف الحالة دى شوف الحاجات اللي تغير مودك مش تزوده،  
يعنى شوف أى حاجة مفيدة تقدر تعملها ان شاء الله حتى تراقب النمل  
وهو بيحجرى بفتاليت البسكويت.. هيبقى أحسن ميت مرة على فكرة من  
انك تقعد تتقى أغاني كتيبة تليق على مودك الكتيب.. يا كتيب!



الغرق فى نص الكوباية

كان مكانك هو الذى اختارك، أن تجلس فى الديسك منتصف الفصل، وراءك الفشة وأمامك المتفوقون، أنت تكره المذاكرة ولكنك لست بليدأ، تحاوطك كائنات مثالية مرتبة الأغراض تحرص على تجليد الكراريس وإحضار الكتب وتحضير الدروس ويحبهم المدرسون، وكائنات متسمة بسوء الخلق والبلادة والفشل ويعتقهم المدرسون، وأنت ما بينهم، وهكذا استمرت حياتك.

لا تعلم حتى الآن.. أنت من اختار أصدقاءك أم هم الذين اختاروك؟ ولكنك تعلم أنهم ليسوا مثاليين وليسوا صيغ.. هم يشبهونك فى صياغة هادئة، يتك يشبهك فهو متوسط، لا هو فيليل عادة عبد الرازق ولا مساكن صفيح محمد رمضان، حتى أسرتك مختار فى وصفها.. مفتوحة بتزمت أم متزمتة بتفتح؟!

تقف مع نفسك تفكر كثيراً هل أنا سئ أم جيد، فأنت لا تشرب المخدرات

ولا تدمن السواك، لست من زوار الكياريهات ولا أنت من مرتادى المساجد، صلاتك مقطعة، تؤمن بها إيمان المتدين وتنفض لها تنفيض العاصي، علاقتك بالله متوترة، مقصر جداً فى حقه ولكنك مطمئن أنه لن يخذلك، لا تدعوه ولكنك تثق ثقة غريبة أنه سيسعجيب لما تريد، مقصر فى حقه ولكنك متأكد أنه يعطيك أكثر من حقتك، لست شريراً كما يجب ولا أنت طيب كما تبدو.. أعمالك الصالحة تشفع لك ذنوبك وأعمالك السيئة تفسد حسناتك فتعود لتسأل نفسك دوماً: هروح الجنة ولا النار؟!

أنت شعوف جداً لوصولك للأشياء، وملول جداً أول ما تحتلها، نصف وقتك قضيته لتودد للناس، ونصف وقتك الآخر تقضيه وأنت تحاول أن تساهم، لا تسأل عن أحد.. وبنفس الوقت حزين وبائس لأن أحدا لا يسأل عنك..

تقف أمام مرآتك تتأمل ملامحك. على أمل أن تتصالح معها.. تحاول أن تركز على الخلو فيك..، لا أنت وسيم ولا أنت قبيح. أنت جيد، تفكر للحظات بمن هم أوسم ولكن سريعاً ما تحمد الله أنك لست من أصحاب العيوب الخلقية فيأتى لك إحساس غامر بالرضا..


أنت لست حزيناً ولكن بنفس الوقت ليس هناك ما يفرحك، لا تكره الناس ولكنك لا تحبهم، أغلب الناس لا تذكر لهم شيئاً سيئاً وفى نفس الوقت لا تذكر معروفاً أبدوه لك..، تسأل نفسك دوماً: لماذا أهتم بمن

يتجاهلني وأتجاهل من يهتم بي؟.. ولا تجد إجابة لدرجة أنك تتجاهل اهتمامك بالفكرة أصلاً..

أنت تائه دائماً، لم تحيطك الحياة ولكنها لم تمنحك الأمل، نصف وقتك تحاول أن تستمع والنصف الآخر يتعذب ضميرك فيه بذلك الاستماع، تفكر بالموت بقدر ما تفكر في الحياة، ربما لأن نصفك حي والنصف الآخر قد مات!

أحلامك بسيطة ولكنها في نفس الوقت معقدة، تراها من بعيد صافية ومن قرب مظلمة، هي باختصار قريبة جداً بعيدة، سهلة جداً مستحيلة.. تقترب خطوة من تحقيق حلمك فتعود خطوتين.. تجد أنت فتقرب هي خطوتين ولا تتلاقيان أبداً..

أنت لست جباناً ولكنك لا تتسم بالشجاعة، فكرت أن تحب وتراجعت أو فشلت أو وينست، الظروف من حولك لم تكسرك ولكنها لم تنصر لك، هي فقط وضعتك في صراع لا تملك فيه أي حقيقة مطلقة، تعيش بين الشك واليقين، ولكن القلق في حياتك أكثر من الراحة، ربما لأن الراحة تأتي لشخص.. وأنت شخصان!



احنا اتاخذنا على سقعة

التي أوقدها الرجل البدائي، وتبدلت مكانها كل التفاصيل الأخرى التي تورطه في بحور التفكير والصمت والتأمل لتحصاره. فلا يعرف من أين تأتي له الرصاصة ومن أي اتجاه، الليل الطويل، الشوارع بإضاءتها الخافتة البعيدة.. فلا هي مظلمة ولا هي واضحة، السيارات المبتلة بحيات المطر، الطرق الطينية التي أثقلت خطواتنا، رشقاتنا البطينية من الشاي بلبن، أطرافنا المتجمدة، هدوء ما بعد النامنة، أوقات انتظارك للسخان ليسخن المياه استعداداً للاستحمام الثقيل ولحظات تمد يدك فيها للمياه تعانين بها درجة حرارتها، جوعك الزائد، أغاني فيروز الهادئة، ملابسك متعددة الألوان التي تضفي عليك أناقة تفقدتها، البطاطين التي تنجح في تدفئتك من البرد وتفشل فشلاً ذريعاً في وقف سيل الذكريات المتدفق مع كل زغبات الحنين لأجواء عشتها بالماضي انتهت زمنياً ولم تنته بقلبك.

التفكير وحده لا يسبب الاكتئاب، ولا الوحدة، ولا العزلة، ولا البرد، وإنما كل الظروف التي تحاوطهم، وكل تلك الأجواء تجعلك أمام نفسك إنساناً هشاً، ضعيفاً، لأنها تجبرك أن تضعك في لحظات الصمت، وأنت مجبر في لحظات الصمت أن تعيد تفكيرك وتواجه نفسك بكل ما حاولت الانشغال عنه في الصيف الصاخب وزحمته وأغانيه وسهراته وصحبته والذي هو أضعف من أن تفكر فيه بأي منطق.. الشتاء يأتي ليجبرك على اتخاذ كل

عند توزيع الفصول حدثت الخناقة الكبرى بين الصيف والشتاء، رفض الصيف أن يكون مستولاً عن أرق الإنسان واكتابه.. مشفقاً عليه.. مصرّاً أن يكون فصل القرفة والريح، بينما وجد الشتاء الحزين أصلاً بطبعه.. المنكسر في نفسه.. متورطاً أمام الأمر الواقع، متورطاً أن يكون فصلاً قاسياً نفسياً وجسدياً على بني آدم، وتقول الأسطورة إن أول شخص على الكوكب مر عليه أول شتاء على الكوكب كان شخصاً تعساً سيئ الحظ، جلس يندب حظه وهو يرتعش من تلك الرياح الباردة التي هاجمته على خوانة فاتحته بنار أشعلها وجلس بجانبها يفكر ويفكر ومن وقتها ارتبط الشتاء بالاكتئاب.

يظل الإنسان حتى آخر لحظة لتقدم الشتاء يقاوم إحساسه بالانهيار، بالرغبة في التوقُّع، بالسفر عن صحب الحياة، اخفت النار المشتعلة

القرارات الحاسمة والمؤجلة والصعبة، هل سألت نفسك يوماً: لماذا يرتبط الناس صيفاً ويفصلون شتاءً؟

قرار الارتباط أسهل كثيراً من قرار الانفصال، سهل أن تحب شخصاً في يوم ولكنك ستعاني من أن تنساه طوال عمرك بعد ذلك، الانفصال كلمة أصعب مليون مرة من الارتباط، ولذلك كثير من المرتبطين أجبن من أن يتخذوا قرار انفصالهم رغم استحالة العلاقة بينهم، رغم الخلافات والمشاكل والعكسنة وحرقة الدم إلا أن الشجاعة دائماً ما تخذلهم أمام أنفسهم، يسيطر عليهم ذلك السؤال السخيف المخيف: «هعيش حياتي ازاى بعد كده؟» يسيطر عليه وسواس الوحدة فيصيبه الشلل لاتخاذ القرار.. الشتاء وحده يزيح عنك الغمامة ويكشفك أمام نفسك.. بأنك لست مرتبطاً بالشخص ذاته يا عزيزي أنت مرتبط بالعلاقة نفسها.. تعلقك بمشاعر العلاقة أقوى بكثير من تعلقك بالشخص الذى فى العلاقة.. ويسألك الشتاء: يا ترى هل هم يحتاجونك أنت كشخص أم يحتاجون فقط وجودك فى حياتهم؟ ومنحك الشتاء فرصة عمرك أن تحسم أمرك وألا تستمر فى تضييع حياتك أكثر من ذلك.


الشتاء خلقه الله لسألك: هل أنت تحتاج لترتيب أوراقك مرة أخرى؟، هل ستعيد ترتيب الأشخاص وأولويات وجودهم فى حياتك من جديد؟،

هل لديك شجاعة كافية أن تحذف كل من يمثل عبئاً عليك حتى لو كان أقرب الأشخاص لك؟، هل تستطيع الآن أن تقطع صلته بمن لم يكفوا عن إبدائك تحت اسم الحب والصدقة والعشرة؟، هل ستفضل العيش والملح على سعادتك؟ بذمتك هل أنت مقتنع أن عدد السنوات لصدقتك بشخص مرر أن تتحمل منه كل هذا الأذى المغلف بالحب؟!، هل ستفكر حقاً فيما يستحق أن يكون فى حياتك بقدر ما أنت فى حياته!؟

يمنحك الشتاء فرصة التفكير وعلبك أنت القرار.. أما آن الأوان أن تفارق كل الفرقانين فى حب أنفسهم؟، ما السبب الذى يجعلك تتمسك بكل هؤلاء المستنزفين لسعادتك؟ هل تخاف من الوحدة كل هذه الخوف؟، يا صديقى أنت أصلاً وحيد.. اسمح لى أن أكون وقحاً.. وأواجهك.. أن تكون وحيداً حرفياً أقل ألماً من أن تكون وحيداً وسط أصدقاء مزيفين وأسرلة لا يعلم أحدهم شيئاً عن الآخر!

يأتى الشتاء لسألك: هل أنت سعيد بما تعمله، سعيد بما تدرس؟ هل هى كليتك التى تمنيتها؟ هل تعمل ما تحب؟ هل تلك حياتك التى طالما تمنيتها؟ هل هناك سر تريد أن تخبره لأحد؟ هل تريد مصارحة أحد بسر يوجعك كتمانها؟





## الوحدة حلوة

مشكلة الشتاء أنه يضعك أمام حياتك وجهاً لوجه، يواجهك بكل قراراتك التي يشيت لك أنك لم تحسمها بل أجلتها لتطاردك ما تبقى من عمرك.. الشتاء موسم عظيم للتصفيات.. للتخلص من كل كراكيب الصيف المزعجة.. الشتاء يضع لك يده على الجرح.. على المشكلة.. ولكن كيف يستطيع الكون كله أن يحل مشاكلك إذا كنت أنت أصلاً جزءاً من المشكلة؟!

تمرض فتجر قدمك أخيراً ببطء لأقرب عيادة، تفحص وجوه من حولك في غرفة الانتظار الكئيبة ولا تجد غيرك وحيداً، الكل يتكأ على من يحب، وأنت تنتظر دورك بملل وألم يزداد، ما أن ينتهي أحدهم من الكشف حتى يلاحقه من معه عبارات مثل «سلامتك ألف سلامة» ان شاء الله أزمة وتعدني «الحمد لله انها جت على أد كده».. عبارات تنزل عليهم كقطرات البلسم عليك كقذائف تقصف أعماقك.

ينتهي الدكتور من الكشف عليك فتأخذ روشتك بصمت وأنت تعلم أن ما تشعر به هو أكبر بكثير من حجم الألم المكتشف، لتخرج وتجد نفسك لا إرادياً تضع في يد التمرجي بعض العملات المعدنية لينظر لك بتأثر شديد الزيف ويهتف بك في حميمية مبتذلة «ألف سلامة»، هي صحيح مدفوعة الاجر، لكنها على الأقل تشعرك أن سلامتك تهم أحدهم ولكنك تقبلها.. فالوحدة حلوة.

يمر عليك عيد ميلادك ولا تنتظر عمل حفلة مفاجأة لك أو حتى هدية غير متوقعة أو تسمع أصواتاً تفتقدها منذ فترة، فقط كل ما تمنناه أن يتذكره عدد كاف من البشر ليشعروك أنك قد آتيت على بالهم ولو ليوم لملؤون لك الورل على الفيس بوك حتى تبدو منشغلاً في الرد عليهم واحداً تلو الآخر وأنت تشعر بطعم الوحدة.. فالوحدة حلوة.

في الأعياد ورسم النسيم والفلاتين ورأس السنة.. الاكتئاب سيكون

ربما تبسم ابتسامة بلهواء وأنت ترى زحام الشوارع من نافذة آخر كرسي بالأتوبيس طول الطريق.. تتأمل كل هؤلاء الناس وتذكر أنك لوحدك، لكنك بالتأكيد ستضحك لو كنت تطير بهليكوبتر كبيرة تلف بها العالم وتتأمل ٧ بلايين شخص يعيشون معك على الأرض وأنت برضه لوحدك.

ولكن الوحدة حلوة.. هكذا أقول لنفسي وأنا انظر لموبايلي نظرتي الأخيرة قبل النوم ولا أجد رقماً مميّزاً أفضي معه لحظاتي الأخيرة من اليوم أحكي له مختصر ما فعلته خلاله قبل أن أقول له تصبح على خير.

كل ما عليك أن تضع الموبايل بجوارك دون الاحتياج لتحويله للوضع الصامت لأن أحداً لن يتصل بك، ستنام كثيراً أو قليلاً أو ربما يتتابك الأرق فتنام نوماً متقطعاً، أيا ما كان فلن يشعر بذلك أحد لأنهم لا يشعرون بوجودك أصلاً لكي يشعرون بغياك، فلن تجد من يوبخك أنك نمت أكثر من اللازم أو يقلق عليك لأنك نمت أقل مما ينبغي.. استيقظ وقت ما تستيقظ فلن تجد أحدهم يمتني لك صباحاً سعيداً أو مميّزاً.. فعلى كل حال الوحدة حلوة.

صديقك المخلص والنكد هو دائماً من يحضر لك «السربرايز بارتى»..  
تطل وتحتها تراقب أخبار من يتجهجون ولكنك فخور بحدثك.. فالوحدة  
حلوة.

تخرج وحيداً لشراء ملابس جديدة كل فترة.. حيث إنها الوحيدة التي  
تدخل عليك شيئاً من البهجة، تدخل المحلات مشتتاً مرتبكاً، تشعر  
بفقدان الثقة وأن كل العيون تراقبك، تختار القطعة التي تعجبك على  
مضض وتقف أمام نفسك في الروفة وتدقق النظر كأنك تستشير شخصاً  
آخر وتقرر شراءها أخيراً خاصة بعدما يقتحم عليك البائع وحدتك بحمته  
الشهيرة المصطنعة «الحتة دي تحفه عليك.. كثير قاسوها ومكتش حلوة  
كدة» ورغم أنه قالها لكل شخص وقف مكانك تحاول أن تصدقه، لكنك  
لن تصدق نفسك حين تشعر بالندم لشراءها ربما في أول خطوة تخطوها  
خارج المحل ولكن ما يهون عليك أن الوحدة حلوة.

تحاول اصطناع البهجة فتحجز تذكرة للسينما ليشاور لك عامل التذاكر  
على مكانين متلاصقين مع غمزة شقية بنصف عينه اليمنى فخبره أنك  
بمفردك فيقذف كرسيك أقصى اليمين أو اليسار في صمت، فتقدم  
تذكرتك لعامل الدخول فينظر ورائك بفضول ليعرف من أتى معك فيجدهك  
وحيداً فيشير لك على مقعدك مبتسماً ابتسامه يواسيك فيها.

أما في استراحة الفيلم فتستطيع أن تسمع من حولك جيداً وهم يرددون

الإفبهات التي انتهت لئوها بينما أنت تخرج موبالمك لتتظاهر بالضحك  
الشديد له مع أنك تعلم أنه لا جديد سوى أن ساعته تحركت قليلاً، ولكنها  
فرصة لتعرف كم قضيت من الوقت وحيداً.. فالوحدة حلوة.

تدخل مطعماً فيسالك «الويتز» بلطف يحجز لك كم كرسي فتشاور له  
بإصبع واحد، تجلس ساكناً تأمل أصناف المنيو وتشعر أن كل الأصناف  
واحدة فتختار أياً منها عشوائياً.. وفي فترة انتظار الأكل تحاول بكل الطرق  
ألا تخرج عينك من محيط طاولتك حتى لا يظن أحدهم أنك تنظر لحبيته  
أو بنته أو من معه أو يشعر حتى أنك تغزل بها في سرك، أما طوال فترة  
الأكل فعليك التظاهر دائماً بانشغالك بتذوق الطعام وكأنك تستكشف  
طعمه في كل معلقه مملوءة به، مانعاً نفسك من التركيز في محادثات جيرانك  
وهزارهم لدرجة أنك تقع نفسك أن ضحكهم بصوت عالٍ لم تسمعه  
أساساً.. أنت مشغول بالندماجك مع وحدتك.. فالوحدة حلوة.

تقبل لسماع الأغاني الرومانسية والحزينة لمطربين تشعر أنهم وجدوا  
خصيصاً لك ولأمثالك، تندمج مع الأغنية بمشاعر مفرطة وتشعر أنك تحب  
أحدهم وتخاصمه وتعاتبه ويخدعك فتتركه ويودعك فتترجاه بالبقاء..  
وتلاحظ أن الناس تسمع الأغاني بتبسط وانت تسمعها بتعور.. وهذا هو  
الفرق ولذلك الوحدة حلوة.

تسمع حكايات أصدقاتك الذين ارتبطوا واتخطوا وتجاوزوا وخلفوا

وانت قلبك ترب من قلة الاستخدام.. ولكن لماذا تستخدمه و الوحدة حلوة.

أنت اصبحت إنساناً منقل بالمشاعر تتعلق بالناس سريعاً من علاقات عابرة أو من شات أو حتى من مجرد صورهم.. تقع في قصص قصيرة سريعة قبل أن تكتشف أنها هلوسة مشاعر بائسة تتغذى عليها الوحدة.. والوحدة حلوة.

ينقبض قلبك كلما سمعت صوت نغمة الرسائل وتساءل نفسك في لحظة ما بين سماعك لنغمتها وفتحها من الذي قرر أن يسأل عنك قبل أن تكتشف أنها رسائل عن الكول تون والعروض الجديدة والأخبار أو قد تكون تعيس الحظ وفزت بمئات الدقائق المجانية التي لن تجد رقماً تستفد فيه إلا وحدتك.. والوحدة حلوة.

تصل بك عشوائياً إحدى مندوبات شركات الدعاية تعرض عليك عروضاً ليست مميزة ولكنك تنصت لها جيداً لآخر لحظة.. تناقشها تجادلها تتفاوض معها وأنت بداخلك تعلم أنك غير مهتم ولكنك تفعل ذلك كمكافأة لها أو ربما تكافئ نفسك أن أحداً لطيفاً معك حتى لو كانت وظيفته أن يقتحم وحدة الناس بلطف لأن الوحدة حلوة.

بدون مقدمات تأتي عليك لحظة غريبة، ينقبض قلبك وكأنه تلقى ضربة ما،

تتحسس أعصابك المتبرزة ومشاعرك الحساسة المفرطة من أبسط الأشياء تسيطر عليك.. أي شيء يزعجك • ولو كان تافهاً أو غير مقصوداً، تدور فجأة عجلة الذكريات الحزينة في شخصياتك بسرعة عجيبة.. تلتقط ذاكرتك كل ما هو قد أذأك أو جرحك أو عصبتك عنك دون أي ذكريات أخرى، فتشعر فجأة أنك ضعيف، مكسور، تود في لحظة أن تخبر كل الناس أنك تحبهم وأن تعتذر لكل الناس عن أشياء فعلتها ولم تفعلها ولكن ينحشر صوتك بزورك فتشعر للحظة أنك مقرر في حق الله فتقوم وتصلي ثم تنهار في البكاء وتسال نفسك لماذا يزورك الحزن فجأة ولا يزورك الفرح فجأة؟.. والإجابة لأنك رحيم.. والوحدة حلوة.

تشعر بالغيرة وسط أصدقائك وتحصنها فعلياً وسط أهلك وتفقد مشاعر وأحاسيس مختلفة لا تأتي من هؤلاء ولا هؤلاء.. تنتظرها من شخص تأخر كثيراً ظهوره ولكنك مجبراً على الانتظار لأن الوحدة حلوة.

تبحث طوال الوقت في الوجوه عمن شخصاً يحبك لأنك في أوقات كثيرة تكرهك، و تتحول تدريجياً مستوى أحلامك من التمني بعدم العيش وحدهك للتمني بالأموت وحدهك.. لأن الوحدة حلوة.. الوحدة حلوة لا يعكر صفوها سوى كل شيء!


## سور النسيان



التي يهوت، ياخذ معاذ كل أمل انه يظهر ثاني، انه ياخذ قرار، انه يعيد التفكير ف موقف أحده، انه يراجع

نفسه ف كلمة قائبا، هو يهوت ويستقل كل أبواب القمص تلقائيا، والمريح انها نهاية دائمة مش هتظفر... بس الأصعب من ذلك نقل حذ ميت وحضتي، ان يكون عندك حد عايش ومش عارف تقوله، إبتو اتقارقر صحیح بس هو لسه عايش.. احتمال تقابلوا صدمة، احتمال تكمل ف أخباره، واحتمال يظهر ف حياتك لجهة بركلك كل حساباتك اللي افكرت انك قتلتها ودفتها وتطلع لسه صالحة..

كفاهه انك عارف انه لسه عايش وقادر يعيش من غيرك، وقادر يعيش مع غيرك، وقادر كل التفاصيل مع ناس تانية وهو مسووط ومواقع ومكمل!



على بعد أمتار من ذلك السور الضخم بدأ الناس يتجمعون، هو أول سور من نوعه في الكون صنع خصيصاً لغرض واحد وهو النسيان، هذا السور كفيلاً إذا رزعت دماغك فيه رزعة محترمة أن ينسبك كل التفاصيل المزعجة في حياتك بشرط أن تحكيها أولاً، بخطوات مشتتة قدمت تلك الفتاة، بدت على ملامحها علامات الجمال ولكن هناك شيئاً ما غامضاً في مظهرها.. شعرها المتعكش وملابسها الرثة غير المهنيمة ويداها المرتعشان من آثار التوتر الذي يكاد يفترس أعصابها، ظلت صامتة لدقائق حتى همست وكأنها تكلم نفسها: أنا.. أنا حاسة ان خلاياي عنى ابتدت تطلق من كتر التفكير، ثم سافرت الفتاة بعينها لنقطة غير موجودة وقالت بصوت ارتفع قليلاً: عايزة انساه بس مش قادرة.. حبيته؟ آه حبيته.. وهو كمان حبيتي.. لا حبيتي أوى كمان، فضلنا مع بعض ثلاث سنين، كنا كل حاجة في حياة بعض، ٣ سنين بأيامهم بلياليهم بأفراحهم وأحزانهم بجاتهم بزعلهم وبخروجاتهم بسهرنا كل يوم على التلفون حد ما تمام واحط يقطع

لوحده.. أول مرة اعرف معنى إيه روحين يدوبوا ويقفوا روح واحدة.. لما كان يتعب يتعب.. لما كان يقلق في نص الليل كنت بقلق.. قلوبنا كانت بتدق بسرعة بفرحة من غير سبب وكانت برضه بتقبض مع بعض من غير سبب.. ده أنا لما كنت بوحشه كان بيوحشني لدرجة اننا كنا كتير بنكلم بعض في نفس اللحظة والله، العالم ده كان بتاعنا احنا بس.. مش العالم القدر بتاعكو ده.. لا، احنا كان لينا عالم تاني خالص عايشين فيه.. عالم اتخلقت فيه كل حاجة عشانا واتواعدنا ان احنا مانسيبوش أبدا.. هيأنا كل حياتنا ان احنا نكملها سوا.. رتبنا كل حاجة مع بعض.. حددنا نوع الغسالة وعدد المعالق والكوابيات اللي هيبقى على أدنا واتفقنا اننا مش هنجيب نيش.. حتى الأتريه الموف احنا اللي هنصنعه مش هنشتره وهنجيب الستائر سماوي عشان لما نور ربنا يضرب فيها نحس ان احنا ف السما مش ف الأرض.. لون دهان شقتنا أبيض وقميص النوم اللي هلبسهوله يوم الدخلة لونه.. لا متفقاش عليه.. كنت عملاهو له مفاجأة، بس اختارنا نوع البدلة والكراقة البيك اللي حتلبس عليها وستان الفرح ابيض في فضي ومنفوش كده من تحت ومزركش من الوسط وكت من فوق.. لا ربع كم عشان هو بيغير، وكبنا أسامي الناس اللي هنعزمهم.. هنخلي الناس تيجي من غير أطفال عشان ماتكلفش نفسنا قاعة كبيرة.. وهنجيب حمادة هلال في الفرح عشان أول مرة اتقابلنا فيها كانت شغالة أغنية ليه في الكافيه اللي كنا فيه وكمان حمادة ابن بلد ولما نقوله مش

معانا فلوس كثير هايجاملانا.. أما شهر العسل فهيقى فى الفردقة.. سألتنا على فندق هناك رخيص وكويس.. معلش لما ربنا يكرمنا بعد كده نبقى نسافر لأى دولة برا احنا عايزينها، و.. وسمينا عيالنا قبل ما ييجوا.. تقى لوبنت وعبد الرحمن لو ولد.. كنا بتقعد نتخيل شكلهم.. هياخدوا منى عينيا العسلى ويباضى وهياخدوا منه شعره الاسود الناعم وضحكته اللى بتبرز التفزتين اللى عنده دول.. هنجيب عيال زى القمر، كلمت ماما عنه وحبته أوى.. هى.. هى حبه من مجرد حكاياتي ليها عنه.. صح أو بمعنى هى حبه عشان بحبه، وعرفته على اصحابي.. وخرجنا مرة.. كنت مأتكجاه وانا حاسه انى ملكة العالم ونفسى كل واحدة فيهم تبقى مسوطة زى.. وكأني كنت بقولهم: أنا محظوظة أكثر منكم بس شوفتو ان الأحلام ساعات بتتحقق ولما قاتلكو فى يوم انى هلاقى البطل بتاعى مكنتش بخرف.. ولما رَوَحنا بيوتنا يومها قعد يغيظ فيا ويقوئى صاحبك القصيرة دى كانت احلى منك.. كنت بعمل نفسى ولا هالمنى بس بينى وبين نفسى ببقى هموت من الغيظ.. بس اللى كان مريحنى كفاية انى عارفة من جوابا انه يبغىنى أنا وس.. كنت بنام ويحلّم واشوف كل أيامنا الجاية من أول بكرة لحد ما نعجز وكل واحد فينا يتعكر على الثاني.. إحساس مختلف خالص لما تحس ان ليك شهر فى الدنيا.. حاجة تبقى عارف انك لما تقع حتقع عليها مش على الأرض وتدشده مية حتة، ثم ابتمست الفتاة قليلا وقالت وعيناها زانفتان مملتان بالدموع: والمفاجأة بقى يطلع ايه..

يطلع الباشا خاطب وفرحه بعد شهرين، ثم انتابتها نوبة ضحك هستيرية بصوت عال حتى جلست على الأرض ثم سكنت فجأة والدموع تتسحب من عينها فى صمت ثم قالت: فى الاول مصدقتش، قلت أكيد ده هزار، مقلب سخيف أو كابوس مريع عايشة فيه وهفوق.. بس للأسف مقلتش، وشكلى مش حقوق.. شكلى.. شكلى هموت وانا بتحسر على نفسى، ثم وقعت الفتاة على ركبتيها وهى منهارة فى البكاء.. ثم حاولت أن تستجمع قواها فأكملت كلامها الذى خرج بلا روح: كلمته.. واجهته.. بسألته عشان يقوئى أبدا محمّلش.. ازاي أصلاً تفكرى كده.. لقيته بكل بحاجة يقوئى: آه..؟! ومدام هو آه عايز منى أنا إيه.. عملت فيك إيه وحش عشان تكسرنى.. مردش.. أو تقريبا رد.. وانا مش سامعة منه حاجة.. كان صوته زى الذبذبات فى ودانى مش مفهوم.. ميقاش يفرق هيقول إيه ويرر بإيه.. معرفش عمل كده بس ليه كل اللى اعرفه انى ماستهّلش اللى حصل فيا وحتى.. وحتى لو استاهل أنا مستحمّلش.. والله ما استحمل.. أنا ضعيفة.. أنا أضعف من انى اكسرت.. وعارفة انى لو اتكسرت مش هقوم ثاني.. عشان كده.. أنا مش عايزة اركرت.. مش عايزة افكر فى اللى حصل عشان ما صدقوش.. أنا عارفة نفسى.. أنا مش هقدر استحمل.. انا.. أنا عايزة أنسى.. عايزة أنسى ثلاث سنين من عمرى بكل لحظة فيهم.. كإني ماعشتمش.. كإني كنت ميتة فيهم.. أو غايبة عن الوعي.. عايزة انسى بأى طريقة.. أنا خدت مهدئات تهد جبل ومش عارفة انسى.. أنا عايزة

القوم من النوم مدورس على رقم تليفونه.. عايزاه مايوحشنيش.. مش عايزة كل حاجة تفكرني بيه.. مش عايزة اتبيل اشم ريحته طول منا ماشية.. مش عايزة كل الأماكن اللي قعدنا فيها نحاصرني.. أنا عينا مبتقتش تعيط من كتر ما دبلت.. زى ما حاجات كثير أوى جوايا دبلت.. عايزة انساه.. وانسى اللي حصل فيا عشان لو فكرت دقيقة واحدة في اللي حصلى انه بعد.. مش فيلم أنا بشوفه أو حكاية بتتحكىلى أو أنا أصلاً بيتهاى ان كل ده حصل.. أنا ممكن اموت فيها، وبسرعة هرولت الفتاة وهى تزحف على ركبتيها منهارة لآخر السور وظلت تخبط رأسها فيه حتى أغمى عليها..

ثم ظهر من بعيد شاب وسيم يرتدى بدلة فخمة وهو يصرخ من بعيد بكلمات غير مفهومة حتى بدأ يقترب ويظهر صوت صراخه بوضوح: أنا بكرهنى.. بكره كل حاجة ليا حتى لقيى.. الدكتور □□ قال آخر كلمة بسخرية، أنا واحد كل الناس شايفاه ناجح وهو أفضل واحد في الدنيا، أنا فشلت في كل حاجة.. كل حاجة.. إلا الدراسة، أهلى علموني حاجة واحدة بس في حياتي.. احفظ ما تفهمش، وفضلت احفظ عشان ابقى شاطر ومتفوق.. واحفظ تانى عشان اخش طب.. واحفظ ثالث في الكلية عشان اطلع بتقدير.. واحفظ رابع في الماجستير عشان افتح عيادة.. بس عمرى ما فهمت حاجة، عمرى ما فهمت اتعامل مع الناس ازاي، عشت طول عمرى الناس كلها بتكرهني من غير سبب، كل الناس بتتنجيني..

غير كده أنا كل حاجة بعملها بيفتكروا بيها حاجة تانية.. أنا اعتذرت في حياتي عن حاجات الناس ففهمتها غلط أكثر ما اعتذرت عن حاجات أنا غلظت فيها فعلاً.. أنا مبغرش انكلم، مبغرش اعبر عن أى حاجة جوايا، أنا وحيد.. عشت طول عمرى لوحدي.. كانوا كل ما مرحلة تعدى اهلى يقولونى خلاص هانت.. ركز بس في مذاكرتك مالكش دعوة بعد.. ده بكرة هما اللي ييجوا يصاحبوك.. لخد ما خلصت وأنا ماليش اصحاب.. ومش عارف يبقى ليا اصحاب.. كل ما اصاحب حد ألقاه بعد من غير ما اعرف ليه.. أنا حتى مش عارف ارتبط، حبيت واحدة معايا في الكلية.. كنت بحبها أوى وانا ساكت.. لخد ما جت هي في يوم وقالتلى انها اتخطبت.. قلبي وقع منى.. حبيت ان فيه عمارة عشر ادوار وقعت عليها.. وفضلت ساكت.. اتعقدت قلت اركرر في مذاكرتي.. خلصت واشتغلت في احسن مستشفى.. وفجأة حبيت واحدة تانية.. قلت خلاص بقى مش هفوت الفرصة المرة دى.. جمعت كل شجاعة العالم وقتلتها.. قتلها.. لا مقلتهاش بحبك.. قتلها عايز اتقدملك.. ما أنا اقولها بحبك ازاي يعني.. معرفش.. بس أنا كنت بحبها.. بحبها أوى بس هي مقدرتش تستحملني، بتتحاول عليا اقولها اى حاجة واحنا خارجين وانا مش عارف.. هنكب عربيتي الخلوة وبنروح نقعد في اعلى مكان وبنرجع مش مسوطنين.. كانت بتعمل في نفسها البدع.. بتغير قصة شعرها.. بتصبغه.. بتشتري هدوم جديدة.. بتوديني أماكن مختلفة وانا ساكت.. أخرس..



كرسى خارج معاهها.. فى الأول هى افكرت عشان احنا لسة فى الأول وكده.. بس بعد ٦ شهره لسة بتكلمنى فى التفيق وانا لسه ساكت على السماعه.. عايز حد يحفظنى القولها ايه.. مانا متعودتش افكر.. دى بتقولى النكتة وبعدين تشرجهانى عشان اضحك.. تخيل، مواقف كثير بتحط فيها معاهها وبقى مش عارف اتصرف.. محتاج حد يقولى اعمل ايه.. واحد خبط عربيتى على الطريق وهو اللي نزل هزنى وانا مش عارف ارد عليه.. بتعزمنى عند قرايبها فى مناسباتهم وبحسها مكسوفة منى.. هما حفظونى اتى اذا كرت.. انحر سنين عمرى فى المذاكرة عشان ابقى دكتور ناجح معايا فلوس.. بس ماقالوليش اتى حيقى بالبورس ده.. انا عايز انسى كل اللي حفظهونى.. عايز دماغى دى تبقى مريح.. عايز اتعلم كل حاجة لوحدى من اول وجديد.. اتعلم ان النجاح الحقيقى اتى اعيش مبسوط فى حياتى مش اعيش زى ما هما عايزين.. وخلع الشاب جاكته ورباطة عنقه وجرى على السور الذى ظل يخبط رأسه فيه بلا رحمة..

أما تلك الفتاة الجميلة الأنيقة فقد ظهرت فجأة.. كان يبدو من الوهلة الأولى انها متماسكة وقوية ولكن ما إن تنظر فى عينها تعرف انها من شدة الانكسار تلبدت فيها مشاعرهما.. كانت لا تسأل إلا سؤالاً واحداً: هو أنا وحشة؟ كانت تسأل السؤال ولا أحد حولها ولكنها كانت تنظر فى

جميع الاتجاهات وكأنها تخاطب الناس من حولها.. يعنى شكلى وحش أوى للدرجة دى، انا عندى ٢٨ سنة ولسة متجوزتش فيها حاجة دى؟!، هو الجواز بكتالوج.. يعنى آخره سن معين؟، لا أنا تنكة ولا مغرورة ولا معقدة.. بس كل الموضوع اتى كل اللي اتقدمولى مش مناسبين، يمكن كانوا مناسبين لنظرة أهلى واصحابى بس مش مناسبين ليا أنا خالص، هو مش تقريبا أنا اللي هتجوزه فى الآخر مش هما صح؟.. لا مش صح.. هما مش هيسيوكى.. من أول الدعاء ليكى تتجوزى.. وبعدين الزن عليكى عشان تتجوزى.. وبعدين نصايح كثير عشان ماتتلقيش.. ابوة أكيد أنا زى أى بنت نفسى ألبس الفستان الابيض.. بس هو أنا البسه لمجرد انى ألبسه؟.. هو ايه فائدة البس الفستان الابيض ساعتين والفضل لابسة الاسود بقية عمرى!، أنا شايقة انه على الاقل من حقى اختار شوية صفات صغيرة فى البنى آدم اللي هبص فى وشه كل يوم الصبح وهخلف منه وهكمل نص حياتى معاه.. نص حياتى اللي المقروض يبقى باختيارى أنا لإن النص الاوانى كنت مجبورة عليه بكل تفصيلة فيه، ثم عادت الفتاة تدور فى اتجاهات حولها وعادت تسأل الناس الوهميين: هو أنا كده أنانية؟!.. لا بجد هو أنا ممكن اكون أنانية وطماعة! بس اللي اعرفه ان الطمع هو انك تطلب أكثر من حقلك، طب هو ليه الولد من حقه يختار المواصفات اللي عايزها فى البنت.. عايزها تبقى كذا وكذا وكذا.. طب وانا.. أنا ماليش حق اختار صفتين حتى منهم، هو مش يقولوا الجواز شركة

بين اثنين.. طب مش لازم الاتنين يقوا متفقين ومقتنعين ببعض؟ طب ليه يختارني وانا اختاره لمجرد ان هو اختارني، ليه ماختاروش زى ما اختارني، ليه ابقى مجرد حجرة على قبول شخص كل مميزات انه عايزنى.. طب وانا عايزة ايه؟!، يا بخت الولاد.. يا بختهم بجد انهم بيختاروا الوقت اللي عايزين يتجوزوا فيه.. مابيحسوش بالجحيم اللي احنا عايشينه.. أنا أمى بتصلى كل نظرة والثانية والشقيقة بنسط من عينها، بتفضل بتصلى وتدخل الأوضة تعيط.. زى ما اكون مكسحة.. أنا كرهت ارواح الأفراح.. بحس ان الناس كلها مركزة معايا كإني عاملة جريمة أو هربانة من مصيبة.. عارف انت الإحساس ده..! طنط دى بتسلم عليا وتشد على إيدى وتقولى بكل تأثير: معلش يا حبيبتى.. معلش ربنا هايقرجها ان شاء الله.. يا طنط هو أنا اشتكيتك؟، وطنط الثانية كل ما تشوفنى بتصلى وتغمص شفاهيها أوى وترفع ايدها وتدعيلى بيزنى بعريس.. على فكرة يا طنط فيه دعوات احلى من كده بكير ادعيلى بالسعادة.. براحة القلب والبال، اما صاحبة ماما فكل ما تشوف وشى تسألنى وهي بتغمز: ها مفيش اخبار حلوة؟.. كنت بسكت كل مرة لحد ما جيت مرة قائلها: آه اتريق فى الشغل. لقيتها بوزت كده وقائلتى: لا بقولك اخبار حلوة.. واتكت على الجملة أوى عشان توجعنى، جارتنا مرة اختصرت الحدوتة كلها فى جملة قائلها: بحسن نية كان قصدنا نجاملنى بيها.. قائلتى: ماتخافيش يا بنتى أوحش منك والتجوزوا!، بالطبط كده.. الجواز عندنا جائزة.. مكافأة.. اللي لسة

مخدتهاش تبقى معيبة!، عشان كده فى لحظة ضعف قررت أوى فرصة لواحد زميلى فاتحتنى كذا مرة انه عايز يتقدملى وانا كنت برفض عشان مكنتش حاسة ناحيته بأى حاجة.. قلته: أنا وافقت.. تعال قابل أهلى.. عارف اللي جاب حاجة مش محتاجها ولا راضى عنها ولا حابها بس اضطر يجيها عشان كل الناس عندها وهو لا.. سمعت عن الحدوتة اللي كانت بتحكى عن الرجل ابو ودنين اللي سافر بلد كل اللي فيها بوردن واحدة فقطع ودنه عشان حس ان العيب فيه هو.. أهو أنا ده بالطبط، هو كان يجينى.. وانا كنت بجه.. لا أنا كذابة.. أنا حاولت على أد مقدر احبه بس معرفتش.. كنا نبقى فى مطعم.. أقطعله الأكل فى الطبق وأكله.. فيقولى: هو انتى بتعملى كده عشان بتجيبنى ولا عشان المفروض تعملى كده؟ والاقى نفسى فجأة بنخرس!.. بحس انه حشر سيف فى زورى مانعنى من الكلام! لا أنا قادرة اقوله بحبك ولا عارفه اقوله بكرهك.. لا أنا قادرة اقوله مش عايزاك ولا قادرة اقوله أنا حاسة بالأمان جنبك.. لما كان يقولى وحشيتى مكنتش عارفة ارد عليه اقوله ايه.. فيقوله وانت كمان.. مع انه فعلا ماوحشيتنى!.. حاولت اكلمه بالليل زى الحبيبة واجيله هدية فى الفلاتين واقوله يا حبيبتى يا روحى يا عمرى واكلمه كل شوية.. بس اكتشفت انى مش بجه.. أنا بمثل انى بجه.. أنا عايشه دور واحدة بتحب بس هى ماتحبش فعلاً.. أنا صحيح مقمصة الدور بس كل مشاعرى مزيفة.. هو مالوش ذنب.. وده اللي محسنى بالذنب.. هو عمل

اللى عليه وزيادة.. بس أنا اللي مش قادرة أديله حاجة مش عارفة اديها فعلا.. أنا حاسة انى ظلمته وظلمت نفسى قبلها.. ورغم كده أنا أجبين من انى آخذ قرار انى أبعد وفركش الموضوع.. مش عشانى.. لا.. لو كان عليا نفسى النهارده قبل بكرة.. حالا قبل كمان شوية.. بس أنا مقدرتش اواجه المجتمع وانا لسة مرتبطش.. فمابالك كمان انى هبقى اتخطبت وفركشت!، متخيل هبقى شكلى عامل ازاي ! ومتخيل الكلام اللي هيسموا بيه بدننى فى الراححة والجاية.. وسرتى اللي هاتبقى زى اللبانة على لسانهم.. باختصار أنا فى مشكلة مش عارفة اهرب منها لانى أنا نفسى جزء منها.. واحدة غيرى فى اى حنة فى الدنيا كانت المفروض دلوقتى بتعيش أحلى أيام حياتها مع حبيبها اللي هيتجوزها.. بيخرجوا ويتفسحوا ويبروحوا فيلم رومانسى فى السينما وياكلوا آيس كريم على الرصيف.. انما انا مبطلش عياط ليل ونهار على حظى فى الدنيا وابامى اللي بتجرى منى عشان تكند عليا أكثر.. أنا كرهت نفسى وحياتى وطموحاتى وكل حلم خايب حلمته فى يوم انى اكون مبسوطة.. أنا عايزة انسى.. انسى بأى طريقة وبأى ثمن لإنه عمره ما يكون قد التمن اللي دفعته ويدفعه..!، وسحبت الفتاة اقدامها ببطء الى السور وخطبت دماغها فيه خبطة قوية حتى سال الدم من جبينها وظلت تخبط دماغها بعدها بلا وعى..

لا أحد يعرف على وجه الدقة إذا كانت تلك الفتاة القادمة قد سمعت تلك

الحكاية السابقة أم لا، ولكنها كانت تنظر لها بتعاطف شديد كأنها تسمع كلامها وتتعاطف معه، كانت ملامح تلك الفتاة قائمة المشاعر.. وقتت وكأنها تكمل حدوتة قد بدأتها:

أنا.. أنا معتدش قدرة على الكلام.. أنا زمان اصحابى كانوا بيحسدونى على رغبى بالساعات وضحكى اللي ما بتفارقنيش.. أنا اصحابى كانوا يقولون: يا بنتى مرة واحدة نفسنا نشوفك مكشرة، بس انا خلاص انظفت، لا أنا مش زعلانة.. أنا مش حزينة.. أنا مطفية، حاسة انى عايشة كده بلا روح.. حاسة انى وقعت وغرست كمان بعد ما وقعت.. أنا مبعثش عارفة العيب فين.. فيا ولا فيهم.. أنا نفسى احب.. أعيش قصة زى اللي بتشوفها فى الأفلام العبيطة اللي صدقتها.. أنا عشت طول عمرى بتفرج على قصص الحب من بره.. معرفش امتى هيبجى دورى وابقى أنا بظلة قصة فيهم.. أنا فضلنا محوشة مشاعرى كلها للى هقابله.. أنا أمورة وعترمة ومخلصه ومحوشة مشاعرى كلها للى هقابله.. عشان كده حاسة انى استاهل حاجة احسن من اللي عدوا عليا.. كنت حاطة من ٧ سنين ٧ صفات أساسية فى اللي هتجوزها، بعد ثلاث سنين ملقتش حد.. قلت خلاص خليلهم ٤ صفات بس.. ملقتش حد.. قلت خلاص خليلهم صفتين بس.. ملقتش حد.. قلت خلاص يمكن أنا اللي معقداها.. أنا أول واحد يقابلنى بيحبني هجبه..

ابتسمت الفتاة نصف ابتسامة بالثة ثم كأنها تبتهت لشيء تذكرته وقالت:  
 بس انا كل قصصي يتبوظ.. كل واحد اعرفه يقولى: بقولك إيه.. مبحش  
 البت ام شعر التحجبي.. التحجب.. يقولى: لا الحجاب مش لايق على لبسك  
 اقلعه احسن.. اقلعه.. اتنى ربيعة كده ليه.. أنا بحب البنت التخينة،  
 أتخن.. إنتى تختنى أوى لازم تخسى.. أخس.. مايتضحكىش ليه مبحش  
 البنت الهادية اضحكى دى نكدية صحيح.. أضحك.. يقولى: بتضحكى  
 كده بصوت عالى الناس تقول علينا إيه.. اعملى كذا ومعملش كذا..  
 حاضر.. اعملى معملش.. حاضر.. اعملى معملش.. حاضر.. وف  
 الآخر كل واحد يسيبنى وعشى واما اقله سبتى ليه يقولى: عشان ما  
 بتسمعيش الكلام.

دورت على الحب فى كل حنة مش لاقياه.. أنا لو كنت لقيته فى البيت  
 مكتتش دورت عليه بره.. انعس حاجة فى الدنيا ان يكون عندك أهل  
 زى أهلى كده، فاكرين ان مادام باكل وبشرب يبقى مش ناقصنى حاجة،  
 بالعكس ده انا ناقصنى كل حاجة.. البيت من غير دفا شوية حيطان، يبقى  
 مجرد مكان بنعيش فيه، وأهلنا كده برضه.. مش معنى انهم موجودين..  
 انهم موجودين.. هو صحيح نفسهم فى الدنيا موجود.. بس حضنهم مش  
 موجود.. أنا كان نفسى يبقى عندى أب مش خزنة.. كان نفسى يكون  
 عندى أب صاحبي مش أب اخاف احكيه أى حاجة عشان خايقة من

عقابه.. كان نفسى ف أم محافش اعترفلها بحاجة عشان متحسستيش  
 انى المذبة الوحيدة اللى فى العالم.. أم بتفكر فى مشاعرى أكثر ما بتفكر  
 فى احتياجاتى.. أم ادخل البيت الاقيها مستبانى تقولى: عملتى إيه  
 احكىلى؟.. عامله إيه مع صحابك؟.. فيه حد معجب بيكى؟.. أنا أسفة  
 ان انا بقول كده.. بس انا بعمل كل حاجة غلط من ورا أهلى وانا ضميرى  
 مستريح.. لانه عمرهم ما هيعرفوا.. ولا عمرهم هيهتموا..

أنا محتاجة انسى يعنى إيه حب.. أنسى كل الحكايات اللى حكوها لنا واحنا  
 صغيرين.. أنسى كل الأفلام الرومانسية اللى ضحكوا بيها علينا.. أنسى  
 كل قصصى الفاشلة وانسى ان عندى قلب أصلا..

ولم تمر ثوان حتى ظهر ذلك الشاب الوسيم الأنيق الذى أمسك رأسه بكلتا  
 يديه وصرخ: أه يا دماغى.. دماغى بتون يا ناس.. دماغى هنتفجر يا بشر..  
 بس انا استاهل أى حاجة تحملى.. أى حاجة بمعنى أى حاجة.. عشان انا  
 أصلاً بنى آدم وسخ.. وسخ مش شيمية.. لا وسخ بكل المعانى اللى الكلمة  
 ممكن تعنيها، أنا وسخ.. أنا أوسخ من انك تلوث لسانك وتشتمنى.. لا  
 أنا مش خمورجى على فكرة.. ولا بحشش ولا حتى السجارة بشرها..  
 أنا مزاجى حاجة واحدة.. النبات.. انام مع النبات.. لا أنا ما اقصدش  
 النبات اللى شغالين فى كده أو حتى يحبوا كده.. لا أنا قصدى بنات  
 ولاد ناس ومحترمة.. اصحاب من الجامعة والنادى والشغل.. أصل بيقتى

فيهم متعة غريبة يا أحمى.. البنت الشمال بتبقى سهلة ويتيجي مع الكل عاملة زى لأمواخذة المبوطة اللي كله يتعامل معاها، إما انا متعنى الحقيقية فى الصيد.. إزاي تخلى واحدة محترمة تبقى شمال.. وشمال معاك انت بس.. بحاول آخذ منها كل اللي اقدر عليه ومش ضرورى تبقى علاقة كاملة بس اكثر حاجة ممكنة.. وبالناسبة هما مش شبه بعض على فكرة.. هما كذا نوع، يعنى أول نوع يبقى سهل التأثير عليه.. يعنى أول ما اعلقها بيا أطلب منها اللي انا عايزه.. النوع ده بقى غالبا بيرفض فى الأول.. بس مع سحر الزن عليه على شوية قفش على شوية حنية باخد اللي انا عايزه، وفيه نوع ثانى يبقى محتاج جرعة مضاعفة من الحب والوقت.. يعنى تتكلموا كل يوم بالساعات وتخرجوا وتتقابلوا وتقبلها هدايا واطلب منها جسمها بعد فترة عشان ابقى جدير بالثقة.. وبتعناه ان صحيح عشق الروح مالوش آخر بس عشق الجسد مالوش حل برضه!، أما النوع الأخير فبيبقى معصلج.. البنت لما يبقى عندها مبادئ تبقى معقدة ومكلكعة.. عشان كده لازم آخذها على حجرى أوى.. يعنى غير انها عايزة حب بزيادة ومحتاجة وقت طويل عشان تحس بالأمان معاك.. بتبقى عايزة حاجة رسمية.. وانا مايسكتش.. فيه بنات كلمت ماماتهم.. عشان اطمئنه.. وفيه بنات زحّت زُرت أبهاتهم وفتحتهم فى موضوع ارتباطنا.. وفيه واحدة قفلت معايا لدرجة اتى زحّت خطبتها.. أبوه خطبها بجد.. قاعة ومعايزم ودبل عشان اوصل لى انا عايزه.. مش بقولك بنى آدم وسخ!، قال آخر

جملة ثم لمعت فى عيناه دموع تكاد تنفجر منهما فتنهد تنهيدة طويلة ونظر للسماء ثم نظر للأرض وقال بصوت مهزوز من البكاء: انت عارف ايه اللى مضايقتى.. ان مفيش ولا واحدة فيهم كانت مش محترمة.. مافيش ولا واحدة فيهم عملت كده مع حد غيرى ولا قبلى.. أنا اللى علمتهم الوساحة.. فضلت ادحلح وراهم لحد ما حيونى وأول ما حيونى غدرت بيهم، أنا كلب خسارة انحط على لسة البنى آدمين.. ولا قولك حرام اشبه نفسى بالكلب.. أنا ناقصنى وفاء كثير عشان ابقى شبهه.. كنت بعمل كل ده من غير ما احس بتأنيب ضمير.. عمرى ما حسيت بحاجة لغصت عليا حياتى غير لما حبيت.. حبيت بنت كنت ناوى اعمل معاها زى اللى قبلها.. كنت مستغرب من اللى انا احسه.. إيه ده هو انا عندى قلب زى بقية الناس ممكن يدق ويحب ويتوجع؟ هو انا عندى دم أصلا؟ هو انا ممكن احب بمشاعرى مش بجسمى؟ بس ده اللى حصل تخيل؟.. اكتشفت انى يحبها بجد.. وعشان كده مالمستهاش عشان منجسهاش منى.. هى محترمة أوى وانا بتق فيها أوى.. آه بتق فيها.. عارف لقتى فيها زى إيه.. زى ثقة كل ولد فى أخلاق بنت من اللى تمث معاها وخطوبها وهما شابينيهم أظهر بنات على وجه الأرض.. هى دى مشكلتى.. وهى دى الفكرة اللى دمريتى.. إنى بشل فى كل تصرفاتها.. فى كل تليفون بتزد عليه بحس انها يتكلم حد ثانى غيرى وكل تليفون مابتدش عليه بحس انها مابتدش عشان انا موجود.. فى كل مشوار بتروحها هى رايحة تقابله.. وفى كل



شكر خاص جدا


أحمد عبد الجواد

دعاء أبو الفتوح

بسمه أحمد



 Mustafa Shohaieb

 mustafa\_shohaieb@live.com



السعداء هم الذين آمنوا أن الخسارة جزء من الرحلة.. فقبلوا بالحياة «باكدج» واحدة، الذين أدركوا أن المليونير هو الذي صرف المليون وليس من ادخره، وأن اللدم لم يخلق لكي نلدم على فعلناه بل على ما لم نفعله بعد، وأن اللصائح لا تغير ما نتعرض له.. هي فقط تشعرتنا باللدم بعد ذلك، وأن الكوئب يحكمه مجموعة من المختلين عقليا، يدعمهم مرضى نفسيون، فاختاروا ألا يكون لديهم وجهة نظر.. وذلك في حد ذاته وجهة نظرا

### مصطفى شهيبي

كاتب مصري له العديد من مقالات الرأي في عدد من الصحف والمجلات والدوريات صدرت له أربعة كتب: «لد متعلم عليها»، «الحب في رعيق»، «خيمة ٨»، «رحلتي من الشك للشك برصه»



طبعة شبابية أصلية  
خاصة بسور الازبكية

